

CARTA VMNÁÁⁿ VMNAAⁿ YEⁿ'E 'IIⁿ'YĀⁿ YEⁿ'E YĀĀⁿ CORINTO

Pablo idinguúⁿ yā carta 'cūū yeⁿ'e 'iiⁿ'yāⁿ yeⁿ'e yaacū na yāāⁿ Corinto

¹ 'Úú Pablo 'úú. Dendyuūs yaa'ví yā 'úú chi cuuvi apóstol yeⁿ'ē Jesucristo tan'dúúccā chi Ndyuūs neⁿ'é yā. 'Úú ndúúccū hermano Sóstenes yaa'ví 'nū ndís'tiī.

² 'Úú idinguúⁿ carta 'cūū yeⁿ'e 'iiⁿ'yāⁿ chi i'téenu yā Ndyuūs, 'iiⁿ'yāⁿ chi snée yā na yāāⁿ Corinto. 'Iiⁿ'yāⁿ s'eeⁿ, Ndyuūs yaa'ví yā 'iiⁿ'yāⁿ chi cuuvi yeⁿ'é yā 'iiⁿ'yāⁿ s'eeⁿ ti yeⁿ'e Cristo Jesús. Idinguúⁿ dendu'ū yeⁿ'e nducyaaca 'iiⁿ'yāⁿ yeⁿ'ē nducyaáccā yāāⁿ, 'iiⁿ'yāⁿ s'eeⁿ chi ngaⁿ'angua'á yā ndúúccū Señor Jesucristo. Señor Jesucristo miīⁿ 'iivú Ndyuūs yeⁿ'é yā ndúúccū s'uūuⁿ.

³ Ndyuūs Chiida yú ndúúccū Señor Jesucristo cuuvi téé yā s'uuúⁿ cosa chí n'dááccā n'dai yeⁿ'é yā, ní 'íicú cunéé vaadī 'diiíⁿ yeⁿ'é yā na staava yeⁿ'e yú.

Pablo caaⁿ'maⁿ yā gracias Ndyuūs caava chi Ndyuūs dateé yā 'iiⁿ'yāⁿ

⁴ Cueⁿ'é daāⁿ'maⁿ ngaⁿ'á gracias Ndyuūs cáávā cosa chi n'daacā n'dai yeⁿ'é Ndyuūs chi dátee yā s'uūúⁿ chi yeⁿ'e Jesucristo.

⁵ Dendyuūs dateé yā tanducuéⁿ'ē dendu'ū chi véé yeⁿ'é yā ti maaⁿ ní ndís'tiī ní yeⁿ'e Cristo ndis'tiī.

Ní Ndyuūs chinnee yā ndís'tiī chi caaⁿ máⁿ nī nduudu yeⁿé yā, ní teé yā ndís'tiī vaadī deenu.

⁶ 'Tíicā chiiⁿ chi 'úú ngaⁿ 'á nduudu cuaacu miiⁿ yeⁿé Jesucristo miiⁿ. Ní ndís'tiī n'giindiveéⁿ nī ní diíⁿ nī 'tíicā, ní ch'iⁿ 'í nī chi nduudu miiⁿ chi cuaacu.

⁷ Ní cuuvi yeⁿé nī nducuéⁿé chi dateé Ndyuūs, ní ndís'tiī nguéé diiⁿ faltar mar 'áámá. Neⁿé chi ndís'tiī 'cuεεtinéé ngiinu nī Señor Jesucristo yeⁿé yú chi ndaa yā taama vmnéⁿée.

⁸ Ní Cristo miiⁿ ní téé yā fuerzas ndís'tiī, ní 'cuεεtinéé nī n'daacā ndíí nguuvi chí Jesucristo ndaa ntuúⁿ yā. Ní nguéé véé nuuⁿndi yeⁿé nī nguuvi chí ndaā Señor Jesucristo yeⁿe yú.

⁹ Ndyuūs ní diíⁿ yā chí caⁿ'a yā chí diíⁿ yā. Ní yaa'ví yā ndís'tiī chí 'cuεεtinéé nī ndúúcu daiyá yā chí Señor Jesucristo yeⁿé yú.

Véé divisiones nguaaⁿ 'iiⁿ yāⁿ chi caⁿ'á yā nayáacū

¹⁰ Ndís'tiī hermanos yeⁿé, 'úú ngiicá ndís'tiī cáávā chi duuchi Señor Jesucristo yeⁿé yú chí 'cuεεtinéé ngíínú nī, ní nguéé véé divisiones nguaaⁿ ndís'tiī. N'dáácā n'dai 'cuεεtinéé nī ní daama daamá nī ndúúcu 'aama vaanicadiinūūⁿ yeⁿe ndís'tiī chí n'daacā ndúúcu tanducuéⁿé chí diíⁿ nī.

¹¹ N'duuví 'iiⁿ yāⁿ yeⁿé familia yeⁿe n'daataá Cloé yaa'ví yā 'úú yeⁿe ndís'tiī hermanos yeⁿé. Ní ngaⁿ'á yā chí ndís'tiī n'gεεcu cheendí nī.

¹² Chuū chí yeⁿé chí caaⁿ' máⁿ. 'Áámá 'áámá ndís'tiī ngaⁿ'á nī yeⁿé 'áámá saⁿ'ā 'tíicā. 'Áámá yā ní ngaⁿ'a yā: 'Úú yeⁿé saⁿ'a Pablo; taamá yā ní ngaⁿ'a yā: 'Úú yeⁿé saⁿ'a Apolos; taamá yā ní ngaⁿ'a yā:

'Úú yeⁿ'ē saⁿ'a Pedro; taamá yā ní ngaⁿ'a yā: 'Úú yeⁿ'e Cristo.

13 ¿'Áá cuaacu chi Cristo yeⁿ'ē yú chi 'yaaⁿ yā? Nguéé 'tíicā. ¿'Áá ca'neeⁿngá'āa Pablo cáávā nuuⁿndi yeⁿ'ē ndís'tiī? Nguéé. ¿'Áá cheεdinuūⁿniⁿ nī ndúú^{cū} chi duuchi Pablo? Nguéé 'tíicā.

14 'Úú cāⁿ'a: Gracias Dendyuūs, ti 'úú chi Pablo, nguéé cheεdinúⁿniⁿ mar 'áámá ndís'tiī. Dámaāⁿ cheεdinuūⁿniⁿ saⁿ'ā Crispo ndúú^{cū} saⁿ'ā Gayo.

15 Maaⁿ ní mar 'áámá ndís'tiī nguéé cuuvi caaⁿ'máⁿ nī chi ndeεdinuūⁿniⁿ ndúú^{cū} chi duūchí.

16 Cheεdinuūⁿniⁿ ntúúⁿ 'iiⁿ'yāⁿ yeⁿ'e familia yeⁿ'e saⁿ'ā Estéfanos. Ní yeⁿ'e tanáⁿ'ā 'iiⁿ'yāⁿ 'úú nguéé deenú chi ndeεdinuūⁿniⁿ du'ū ca táámá 'iiⁿ'yāⁿ.

17 Cristo nguéé dichó'o yā 'úú chi cuεdinuūⁿniⁿ 'iiⁿ'yāⁿ caati dichó'o yā 'úú chí caāⁿ'máⁿ nduudu yeⁿ'ē evangelio chí nduudu ngai yeⁿ'e Cristo. 'Úú nguéé caaⁿ'máⁿ ndúú^{cū} nduudu deenu yeⁿ'e saⁿ'ā yeⁿ'ē iⁿ'yeeⁿdí 'cūū, ní 'iicu nducuéⁿ'ē chí ngaⁿ'á ní yeⁿ'e poder yeⁿ'ē Cristo chí ch'iī yā na cruz.

Cristo miiⁿ ní poder yeⁿ'ē Ndyuūs ndúú^{cū} vaadi deenu

18 'Úú deenú chí taachi 'iiⁿ'yāⁿ chi nguéé deenú yā du'ū chi Cristo miiⁿ ní n'giindiveéⁿ yā nduudu yeⁿ'ē cruz, 'iiⁿ'yāⁿ miiⁿ nacadínuuⁿ yā chí 'áámá cosa chí duuchi. S'uūúⁿ chí nanguaⁿ'āī yú, deenu yú chí Ndyuūs ch'iⁿ'í yā poder yeⁿ'é yā cucáávā nduudu yeⁿ'é yā.

19 Naati canéé nguūⁿ na libro yeⁿ'é Ndyuūs ndíí vmnaaⁿ chí ngaⁿ'a 'tíicā:

'Úú dituūví vaadī deenu yeⁿe 'iiⁿ'yāⁿ chi deenu, ní idiíⁿ chi nguéé dichíí^lvē nduudu yeⁿe 'iiⁿ'yāⁿ chi deenu taavi.

20 ¿De'ē dichíí^lvē vaadī deenu yeⁿe 'iiⁿ'yāⁿ chi deenu? ¿De'ē dichíí^lvē vaadī deenu yeⁿe maestro chi deenu taavi? ¿De'ē dichíí^lvē vaadī deenu yeⁿe 'iiⁿ'yāⁿ chi deenu taavi ní caaⁿ'máⁿ yā ndúú^cū compañeros yeⁿe yā yeⁿe cosas chí vée^l iⁿ'yeeⁿdí 'cūū? Ndyuūs ch'iⁿ'i yā chí vaadī deenu yeⁿe iⁿ'yeeⁿdí 'cūū ní dúú^lvī vεε ní nguéé de'ē vεε.

21 'Iiⁿ'yāⁿ yeⁿe iⁿ'yeeⁿdí 'cūū nguéé cuuvi n'diichí yā Dendyuūs cucáá^vā vaadī deenu yeⁿe iⁿ'yeeⁿdí 'cūū. Ndyuūs canee yiinú yā ní nadanguaⁿ'ái yā 'iiⁿ'yāⁿ chí i'téenu yā nduudu cuaacu yeⁿe yā, naati tanáⁿ'ā 'iiⁿ'yāⁿ yeⁿe iⁿ'yeeⁿdí 'cūū ngaⁿ'á yā chí nduudu cuaacu miiⁿ ní tan'dúú^cā 'áámá cosa chí duuchi.

22 'Iiⁿ'yāⁿ Israel s'eeⁿ chi judíos ngiicá yā señales Ndyuūs ní 'iicu 'iiⁿ'yāⁿ griegos ní in'nuuⁿ cá yā vaadī deenu yeⁿe iⁿ'yeeⁿdí 'cūū.

23 S'uūúⁿ ní ca'cueeⁿ yú yeⁿe Cristo chí ca'nééⁿnga'āa na cruz cáá^vā nuūⁿdī yeⁿe nducyáá^cá 'iiⁿ'yāⁿ. 'Iiⁿ'yāⁿ Israel s'eeⁿ nguéé neⁿe 'caandiveéⁿ yā nduudú 'cūū, ní tanáⁿ'ā 'iiⁿ'yāⁿ sta'á yā nduudú 'cūū tan'dúú^cā 'áámá cosa chí duuchi.

24 Nduuti chí 'iiⁿ'yāⁿ Israel s'eeⁿ o nduuti chí 'iiⁿ'yāⁿ griegos, Ndyuūs yaa^lví yā 'iiⁿ'yāⁿ s'eeⁿ chí cuuvi yeⁿe yā 'iiⁿ'yāⁿ. Cristo ní poder yeⁿe Ndyuūs ní Cristo miiⁿ vaadī deenu yeⁿe Ndyuūs cucáá^vā nducyaaca 'iiⁿ'yāⁿ.

25 Nduudu yeⁿe Ndyuūs chí 'iiⁿ'yāⁿ ngaⁿ'á yā chí cosa chí duuchi, nduudu miiⁿ nduudu déénú ca nguéé tí nduudu yeⁿe saⁿ'ā yeⁿe iⁿ'yeeⁿdí 'cūū.

Ní cosa chi sta'á yā tan'dúúcā chi duuvā ye^{n'}é Dendyuūs chííⁿ chi ditiīnú ca, nguéé ti ye^{n'}e 'ii^{n'}yāⁿ ye^{n'}e i^{n'}yee^{n'}dí 'cūū.

26 Ndís'tiī hermanos ye^{n'}é, nadacádiinúúⁿ nī ye^{n'}ē maáⁿ nī. Nguéé 'yaaⁿ ndís'tiī 'ii^{n'}yāⁿ chi deenu taavi, nguéé 'yaaⁿ ndís'tiī 'ii^{n'}yāⁿ ndíí tiīⁿ, ndíí nguéé 'yaaⁿ ndís'tiī 'ii^{n'}yāⁿ 'cuiica.

27 Ndyuūs ndεεvé yā 'ii^{n'}yāⁿ chi nguεε deenu taaví yā ní 'íícú 'ii^{n'}yāⁿ chi deenu taaví yā cuuví 'cuináaⁿ yā. Ní Ndyuūs ndεεvé yā 'ii^{n'}yāⁿ ye^{n'}ē i^{n'}yee^{n'}dí 'cūū chi véé duu'vī fuerzas ye^{n'}é yā ní 'íícú 'ii^{n'}yāⁿ chi véé fuerza ye^{n'}é yā cuuví 'cuináaⁿ yā.

28 Ndyuūs ndεεvé yā 'ii^{n'}yāⁿ chi nguéé du'ū véε nanááⁿ 'ii^{n'}yāⁿ ye^{n'}ē i^{n'}yee^{n'}dí 'cūū ní ndεεvé yā 'ii^{n'}yāⁿ chi nguéé inuunⁿdi ní ya'ai 'iinú yā 'ii^{n'}yāⁿ. Ní 'iicu Ndyuūs diíⁿ yā chi nguéé dε'ē véε cosa chi ch'εετε chí 'ii^{n'}yāⁿ ye^{n'}ē i^{n'}yee^{n'}dí 'cūū diíⁿ yā.

29 'Tíicā Ndyuūs idiíⁿ yā ti mar 'áámá 'ii^{n'}yāⁿ nguéé cuuvi dich'εεté yā 'ii^{n'}yāⁿ nanááⁿ Dendyuūs.

30 'Tíicā Dendyuūs maáⁿ yā teé yā vida cuen'e daāⁿmaⁿ ye^{n'}e ndís'tiī tí i'teenú nī Cristo Jesús. Ndyuūs dichó'o yā Jesucristo i^{n'}yee^{n'}dí 'cūū chi cuuvi deenu yú nducué^{n'}e cáávā Cristo. Ní cáávā Cristo miiⁿ nguéé nuuⁿndi ye^{n'}ē yú nanááⁿ Ndyuūs ti Cristo miiⁿ ch'īi yā na cruz cucáávā nuuⁿndi ye^{n'}ē nducyaaca 'ii^{n'}yāⁿ, ní 'iicu s'uūuⁿ chi cuuvi ye^{n'}é yā s'uūuⁿ.

31 Cáávā chuū canéé nguūⁿ na libro ye^{n'}é Ndyuūs ndíí vmnaaⁿ 'tíicā: 'Ii^{n'}yāⁿ chi nga^{n'}a chi idich'εεté maáⁿ yā 'ii^{n'}yāⁿ, nguéé n'daacā idiíⁿ yā. Dámaāⁿ canéé chi dich'εεté yā 'iivú Ndyuūs.

2

Nga'a yā chí Cristo ca'néé'nga'á yā

¹ Ndís'tiī hermanos ye'n'é, taachí ndāa ní caneé ndúúcu nī 'tíicā ca'n'á nduudu cuaacu ye'n'é Dendyuūs. Nguéé ca'n'á nduudu mii'n ndúúcū núú'má'n vadicadíinūu'n ye'n'e vaadī deenu.

² 'Tíicā nga'n'á, ti nguéé ne'n'é caā'n'ma'n táámá cosa nanáá'n ndís'tiī, dámaa'n ne'n'é caa'n'má'n ye'n'ē Jesu-cristo chi ca'néé'nga'á yā.

³ Taachi caneé ndúúcū ndís'tiī ndii cuū'nūn 'úú; ní 'va'ā 'úú; ní nééné in'duuví vaa.

⁴ Nguéé nga'n'á nduudu mii'n ndúúcū vaadī deenu chi cadiinuu'n 'ii'n'yā'n ye'n'ē in'yee'ndí 'cūū, naati nga'n'á nduudu cuaacu mii'n ndúúcū nduudu chi nguéé ngí'n'íi. Nga'n'á chii'n chí Espíritu N'dai ye'n'é Ndyuūs ch'i'n'í yā 'úú ndúúcū poder ye'n'é yā chí nduudu cuaacu mii'n ní ye'n'e Dendyuūs. Níicú 'ii'n'yā'n cuuvi deenú yā chí nduudu cuaacu mii'n ní nduudu ye'n'é Dendyuūs.

⁵ 'Tíicā nga'n'á ti chíí'n chí i'teenu yú nguéé chíicā na vaanīcadiīnūu'n ye'n'e 'ii'n'yā'n ye'n'ē in'yee'ndí 'cūū ti ye'n'ē poder ye'n'é Dendyuūs.

Dendyuūs diín yā chi deenu 'ii'n'yā'n cucáávā Espíritu N'dai ye'n'e yā

⁶ Taachi caneé 'nū nguaa'n 'ii'n'yā'n chí i'teenú yā Dendyuūs ní 'áámá caneé yā ndúúcū Dendyuūs, tuu'mi ní nga'n'á 'nū ndúúcū nduudu ngi'n'íi ye'n'e vaanīcadiīnūu'n. Nguéé ti vaadī deenu chí nada-cadiīnūu'n 'ii'n'yā'n ye'n'ē in'yee'ndí 'cūū, 'ii'n'yā'n chí nguéé i'téenu yā Dendyuūs ye'n'ē yú. Ndíí nguéé ti ye'n'é sa'n'ā chí ndii tíi'n ye'n'ē in'yee'ndí 'cūū chí chó'ōo poder ye'n'e yā.

7 Naati nga'ná 'nū vaadī déenu ye'n'é Dendyuūs. Ní nguée deenu 'ii'n'yān ye'n'ē in'yee'dí 'cūū vaadī deenu mii'n, ti Ndyuūs ca'n'a yā vaadī deenú 'cūū chi ye'n'e maán yā vmnáán vmnaa'n chi din'dái yā in'yee'dí 'cūū, ní 'iicu cuuvi nadinguá'n'ai yā s'uūú'n.

8 Mar 'áámá 'ii'n'yān n'gεεε ye'n'ē in'yee'dí 'cūū déenū yā ye'n'e vaadī deenú 'cūū, ti nduuti chi déenu yā, tuu'mi ní nguée s'nee'nga'á yā Señor Jesucristo chi chíca yā ye'n'ē va'ai cheεti nguūvī.

9 Canée nguū'n ndii cuáán vmnaa'n ná libro ye'n'é Ndyuūs 'tíicā:

Nducuén'ē chi din'dái Dendyuūs ní ye'n'é 'ii'n'yān chí i'teenu 'iivú Ndyuūs, tanán'ā 'ii'n'yān ye'n'ē in'yee'dí 'cūū nguée n'diichí yā Jesucristo, ndíi nguée n'giindiveén yā ye'n'é yā, ndíi nguée nadicadiinúu'n yā ye'n'e dendu'u chuū na staava ye'n'e yā.

10 Ndyuūs ch'i'n'í yā nducuén'ē s'uūú'n cucaavā Espíritu N'dai ye'n'é yā. Espíritu N'dai ye'n'é Dendyuūs ní deenú yā nducuén'ē, ní deenú yā nducuén'ē vaadī deenu ye'n'é Ndyuūs.

11 ¿Du'ú 'ii'n'yān cuuvi deenú yā chi nadacadiinúu'n taama 'ii'n'yān? Dámaa'n espíritu ye'n'e maán yā deēnu chi maán yā nadacadiinuu'n yā. 'Tíicá ntúū'n mar 'áámá 'ii'n'yān nguεε cádiinuu'n yā chi Ndyuūs nadicadiinuu'n yā, ti dámaā'n Espíritu N'dai ye'n'é Dendyuūs deenu yā ye'n'é Dendyuūs.

12 S'uūú'n ní nguée sta'ā yú espíritu chi ye'n'ē in'yee'dí ti sta'ā yú Espíritu N'dai chí cuchí ye'n'é Ndyuūs. Maa'n ní cuuvi deenu yú nducuén'ē chí n'daacā n'dai ti Ndyuūs teé yā s'uūú'n Espíritu N'dai ye'n'é yā.

13 Nga'n'a ntúū'n yú ye'n'e nducuén'ē chuū. Nguée

ngaⁿa yú ndúúcū nduudu chi ngi'cueeⁿ 'iiⁿ'yāⁿ yeⁿe iⁿ'yeeⁿdí 'cūū. Espíritu N'dai yeⁿ'é Ndyuūs ca'cueeⁿ yā nducyaaca 'iiⁿ'yāⁿ chi canee ndúúcū Espíritu N'dai miiⁿ.

14 'Iiⁿ'yāⁿ chi nguéeé i'téenu yā Jesucristo yeⁿ'ē yú nguéeé ituumicadiinuuⁿ yā dendu'ū chí yeⁿ'ē Espíritu N'dai yeⁿ'é Dendyuūs, ti sta'á yā nduudu miiⁿ tan'dúúcā 'áámá cosa chí duuchi. Ní nguéeé cuuvi tuumicadiinúúⁿ yā nduudu miiⁿ ti canée chi cadiinúúⁿ yā nduudu miiⁿ cáávā Espíritu N'dai yeⁿ'é Dendyuūs.

15 'Iiⁿ'yāⁿ chi canée ndúúcū Espíritu N'dai yeⁿ'é Dendyuūs n'diichí yā tanducueⁿ'ē dendu'ū, naati 'iiⁿ'yāⁿ chi nguéeé i'téenu yā Jesucristo nguéeé cuuvi tuumicadiinúúⁿ yā táácā idiíⁿ 'iiⁿ'yāⁿ chi canee ndúúcū Espíritu N'dai yeⁿ'é Dendyuūs.

16 Canée nguūⁿ na libro yeⁿ'é Ndyuūs ndíí vm-naaⁿ chí ngaⁿa tíicā: 'Iiⁿ'yāⁿ chi nguéeé i'téenu yā Jesucristo, ¿táácā cuuvi deenú yā chí nadacadiinúúⁿ 'iivú Ndyuūs? ¿Du'ú 'iiⁿ'yāⁿ cuuvi ca'cueeⁿ yā Ndyuūs? S'uuúⁿ chí canee yú ndúúcū Espíritu N'dai yeⁿ'é Dendyuūs snee yú ndúúcū vaanicadínūuⁿ yeⁿ'é Cristo chí 'iivú Ndyuūs yeⁿ'ē yú.

3

S'uuúⁿ ní compañeros yeⁿ'ē yú vi'ī ní diiⁿ yú ntiinnyuⁿ yeⁿ'é Dendyuūs

1 Ndís'tiī hermanos yeⁿ'é, nguéeé cuuvi caaⁿ'máⁿ ndúúcū ndís'tiī tan'dúúcā chí ndís'tiī ní 'iiⁿ'yāⁿ chí 'áámá canée ndúúcū Espíritu N'dai yeⁿ'é Ndyuūs, ní 'iiⁿ'yāⁿ chí n'giindiveeⁿ yā yeⁿ'e yā. Naati caⁿ'á nducú nī tan'dúúcā chí ndís'tiī daiya yeⁿ'é Ndyuūs

ndís'tiī, tan'dúúcā chi ndís'tiī 'iiⁿyāⁿ chi caama i'téenu yā Cristo ndís'tiī.

² Tan'dúúcā da'caīyāa chi ngi'i leche ti 'āā cuéé cuuvi che'é yā, 'tíicā ntúūⁿ ndís'tiī. Ca'cueeⁿ ndís'tiī ndúúcū dendu'ū nduudu chi nguéé ngíⁿ'i, tí nguéé díⁿ nī tan'dúúcā chi ngaⁿ'a Espíritu N'dai yeⁿ'é Ndyuūs.

³ Naati tan'dúúcā 'iiⁿyāⁿ yeⁿ'ē iⁿ'yeeⁿdí 'cūū díⁿ yā chi neⁿ'e maáⁿ yā, 'tíicā idiíⁿ nī. Ndís'tiī ní 'téé ní nguⁿ'u nī ní nguéé nduuvidaamá nī. Nguéé idiíⁿ n'daacá nī tan'dúúcā 'iiⁿyāⁿ chi i'téenu yā 'iivú Ndyuūs chi idiíⁿ yā, ti idiíⁿ nī tan'dúúcā 'iiⁿyāⁿ chi nguéé i'teenú yā 'iivú Ndyuūs chi idiíⁿ yā 'tíicā, ní idiíⁿ 'tíica nī.

⁴ Caati náⁿ'ā ndís'tiī ngaⁿ'á nī: 'Úú ní i'teenú tan'dúúcā chi ngaⁿ'a Pablo, ní táámá nī ngaⁿ'a nī: 'Úú i'teenú tan'dúúcā chi ngaⁿ'a saⁿ'a Apolos. ¿'Áá nguéé ngaⁿ'á nī tan'dúúcā chi caⁿ'a nī tiempo chi 'āā chó'ōo taachi 'āā cuéé cu'téenu nī Jesucristo?

⁵ ¿Du'ú saⁿ'a Pablo 'úú? ¿Du'ú saⁿ'a Apolos miiⁿ? ¿'Áá nguéé nús'ūu 'iiⁿyāⁿ chi dichíⁿ'vē Dendyuūs? Ngaⁿ'á 'nū nduudu chi ch'iⁿ'i Dendyuūs nús'uu ní ndís'tiī ní i'teenú nī.

⁶ 'Úú ngaⁿ'á nduudu yeⁿ'é Dendyuūs nanááⁿ ndís'tiī ní díⁿ tan'dúúcā chí chiínú ndaata na staava yeⁿ'é nī. Sáⁿ'ā Apolos miiⁿ canee sa ndúúcu nī ní ngi'cueeⁿ sá ndís'tiī ní díⁿ sa tan'dúúcā chí ch'iiⁿ'yú sa ndaata miiⁿ. Dendyuūs díⁿ yā chi 'cuiita ndaata miiⁿ.

⁷ Cáávā chuū 'iiⁿyāⁿ chi ngaⁿ'a nduudu yeⁿ'ē Dendyuūs o 'iiⁿyāⁿ chí ca'cueeⁿ nduudu miiⁿ nguéé ch'εεté yā. Dámaaⁿ Ndyuūs chi 'cuiitá yā nduudu miiⁿ ní ch'εετε cá yā.

8 'Iiⁿ'yāⁿ chi caaⁿ'máⁿ yā nduudu miiⁿ ní 'iiⁿ'yāⁿ chi ca'cueéⁿ yā nduudu miiⁿ, 'āā daamá nūuⁿ dííⁿ yā ntiiⁿnyuⁿ yeⁿ'é Ndyuūs. Ndyuūs ca'á yā 'iiⁿ'yāⁿ miiⁿ chiiⁿ chi cuuvi yeⁿ'é yā caavā ntiiⁿnyuⁿ yeⁿ'e yā chi dííⁿ yā.

9 Nús'uu ní daama dáámá nuún idiíⁿ 'nū ntiiⁿnyúⁿ ndúúcū Dendyuūs. Ndís'tiī ní tan'dúúcā 'áámá campo yeⁿ'é Ndyuūs chi Ndyuūs chidi'cuiitá yā 'tíicā ndís'tiī. Tan'dúúcā 'áámá va'ai chi idin'dai Dendyuūs, 'tíicā ndís'tiī.

10 Ndyuūs teé yā 'úú vaadi deenū yeⁿ'é yā ní tan'dúúcā 'áámá saⁿ'ā deenu din'dai sa cimientu yeⁿ'e va'ai, 'tíicā 'úú. 'Úú ngaⁿ'á nduudu cuaacu chi tan'dúúcā cimientu miiⁿ chi din'dai sa. Táámá 'iiⁿ'yāⁿ 'iicandíí yā ndúúcū va'ai miiⁿ. Ca'áámá ca'aama 'iiⁿ'yāⁿ chi 'iicandíí yā nduúcū canéé chi 'iicandíí yā ndúúcū va'āi ndúúcū cuidado.

11 Mar 'áámá 'iiⁿ'yāⁿ nguéé cuuví cu'neen yā táámá cimientu chi ñ'daaⁿ yeⁿ'ē chi 'úú chi'neén, ti tuūu yeⁿ'ē cimientu miiⁿ ní Jesucristo.

12 'Iiⁿ'yāⁿ s'een chi 'iicandíí yā vmnaaⁿ cimientu miiⁿ ndúúcū 'dííⁿnguaaⁿ, o ndúúcū 'dííⁿnguεε, o ndúúcū tuūu ndεε cheeⁿ, o ndúúcū yáⁿ'á, o ndúúcū yaāta o ndúúcū 'í'voōo canéé chí cadiinúúⁿ yā, ti chuū chí ngaⁿ'á.

13 Nguuvi chi Jesucristo dííⁿ yā juzgar ntiiⁿnyuⁿ yeⁿ'ē ca'áámá ca'áámá 'iiⁿ'yāⁿ, ní 'íicú 'iiⁿ'yāⁿ cádíínuuⁿ yā dε'ē ntiiⁿnyuⁿ chiiⁿ yeⁿ'ē 'áámá 'áámá yā. Ntiiⁿnyuⁿ miiⁿ ní canéé chí cho'ōo naavtaⁿ'ā ngiichí yaⁿ'ā ní deenú yā 'iiⁿ'yāⁿ yeⁿ'e ntiiⁿnyuⁿ yeⁿ'é yā.

14 Nduutī chí cunee ntiiⁿnyuⁿ yeⁿ'e 'iiⁿ'yāⁿ s'een chi 'iicandíí yā vmnaaⁿ cimientu miiⁿ, ntiiⁿnyuⁿ chi

'āā chó'ōo naavtaⁿ'ā ngiichi yaⁿ'ā ní nguεε chiichi, tuu'mi ní 'iiⁿ'yāⁿ s'eeⁿ véé chi cuuvi yeⁿ'e yā.

15 Ndúúti chi cuucu ntiiⁿnyuⁿ chi 'iicandíi yā ndúúcū yaⁿ'ā, tuu'mi ní di'cuiinú ntiiⁿnyuⁿ miiⁿ. 'Iiⁿ'yāⁿ s'eeⁿ ní nanguáⁿ'ai yā tan'dúúcā 'iiⁿ'yāⁿ chi chéénu yā yeⁿ'e va'ai yeⁿ'e yā taachí ngiichi va'ai yeⁿ'é yā.

16 ¿'Áá nguéé déénu ndís'tiī chi i'teenú nī Jesu-cristo chi cuerpo yeⁿ'e nī ní yáacū yeⁿ'e Dendyuūs, ní canéé Espíritu N'dai yeⁿ'e Ndyuūs ndúúcū ndís'tiī?

17 Ndúúti chi 'áámá 'iiⁿ'yāⁿ dituuví yā yaācū yeⁿ'é Ndyuūs, Ndyuūs ní di'cuiinú yā 'iiⁿ'yāⁿ miiⁿ. Yáacū yeⁿ'é Ndyuūs ní δεενε. Ndís'tiī ní yaācū yeⁿ'é Ndyuūs ndís'tiī.

18 Mar 'áámá nī ní nguéé nginnche'etí maán nī ndís'tiī. Taachi 'aamá ndís'tiī nadacadiinuuⁿ nī chí nge'e taaví nī yeⁿ'ē vaadī deenu yeⁿ'e iⁿ'yeeⁿdí 'cūū, tuu'mi ní canee cuuⁿmiⁿ chí diíⁿ nī tan'duucā 'áámá 'iiⁿ'yāⁿ chí nguéé deenu. Ní cuuvi ndaācā vaadī deenu yeⁿ'é nī chí yeⁿ'ē Dendyuūs.

19 Vaadī déénu yeⁿ'é 'iiⁿ'yāⁿ yeⁿ'e iⁿ'yeeⁿdí 'cūū tan'dúúcā 'áámá cosa chí duuchi nanáán Ndyuūs. 'Āā canéé nguūⁿ na libro yeⁿ'é Ndyuūs ndíi vmnaaⁿ 'tíicā: Ndyuūs diíⁿ yā chí vaadī deenu yeⁿ'é 'iiⁿ'yāⁿ yeⁿ'e iⁿ'yeeⁿdí 'cūū diíⁿ chí 'cuuvi 'iiⁿ'yāⁿ ní 'iiⁿ'yāⁿ miiⁿ canee yā tan'dúúcā chí cundaí yā na trampa yeⁿ'e maán yā.

20 Canéé nguūⁿ ntuuⁿ táámá chí 'tuucā: 'Iivú Ndyuūs déénu yā vaanicadiinūuⁿ yeⁿ'é 'iiⁿ'yāⁿ chí deenu yeⁿ'é iⁿ'yeeⁿdí 'cūū. Nguéé δε'ē νεε dichíi'vē chí nadacadiinūuⁿ 'iiⁿ'yāⁿ s'eeⁿ.

21 Mar 'aámá 'iiⁿyāⁿ nguéé cuuvi caaⁿmáⁿ yā chi dich'εεté yā saⁿā iⁿ'yeeⁿdí 'cūū. Tanducuéⁿ'ē dendu'ū ní yeⁿ'e ndís'tiī.

22 Nduuti chi 'úú chí Pablo, o saⁿā Apolos, o saⁿā Pedro, o nduuti chi yeⁿ'ē íⁿ'yeeⁿdī, o yeⁿ'e vida yeⁿ'ē yú, o yeⁿ'e vaadī n'gii, o yeⁿ'e cosa chi 'āā vεε o yeⁿ'ē dendu'ū chí caama cuchī, tanducuéⁿ'ē chuū ní yeⁿ'e ndís'tiī.

23 Ní ndís'tiī ní yeⁿ'e Cristo ndís'tiī. Ní Cristo miiⁿ ní yeⁿ'e Dendyuūs chí cánduuchi yā cueⁿ'e daāⁿmaⁿ.

4

Ntiiⁿnyuⁿ yeⁿ'e apóstoles

1 Ndís'tiī ní didúúché nī nús'uu tan'dúúcā 'iiⁿyāⁿ chí idiíⁿ ntiiⁿnyúⁿ yā yeⁿ'e Jesucristo. Nús'uu ní ngaⁿ'á 'nū nduudu cuaacu yeⁿ'é Ndyuūs nanaaⁿ ndís'tiī. Vmnaáⁿ vmnaaⁿ ní nguéé chí cadíinuuⁿ nī naati maaⁿ ní cádiinuuⁿ nī nduudu cuaacu miiⁿ.

2 'Iiⁿyāⁿ chí diíⁿ ntiiⁿnyuⁿ yeⁿ'e 'iivú Ndyuūs canee cuuⁿmiⁿ chí diíⁿ yā cumplir tanducuéⁿ'e chí caaⁿ'maⁿ Ndyuūs yeⁿ'ē ntiiⁿnyuⁿ chí diíⁿ yā.

3 Nguéé dε'ē vεε tuneé 'úú nduuti chí 'iiⁿyāⁿ diíⁿ yā juzgar 'úú, o nduuti chí ndís'tiī, o táámá 'iiⁿyāⁿ o 'úú maáⁿ n'diichí nuuⁿndi yeⁿ'é.

4 Áará chí staava yeⁿ'é ngéé diiⁿ condenar 'úú cáávā chiiⁿ chí diíⁿ, 'úú nguéé cuuvi caaⁿmáⁿ chí nguéé nuuⁿndi yeⁿ'é. Dámaāⁿ Señor Jesucristo diíⁿ yā juzgar 'úú, ní caaⁿmáⁿ yā nuuⁿndi yeⁿ'é.

5 Ndís'tiī nguéé diíⁿ nī juzgar 'iiⁿyāⁿ. Taachí ndáá Señor Jesucristo yeⁿ'ē yú taama vmnéⁿ'ēe tuuⁿ'mi 'cuuⁿ'míⁿ yā tanducuéⁿ'ē chí cadíinuuⁿ yú 'aama 'aama yú ndii na staava yeⁿ'ē yú. Tiempo miiⁿ ní

'iivú Ndyuūs tée yā s'uuún chi cuuvi yeⁿ'ē yú caavā ntiiⁿnyuⁿ chí diīⁿ yú.

6 'Úú ngaⁿ'á yeⁿ'ē chi 'úú ndúúcū saⁿ'ā Apolos diīⁿ 'nū. Ní 'íicú ndís'tiī cuuvi 'cueéⁿ nī tan'dúúcā chi cuuvi diīⁿ nī tan'dúúcā chi canéé nguūⁿ ndíiⁿ vm-naaⁿ na libro yeⁿ'e Ndyuūs. Ndís'tiī nguéé n'diichí nī 'iiⁿ'yāⁿ. Ní nguéé caaⁿ'máⁿ nī chi 'áámá 'iiⁿ'yāⁿ chi ch'εετε ca yā nguéé ti táámá yā.

7 ¿DÉ'ē cuuvi chi ngaⁿ'a nī chi naⁿ'a 'iiⁿ'yāⁿ chi ch'εετε yā? ¿'Áá nguéé tee Ndyuūs tanducuén'ē chi vεε yeⁿ'é nī? ¿Dε'ē cuuvi chi ngaⁿ'a nī chi tanducuén'e chi vεε chi yeⁿ'é nī ní maáⁿ nī sta'á nī, ní nguéé diīⁿ nī cuenta yeⁿ'ē chiiⁿ chi tee Ndyuūs ndís'tiī?

8 Ndís'tiī ní nadacadíinuuⁿ nī chí deenú nī ndu-cuéⁿ'ē chí yeⁿ'e nduudu yeⁿ'e Dendyuūs. Ní diīⁿ nī tan'dúúcā 'iiⁿ'yāⁿ chi 'cuiica. Taachi nguéé ch'εεtineé 'nū ndúúcū ndís'tiī, tuu'mi ní ndís'tiī diīⁿ nī tan'dúúcā chí reyes ndís'tiī. Nduuti chí ndaa tiempo chí ndís'tiī caaⁿ'máⁿ nī ntiiⁿnyuⁿ ti rey ndís'tiī, tuu'mi ní nús'uu caaⁿ'maⁿ ntiiⁿnyúⁿ 'nū nduucú nī.

9 Tan'dúúcā chí 'úú nadacadíiinúúⁿ, nús'uu chí apóstoles ní candéε 'nū nduudu yeⁿ'e Ndyuūs. Ndyuūs s'neéⁿ yā nus'ūū lugar chí ndii na n'giīnū yeⁿ'e fila. Ní nús'uu caneé 'nū tan'dúúcā 'iiⁿ'yāⁿ chí niiⁿnuúⁿ cánee nguuvi chí 'cuūvi yā, ní niiⁿnuúⁿ canéé nguuvi chí ch'iiⁿ'núⁿ yā nús'uu. 'Tíicā snéé nús'uu. 'Iiⁿ'yāⁿ yeⁿ'e iⁿ'yeeⁿdí 'cūū ndúúcū ángeles yeⁿ'ē nanguuvi n'giīnu yā nús'uu.

10 'Iiⁿ'yāⁿ yeⁿ'e iⁿ'yeeⁿdí 'cūū ngaⁿ'á yā chí nús'uu tonto 'nū ti neⁿ'é 'nū Cristo, naati ngaⁿ'á yā ti ndís'tiī ní saⁿ'ā deenu ndís'tiī. Ngaⁿ'á yā ti nús'uu

ní 'va'á 'nū naati ndís'tiī ní ditiinú nī. Nga'á yā chi nūs'uu ní nguéé n'dááca 'nū naati ndís'tiī ní n'dááca nī.

11 Ndiī nguuvi miiⁿ ní cuiicu 'nū ní yaaca 'nū va. Ní 'āā ntéé n'dee catécai 'nū chī n'daacā. Ní 'iichε yeⁿ'é 'nū. Ní 'iiⁿ'yāⁿ ch'eⁿ'é yā nūs'uu. Ní diíⁿ yā chí chéénú 'nū ndii míiⁿ ní ndii 'múúⁿ ní nguéé vaacu 'nū.

12 Ní diíⁿ 'nū ntiiⁿnyuⁿ ndúúⁿcū ta'á 'nū chi cuuvi che'é 'nū. Taachi 'caa'va yā yeⁿ'é 'nū tuu'mi ní 'iiⁿ'yāⁿ miiⁿ di'viicú yā nūs'uu. Diíⁿ yā chí nééné ch'eenu 'nū chíi ní nūs'uu ní chí chεé 'nū yeⁿ'é nducuéⁿ'ē.

13 Caⁿ'a yā cunnⁿcā yeⁿ'é 'nū ní chεε 'nū ndúúⁿcū vaadī ngiinu. Ndiī nguuvi miiⁿ 'iiⁿ'yāⁿ nacadiinúúⁿ yā chí nūs'uu tan'dúúⁿcā dεεⁿcúú yeⁿ'e iⁿ'yeeⁿdí 'cūú 'tíica nūs'uu.

14 'Úú nguéé idinguúⁿ yeⁿ'e dendu'ú 'cūú yeⁿ'e ndís'tiī caati chí cuuvi 'cuinaáⁿ nī. Yaa'ví ndís'tiī yeⁿ'e nducuéⁿ'ē chuū tí ndís'tiī tan'dúúⁿcā daiyá chí nééné neⁿ'é, 'tíicā ndis'tiī.

15 'Áará chí véé ndiichi mil maestros chí ngi'cueéⁿ yā ndís'tiī yeⁿ'e Cristo, nguéé nééné 'yaaⁿ 'iiⁿ'yāⁿ chí snée yā tan'dúúⁿcā chiidá nī. 'Úú ní tan'dúúⁿcā chiidá nī na ndaata yeⁿ'é Dendyuūs, ti candεé evangelio chí nduudu cuaacu chí ngai yeⁿ'é Cristo nanááⁿ ndís'tiī. Ní ndís'tiī ní chí'téenu nī ní ch'iindiyááⁿ ntúuⁿ nī na ndaata yeⁿ'é Ndyuūs.

16 Cáávā chíiⁿ 'úú idi'cuítú ndís'tiī. Diíⁿ nī tan'dúúⁿcā chí 'úú idiíⁿ.

17 Cáávā chuū dicho'ó Timoteo nanááⁿ ndís'tiī. Saⁿ'ā miiⁿ tan'dúúⁿcā daiyá, 'tíica sa. Ní saⁿ'a chí neⁿ'é. Saⁿ'ā miiⁿ ní 'áámá canee sa ndúúⁿcū 'iivú Ndyuūs. Saⁿ'ā miiⁿ ní ca'cueeⁿ sa ndís'tiī yeⁿ'e

Cristo. Ní n'gaacu nī ye^{n'}ē tanducué^{n'}ē chi cuuvi dí^{n'} nī maa^{n'} chi i'teenú nī Cristo tan'dúú^{cā} chi 'úú ngi'cueé^{n'} nduu cuaa^{n'} nducué^{n'}ē yáacū va.

18 Maa^{n'} ní deenú chi ná^{n'}ā ndís'tiī nga^{n'}a nī chi n'gεεε ndai maa^{n'} nī. Ní nadacádíⁿuu^{n'} nī chí 'úú ní 'aa ntéé ndaá naachi cánéé nī.

19 Ndaa nuú^{n'} ye^{n'}é ndís'tiī nduuti chí Ndyuūs ne^{n'}é yā chi ndaá. Taachi ndaá tuu'mi 'úú cadi-inúú^{n'} ye^{n'}e chi 'ii^{n'}yā^{n'} chi nga^{n'}a maá^{n'} yā chi n'gεεε yā. Cadiinúú^{n'} nduuti chí 'ii^{n'}yā^{n'} mii^{n'} dí^{n'} yā tan'dúú^{cā} chi Ndyuūs ne^{n'}é yā chí dí^{n'} yā.

20 Nducué^{n'}ē ye^{n'}e naachi Ndyuūs nga^{n'}a ntiinnyu^{n'} yā nguéé dámaā^{n'} ye^{n'}e chí nga^{n'}a yā, ti chii^{n'} chí dii^{n'} yā ti poder ye^{n'}é Ndyuūs.

21 De'ē ne^{n'}é ndís'tiī. ¿'Áá ne^{n'}e nī chí taachi ndaá ní dí^{n'} regañar ndís'tiī, o taachi ndaá caa^{n'}má^{n'} nduucú ndis'tiī ndúú^{cū} vaadī né^{n'}é?

5

Nga^{n'}a yā nuuⁿndi ye^{n'}ē 'áámá sa^{n'}a chí ca^{n'}á yā na yaācū

1 N'giindiveé^{n'} 'nū chí nguáá^{n'} ndis'tiī véé 'áámá sa^{n'}ā chí dii^{n'} nuuⁿndi ca tí canee sa ndúú^{cū} n'daataá chí nguéé ye^{n'}ē sa. Nguéé 'tíicá nguaa^{n'} 'ii^{n'}yā^{n'} gentiles chí nguεε i'téenu yā Jesucristo. N'giindiveé^{n'} 'nū chí sa^{n'}ā mii^{n'} sta'a n'daataá ye^{n'}ē chiida sa ní canee sá ndúú^{cū} tá.

2 Ní ndís'tiī nga^{n'}a maá^{n'} nī ye^{n'}e nī chí n'gεεε nī n'dáará chí idii^{n'} sa^{n'}ā mii^{n'} nuuⁿndi 'tíicā. ¿De'ē cuuvi chí nguéé divií nī sa^{n'}a mii^{n'} na yaacū ye^{n'}é Ndyuūs ye^{n'}ē yú?

3 N'dáará chí 'úú nguéé canee ndúú^{cū} ndís'tiī inacádiinúú^{n'} ye^{n'}é ndís'tiī. 'Úú ní caa^{n'}má^{n'} nuūⁿndi

yeⁿe saⁿā miiⁿ yeⁿe dendú'u chi idiiⁿ sa tan'dúúcā chi 'úú caneé ndúúcū ndís'tiī.

⁴ Taachí nduuvídáámá ndís'tiī ná chi duuchi Señor Jesucristo tuu'mi ní poder yeⁿē Señor Jesucristo canee ndúúcū ndís'tiī. Ní diiⁿ nī tan'dúúcā chi 'úú caneé ndúúcū ndis'tiī.

⁵ 'Tíicā nadacádiinúúⁿ chi ndís'tiī canee cuuⁿmiⁿ chi diiⁿ nī. Divíi nī saⁿā miiⁿ nguaaⁿ ndís'tiī ti saⁿā miiⁿ ní canee sa yeⁿē na poder yeⁿe yááⁿ'nguiinūuⁿ. 'Tíicā castigo yeⁿē sa. Ní cuuvi cadíinuuⁿ sa yeⁿe alma yeⁿe sa. Ní cuuvi nanguaⁿ'ai alma yeⁿē sa nguuvi chi ndaa ntúūⁿ Señor Jesucristo yeⁿē yú.

⁶ Nguéé n'dáácā ndís'tiī ní ngaⁿ'á nī chi n'dái ndís'tiī, ní véé 'iiⁿ'yāⁿ chí idiíⁿ yā nuuⁿndi nguaaⁿ ndís'tiī. ¿'Áá nguéé deenú nī ti ta 'líiⁿ chuundi levadura ichéé ndúúcū tanducueⁿē yāachī?

⁷ Saⁿā miiⁿ tan'dúúcā levadura 'tíicā sa. Ndís'tiī divíi nī saⁿā miiⁿ ní cūnee n'dáácā nī. Cuneé nī tan'dúúcā yāachī chi nguéé levadura yeⁿē, tan'dúúcā pan chí che'e yā yeⁿē pascua. 'Iiⁿ'yāⁿ ch'iiⁿ'núⁿ yā Cristo. Ní Cristo miiⁿ ní tan'dúúcā 'iiti cuūchī chi ch'iiⁿ'núⁿ yā cáávā 'viicu pascua. Cáávā s'uūuⁿ ní Cristo miiⁿ ní sta'á yā lugar yeⁿē 'iiti cuūchī yeⁿe 'viicu pascua ti ch'īi yā cucáávā s'uuúⁿ.

⁸ Maaⁿ ní nguéé dich'εετε yú 'viicu yeⁿe pascua miiⁿ tan'dúúcā 'iiⁿ'yāⁿ chí véé nuuⁿndi yeⁿé yā ti nguéé yeⁿe Cristo 'iiⁿ'yāⁿ s'eeⁿ. Ní nguéé dich'εετε yú ndúúcū vaadī n'giinu na staava yeⁿē yú o ndúúcū cosa chi nguéé n'daacā, ti chuū ní tan'dúúcā levadura 'tíicā. Dich'εετε yú pascua miiⁿ dámaāⁿ ndúúcū nducueⁿē chi n'dáácā na staava yeⁿē yú ti tan'dúúcā pan chí nguéé levadura yeⁿē,

'tíicā canee yú.

9 'Áá dinguún ye^{n'e} ndís'tiī chi nguéeé cá^{n'a} nī ndúúcū sa^{n'ā} chi canee sa ndúúcū n'daataá chi nguεε ye^{n'ē} sa ndíi nguéeé cá^{n'a} nī ndúúcū n'daataá miiⁿ.

10 'Úú nguéeé nga^{n'á} chi nguéeé n'diichí nī sá^{n'ā} chi véé n'daataá ye^{n'ē} sa, o n'daataá chi véé sa^{n'ā} ye^{n'ē} tá, o 'ii^{n'yā} chi nginnche'éeí yā 'ii^{n'yā}, o 'ii^{n'yā} chi duūcú, o 'ii^{n'yā} chi i'teenú yā ídolos. Ndís'tiī nguéeé cuuvi cuneé nī na i^{n'yee}dí 'cūū ní nguéeé n'diichí nī 'ii^{n'yā} ye^{n'e} i^{n'yee}dí 'cūū.

11 Naati maaⁿ ní 'āā dinguún ye^{n'é} ndis'tiī chi nguéeé cá^{n'a} nī ndúúcū 'ii^{n'yā} s'eeⁿ chi nga^{n'á} yā chi hermanos ye^{n'é} nī ní nguéeé n'daacā idiīⁿ yā, ti sa^{n'ā} chi canee ndúúcū n'daataá chi nguεε ye^{n'e} sa, o n'daataa chi canee ndúúcū sa^{n'a} chi nguεε ye^{n'ē} tá. Ndíi nguéeé cá^{n'a} nī ndúúcū 'ii^{n'yā} chi i'teenú yā ídolos. Ndíi nguéeé cá^{n'a} nī ndúúcū 'ii^{n'yā} chi nga^{n'á} yā nduudu yaadi, o ndúúcū 'ii^{n'yā} chi nginnche'éeí yā 'ii^{n'yā}, o ndúúcū 'ii^{n'yā} chi ngii cuu'vi, o ndúúcū 'ii^{n'yā} chi duucu. Ní nguéeé che'é nī ndúúcū 'ii^{n'yā} s'eeⁿ.

12 ¿De'ē cúúví chí 'úú n'diichí nuuⁿdi ye^{n'e} 'ii^{n'yā} chi nguéeé i'téenu yā Jesucristo ye^{n'ē} yú? Chuū ní nguéeé ntiiⁿnyuⁿ ye^{n'é} ti ye^{n'é} Dendyuūs. Ndís'tiī canee chi n'diichi nī nuuⁿdi ye^{n'e} 'ii^{n'yā} chi ca^{n'á} yā yaacū ndúúcu nī.

13 Jesucristo n'diichí yā nuuⁿdi ye^{n'e} 'ii^{n'yā} chi nguéeé i'téenu yā Ndyuūs. Maaⁿ ní ndís'tiī divíi nī sa^{n'ā} miiⁿ nguaaⁿ ndís'tiī.

'Iiⁿyāⁿ chi i'téenu yā Señor Jesucristo na'á yā nanááⁿ juez ndúúcū vaadī 'caa'va yeⁿ'é yā

¹ Nduuti chi 'aama chéé ndís'tiī véeⁿ vaadī 'caa'va ndúúcū taama chéé ndís'tiī, ¿de'ē cúúví chí caⁿ'á nī nanááⁿ juez yeⁿ'e yaāⁿ vaacú nī, ní nguéeⁿ caⁿ'á nī nanááⁿ 'iiⁿyāⁿ chi chéé vmnaaⁿ yeⁿ'e yáacū yeⁿ'é nī?

² ¿'Áá nguéeⁿ deenu ndís'tiī ti s'uuúⁿ chi i'teenu yú Jesucristo ndáá nguuvi chi cuuvi n'diichi yú nuuⁿndi yeⁿ'e 'iiⁿyāⁿ yeⁿ'e iⁿ'yeeⁿdí 'cūū? Nduuti chi ndís'tiī caⁿ'á nī n'diichí nī nuuⁿndi chi idiin 'iiⁿyāⁿ yeⁿ'e iⁿ'yeeⁿdí 'cūū, ¿'áá nguéeⁿ cuuvi n'diichí nī ta 'lííⁿ nuuⁿndi yeⁿ'e nī chí nguaaⁿ ndís'tiī?

³ ¿'Áá nguéeⁿ deenu ndís'tiī chi s'uuúⁿ caⁿ'a yú n'diichi yú nuuⁿndi yeⁿ'e ángeles? Ní nduuti chi cuuvi diíⁿ yú 'tíicā tuu'mi ní cuuvi n'diichi yú dendu'ū nuuⁿndi chi véeⁿ yeⁿ'e yú iⁿ'yeeⁿdí 'cūū.

⁴ Nduuti chi canéeⁿ chi n'diichí nī dendu'ū vaadī 'caa'va nguaaⁿ ndís'tiī, n'daacā chi caⁿ'á nī nanááⁿ 'iiⁿyāⁿ yeⁿ'e yaācū 'aara chi nguéeⁿ 'iiⁿyāⁿ chí duū'vī néⁿ'e yā vī'ī.

⁵ Ngaⁿ'á chuū chi cuuvi 'cuinaáⁿ nī. ¿'Áá cadi-inuuⁿ nī chi nguéeⁿ véeⁿ mar 'áámá 'iiⁿyāⁿ nguaaⁿ ndís'tiī, mar 'áámá 'iiⁿyāⁿ chi nguéeⁿ cuuvi n'diichí yā du'u hermano chi véeⁿ nuuⁿndi yeⁿ'e yā?

⁶ Nduuti chi véeⁿ 'aama hermano chi deenu ca nguaaⁿ ndís'tiī, ¿de'ē cúúví chí ngeⁿ'e hermanos ndúúcū vaadī 'caa'va yeⁿ'é yā nanááⁿ 'iiⁿyāⁿ chi nguéeⁿ i'téenu yā Señor Jesucristo yeⁿ'ē yú?

⁷ Cuaacu níⁿ'nyúⁿ nguéeⁿ n'gíⁿ'í ndís'tiī chi yeⁿ'e Ndyuūs ndís'tiī ti véeⁿ vaadī 'caa'va yeⁿ'e 'áámá nī táámá nī ndúúcū vī'ī. ¿De'ē cúúví chí nguéeⁿ ichéeⁿ nī nguaaⁿ ndís'tiī dendu'ū chí nguéeⁿ n'daacā chi hermano diíⁿ yā nduucú nī? N'daacā n'dai chi

ichéé nī tanducueⁿē ní nguéé caⁿá nī nanááⁿ 'iiⁿ'yāⁿ cucáá^{vā} hermanos chi idiíⁿ yā ndúúcu nī.

⁸ Ndís'tiī, hermanos, ní nguéé n'daacā idiíⁿ nī chi nginnche'éi nī 'áamá nī ndúúcu taama nī chi hermano yeⁿe nī.

⁹ Ndís'tiī nguéé 'caandiveén nī chiiⁿ chi 'iiⁿ'yāⁿ ngaⁿa yā chi cuaacu ní nguéé cuaacu. ¿'Áá nguéé deenu nī chi 'iiⁿ'yāⁿ chi nguéé idin'daacá yā nguéé ndaa yā naachí Ndyuūs ngaⁿa ntiiⁿnyúⁿ yā? Ní nguéé 'iiⁿ'yāⁿ s'eeⁿ ndíí nguéé 'iiⁿ'yāⁿ chi sta'á yā n'daataá yeⁿe taama sa, o isaⁿ'ā yeⁿe taama ta, ní nguéé n'daataá chi n'diichi tá saⁿ'ā chi nguéé yeⁿe tá, ní nguéé saⁿ'ā chi n'diichi sa n'daataá chi nguéé yeⁿe sá, ndúúcu 'iiⁿ'yāⁿ chi i'teenu ídolos chi santos, ndúúcu saⁿ'ā chi iduuchinéⁿ ví'i sa.

¹⁰ 'Tiicá ntúūⁿ 'iiⁿ'yāⁿ duucu, ndúúcu 'iiⁿ'yāⁿ chi neⁿe cá yā dendu'u chi véé yeⁿe taama 'iiⁿ'yāⁿ, ndúúcu 'iiⁿ'yāⁿ chí ngii cúú'ví, ndúúcu 'iiⁿ'yāⁿ chi ngaⁿa taán yā yeⁿ'ē taama 'iiⁿ'yāⁿ, ndúúcu 'iiⁿ'yāⁿ chí itá'á yā yeⁿ'ē taama yā. Nducuéⁿ'ē 'iiⁿ'yāⁿ s'eeⁿ nguéé cuuvi nndaá yā naachi Ndyuūs ngaⁿa ntiiⁿnyuⁿ yā.

¹¹ 'Tiicá ntúūⁿ diiⁿ ndís'tiī. Dinuuⁿndí nī tiempo chi 'āā chó'ōo naati maaⁿ ní Ndyuūs n'diichí yā ndís'tiī tan'dúúcā chi 'āā ntéé véé nuuⁿndi yeⁿ'é nī cáá^{vā} Jesucristo. Maaⁿ ní ndís'tiī ní diíⁿ nī nducuéⁿ'ē chi n'daacā ti yeⁿ'é Jesucristo ndís'tiī. Ní Espíritu N'dai yeⁿ'é Ndyuūs yeⁿ'ē yú canéé ndúúcu nī.

Yeⁿ'e chi n'daacā chi diiⁿ yú

¹² Tanducuéⁿ'ē chi nguéé nuuⁿndi cuuvi diíⁿ, naati nducueⁿ'ē chi n'daacā nguéé neⁿ'é diíⁿ, ti

nguée n'dai chi diíⁿ. Cuuvi diíⁿ tanducuéⁿē chi neⁿé chi n'daacā, naati nguée necio canee yeⁿē mar 'áámá denduū.

13 Cuaacu chi yúutē chi che'e yú ní caavā chεεti yú. Chεεti yú ní neⁿe che'e yuūtē. Naati Ndyuūs di'cuiinú yā yuūtē chi che'e yú ndúúcū cuerpo yeⁿe yú ndúúcū chi véé yeⁿē. Nguée cuuvi caaⁿmaⁿ yú chi Ndyuūs teé yā cuerpo yeⁿe yú chi n'daataá n'diichí yā saⁿā. Ndyuūs diíⁿ yā chi s'uuúⁿ chi cuuvi yeⁿé yā ní cuerpo yeⁿē yú ní yeⁿé Dendyuūs.

14 Jesucristo chi 'iivi yú, Ndyuūs nducueⁿ yā yeⁿē nguaaⁿ tináⁿā. 'Tiicá ntúūⁿ Ndyuūs nadacueⁿ ntúuⁿ yā s'uuúⁿ ndúúcū poder yeⁿé yā.

15 ¿'Áá nguée deenu ndís'tiī chi cuerpo yeⁿé nī ní yeⁿe Cristo? ¿'Áá cuta'á nī 'áámá saⁿā chi yeⁿe Cristo ní diíⁿ nī chi saⁿā miiⁿ yeⁿē 'áámá n'dáátā chi 'yaaⁿ saⁿā yeⁿē tá? Ndyuūs nguée 'cuáaⁿ yā chi 'tíicā.

16 ¿'Áá nguée deenu ndís'tiī chi saⁿā chi caⁿa sa ndúúcū n'daātā chí 'yaaⁿ saⁿā yeⁿē tá nduuvi 'aama nú yā? 'Iivú Ndyuūs ngaⁿa yā ndii cuááⁿ vmnaaⁿ naachi canee nguūⁿ na libro yeⁿe yā 'tiicā: Naachí na'uuví yā ní nduuvi 'aama cuerpo nú yā.

17 S'uuúⁿ chi i'teenu yú Jesucristo chí 'iivi yú canee yú ndúúcū dáámá espíritu chí yeⁿē Jesucristo.

18 Ndís'tiī n'daataá, nguée caⁿá nī ndúúcū saⁿā, o saⁿā nguée caⁿá nī ndúúcū n'daataá, chi id-inuunⁿdí nī ti idiiⁿ nuuⁿndí nī ndúúcū cuerpo yeⁿe maáⁿ nī. Castigo yeⁿē nuuⁿndi miiⁿ 'áámá cūnee na cuerpo yeⁿé nī. Tanáⁿa ca nuuⁿndi chi idiíⁿ nī ní nguée contra cuerpo chi yeⁿe maáⁿ nī.

19 ¿'Áá nguée deenú ndís'tiī chi cuerpo yeⁿé nī

chíⁿ chí yaācū ye^{n'e} Espíritu N'dai ye^{n'é} Ndyuūs chi canéé ndúúcū ndís'tiī? Ndyuūs tee yā Espíritu N'dai ye^{n'e} yā ndís'tiī. Maaⁿ ni cuerpo ye^{n'e} nī nguéé ye^{n'e} maáⁿ nī ti ye^{n'e} Espíritu N'dai chi ye^{n'e} Ndyuūs. Ní Ndyuūs tee yā ndís'tiī Espíritu N'dai ye^{n'é} yā.

²⁰ Chuū ní cáāvā Jesucristo cái yā ndís'tiī ndúúcū 'áamá precio chi nééné ya^{n'ai} chíi'vĕ. Cáāvā chuū dich'εεté nī Dendyuūs ndúúcū nuu^{má}ⁿ cuerpo ye^{n'e} nī ti ndís'tiī ní ye^{n'é} Ndyuūs ndís'tiī.

7

Pablo ca'á yā consejo 'ii'yāⁿ chí n'güindaacu yā

¹ Maaⁿ ní idinguúⁿ ní nan'guεεcútā^{n'a} ye^{n'e} preguntas chí dingúuⁿ nī ye^{n'é}. N'daacā chí 'aama sa^{n'ā} nguéé 'caandavaacu sa.

² Naati 'tíicā. Deenú chí sa^{n'ā} ne^{n'e} sa cūnee sa ndúúcū n'daataá. Cáāvā chuū n'dááca chí 'caandavaacu sá ní véé n'daataá ye^{n'ē} sa. 'Tiicá ntúūⁿ chí 'aama n'daataá 'caandavaacu tá ní véé sa^{n'ā} ye^{n'ē} tá. 'Tíicā ní nguéé diíⁿ yā nuuⁿndi.

³ Sa^{n'ā} ní canéé chí cun'diití sá ndúúcū n'daataá ye^{n'ē} sa. 'Tiicá ntúūⁿ n'daata miiⁿ canéé chí cun'diití tá ndúúcū sá^{n'ā} ye^{n'ē} tá.

⁴ N'daataá chí n'gíindaacu tá, cuerpo ye^{n'ē} tá nguéé ye^{n'ē} tá dámaāⁿ tá ti ye^{n'e} sa ndúúcu tá. 'Tiicá ntúūⁿ sa^{n'ā} miiⁿ. Cuerpo ye^{n'ē} sa nguéé ye^{n'ē} sa dámaāⁿ sa ti ye^{n'ē} sa ndúúcu tá.

⁵ Diíⁿ nī cumplir ndúúcū n'daata ye^{n'e} nī o isa^{n'ā} ye^{n'é} nī. Nduuti chí nduu 'uuví nī canee yiinú nī ye^{n'ē} 'áamá tiempo chí 'áamá caa^{n'}ma^{n'}ngua'á nī ní ndeé nī ndúúcū 'iivú Ndyuūs, tuu^{mí} chuū ní chí diíⁿ nī cumplir tiempo 'cūū. 'Cuiinū

caanⁿmaⁿngua'á nī ndúúcū 'iivú Ndyuūs, tuu'mi ní dííⁿ nī cumplir ndúúcū isaⁿ'ā o n'daataá yeⁿ'e nī. Nduuti chi nguée^é dííⁿ nī 'tuucā, tuu'mi ní cuuvi neⁿ'é nī caⁿ'á nī ndúúcū táámá saⁿ'ā o n'daataá. Ní yááⁿn'guiinūuⁿ n'diichínēēⁿ sa ndís'tiī neⁿ'e chi nguée^é dííⁿ nī cumplir ndúúcū isáⁿ'ā o n'daataá yeⁿ'e nī. Ní cuuvi dííⁿ nī nuuⁿndi.

6 'Úú nguée^é caanⁿmaⁿ ndís'tiī chiiⁿ chi dííⁿ nī, ndís'tiī chi neⁿ'é nī 'caandavaacú nī. Nguée^é teé chuū tan'dúúcā 'áámá ley.

7 Ti neⁿ'é chi nducyaaca saⁿ'ā nguée^é 'caandavaacu sa ní cūnee sa dámaāⁿ sa tan'dúúcā chi 'úú caneé, naati nguεε cuuví chi 'túicā. 'Úú deenu chi Ndyuūs ca'á yā 'áámá 'áámá 'iiⁿ'yāⁿ chiiⁿ chi cuuvi dííⁿ yā.

8 'Úú ngaⁿ'á ngī saⁿ'ā n'gaiyáa o n'daataá n'gaiyáa ndúúcū n'daataá n'guá'āa chi n'daacā chi 'iiⁿ'yāⁿ s'eeⁿ nguée^é 'caandavaacú yā ní cūnee yā dámaáⁿ yā tan'dúúcā chi 'úú caneé.

9 Nduuti chi nguée^é cuuvi 'cuεεtinée yā damaáⁿ yā, tuu'mi ní 'caandavaacú yā. Ti n'daacā chi 'caandavaacú yā ní nguée^é cūnee yā ndúúcū deseó chi saⁿ'ā neⁿ'e sa n'daataá o n'daataá neⁿ'e tá saⁿ'ā.

10 Chuū ngaⁿ'á yeⁿ'é 'iiⁿ'yāⁿ chí n'giindivaacu yā. Saⁿ'ā miiⁿ nguée^é divíi sa n'daataá yeⁿ'ē sa, o táⁿ'ā miiⁿ nguée^é divíi tá isáⁿ'ā yeⁿ'ē tá. Chuū chi ley yeⁿ'e Ndyuūs.

11 Ndúúti chi 'áámá n'daataá divíi tá yeⁿ'e isaⁿ'ā yeⁿ'ē ta caati nguée^é yaaⁿ yiinú tá ndúúcū isaⁿ'ā yeⁿ'ē tá, tuu'mi ní 'āā ntée^é 'caandavaacu tá ndúúcū taama sáⁿ'ā. 'Tiicá ntúūⁿ saⁿ'a yeⁿ'ē tá nguée^é cu'neeⁿ sá n'daataá yeⁿ'ē sa cucáávā taama n'daataá.

12 Maaⁿ ní chuū chí nga^{'á} ngī taná^{'ā} 'ii^{'yā}n ni cosa tan'dúú^{cā} chi deenú chi n'daacā cááva yā. Ní chuū ní nguéé ley ye^{'e} Ndyuūs. Nduuti chi 'áámá sa^{'ā} chi i'teenu Ndyuūs ní n'daataá ye^{'ē} sa ní nguéé i'teenu tá, tuu'mi nguéé cu'neeⁿ sa n'daataá ye^{'ē} sa nduuti chi tá^{'ā} miiⁿ n'daacā canee tá ndúú^{cū} sa.

13 'Tiicá ntúūⁿ, n'daataá chi i'teenu tá ní sa^{'ā} ye^{'e} tá nguéé i'téenu sa ni n'dááca canee tá ndúú^{cū} sa, tuu'mi nguéé cu'neeⁿ tá isa^{'ā} ye^{'ē} tá.

14 Sá^{'ā} ye^{'ē} tá chi nguéé i'téenu sa ní cuuvi ye^{'é} Jesucristo sa^{'ā} miiⁿ cucáávā n'daataá ye^{'ē} sa chi i'teenu tá. 'Tiicá ntúūⁿ, n'daataá chi nguéé i'teenu tá ní cuuvi ye^{'é} Jesucristo n'daataá miiⁿ cucáávā isa^{'ā} ye^{'e} tá chi i'teenu sa. Ndúú^{tí} chi nguéé 'tíicā, tuu'mi ní nguéé cuuví ye^{'e} Jesucristo daiyá yā. Naati 'tíicā, tuu'mi ní cuuví ye^{'e} Jesucristo daiyá yā.

15 Naati nduuti chi sa^{'ā} o n'daata chi nguéé i'téenu yā Señor Jesucristo nguéé cūnee n'dááca sa^{'ā} miiⁿ ndúú^{cū} n'daataá ye^{'ē} sa, o n'daataá mí^{'n} ndúú^{cū} isa^{'a} ye^{'ē} tá chi i'téenu yā Señor Jesucristo, tuu'mi ní cuuvi divíi yā ye^{'e} ví^{'í}. 'Ii^{'yā}n chi i'téenu yā Jesucristo nguéé a fuerza chi cuneé yā ndúú^{cū} 'ii^{'yā}n chi nguéé i'téenu yā Señor Jesucristo. Ndyuūs ne^{'é} yā chi 'ii^{'yā}n chi i'téenu yā Señor Jesucristo cunee n'dááca yā ndúú^{cū} vaadī 'dīi^{'n}.

16 Ndís'tiī 'ii^{'yā}n chi i'téenu nī Señor Jesucristo, ¿táácā cuuvi deenú nī nduuti chi cuuvi dinguá^{'ai} nī isa^{'a} ye^{'é} nī o n'daataá ye^{'é} nī? Nguéé cuuvi déenu nī chuū chí 'tíicā.

17 Ndyuūs ye^{'ē} yú yaa^{'ví} yā s'uuúⁿ chi ye^{'é} yā

s'uuúⁿ. Ní tee yā 'áámá 'áámá s'uūúⁿ ntiiⁿnyuⁿ s'uuúⁿ chí yeⁿ'é yā chí ituneeⁿ s'uūúⁿ. Ní 'íícú véé ntiiⁿnyuⁿ yeⁿ'é Ndyuūs yeⁿ'ē 'áámá 'áámá s'uūúⁿ. Ní canee chí 'cuεεtinee yú n'daacā tan'dúúcā Ndyuūs neⁿ'e yā chí diiⁿ yú. 'Tíicā ngaⁿ'a ntiiⁿnyuⁿ 'úú yeⁿ'ē nducyáácá yáacū.

18 Nduuti chí Ndyuūs yaa'ví yā 'áámá saⁿ'ā yeⁿ'ē ndaata Israel chí cuuvi yeⁿ'e yā ní 'iiⁿ'yāⁿ 'āā diíⁿ yā circuncidar cuerpo yeⁿ'e saⁿ'ā miiⁿ ndii chí 'lííⁿ sa tan'dúúcā chí ngaⁿ'a ley yeⁿ'e 'iiⁿ'yāⁿ ndaata Israel, 'āā canee sa 'tíicā. Ndúúti chí Ndyuūs yaa'ví yā 'áámá saⁿ'ā chí cuuvi yeⁿ'é yā ní saⁿ'ā miiⁿ nguéé yeⁿ'ē ndaata Israel ní nguéé diíⁿ yā circuncidar cuerpo yeⁿ'e saⁿ'ā miiⁿ, 'āā canee sa 'tíicā.

19 Nguéé de'ē vεε nanááⁿ Ndyuūs nduuti chí diíⁿ yā circuncidar cuerpo yeⁿ'e saⁿ'ā o nguéé. Dámaāⁿ dichíí'vε nduuti chí cu'teenu yú Jesucristo ní diiⁿ yú tan'dúúcā chí Ndyuūs neⁿ'é yā.

20 Tan'dúúcā chí ndís'tiī 'āā canee nī taachí Ndyuūs yaa'ví yā 'áámá 'áámá ndís'tiī 'tiicá ntúúⁿ cunee nī.

21 Taachi Ndyuūs yaa'ví yā n'diī chí cuuvi yeⁿ'é yā, nduuti chí n'diī canee nī tan'dúúcā chí canee 'iiⁿ'yāⁿ chí canee caadi 'iiyu ní nguéé cuuvi naⁿ'a yā nguéé nacádiinúúⁿ nī de'ē vεε yeⁿ'ē chúú. Ní nduuti chí cuuvi canee libre ndís'tiī, chí diíⁿ nī ntiiⁿnyuⁿ caadi 'iiyu tuu'mi ní caⁿ'á nī. Ní cunee nī libre.

22 Taachí Ndyuūs yaa'ví yā 'iiⁿ'yāⁿ chí canee caadi 'iiyu ní 'iiⁿ'yāⁿ miiⁿ i'téenu yā Jesucristo, 'iiⁿ'yāⁿ canee yā tan'dúúcā chí libre, tī canee libre yā yeⁿ'e nuuⁿndi yeⁿ'é yā. 'Iiⁿ'yāⁿ chí canee libre taachí Ndyuūs yaa'ví yā 'iiⁿ'yāⁿ, 'iiⁿ'yāⁿ miiⁿ nguéé libre ti dichíí'vε yā Ndyuūs.

23 'Iivú Ndyuūs ní cáí yā ndís'tiī ndúúcu 'áámá precio chi nééné yaⁿ'ai chii'vē ti yuuúⁿ yeⁿ'e daiyá yā. Maaⁿ ní ndís'tiī ní yeⁿ'é Ndyuūs ndís'tiī. Ní diíⁿ nī ntiíⁿnyuⁿ yeⁿ'é Ndyuūs. Nguéé diíⁿ nī tan'dúúca 'iiⁿ'yāⁿ yeⁿ'e iⁿ'yeeⁿdí 'cūū chi nguεε i'téenu yā Jesu-cristo ngaⁿ'a yā chī diíⁿ nī.

24 Ndís'tiī hermanos yeⁿ'é, ca'áámá ca'áámá ndís'tiī canéé nī ndúúcu Ndyuūs. Naachi canéé nī mííⁿ canéé Dendyuūs ndúúcu nī.

25 'Úú ca'á 'áámá consejo yeⁿ'ē n'daataá chi nguéé n'giindivaacu tá. Deenú chi ngaⁿ'á tan'dúúca chí Dendyuūs néⁿ'é yā, naati chuū ní nguéé ley yeⁿ'é yā. 'Úú Pablo 'úú chi i'teenú Ndyuūs. Ní Ndyuūs ch'iⁿ'í yā 'úú chiiⁿ chi 'úú diíⁿ ní ngaⁿ'á.

26 'Úú nadacadiinúúⁿ chi n'daacā chi saⁿ'ā s'eenⁿ 'cuεεtinée sa damaāⁿ sa. Ti maaⁿ ní deenu yú chi ndaā tiempo chi n'geenu yú ngii.

27 Ndís'tiī saⁿ'ā chi véé n'daataá yeⁿ'é nī, nguéé cu'neeⁿ nī táⁿ'ā. Ndís'tiī saⁿ'ā chi nguéé n'daataá yeⁿ'é nī nguéé in'nuúⁿ nī n'daataá chi cuuvi yeⁿ'é nī.

28 Nduuti chi 'áámá saⁿ'ā ch'iindivaacu sa, nguéé dinuūⁿndí sa. Nduuti chi n'daataá mííⁿ 'caan-davaacú tá, nguéé dinuuⁿndí tá. 'Úú nadacadiinúúⁿ chi 'iiⁿ'yāⁿ chi ch'iindivaacu yā ní 'cueenu cá yā cuuvi. Nguéé neⁿ'é chi ndís'tiī 'cueenu cá nī cuuvi.

29 Chuū ngaⁿ'á ngī ndís'tiī hermanos yeⁿ'é: Nguéé 'naaⁿ tiempo 'cuεεtinée yú iⁿ'yeeⁿdí 'cūū. Saⁿ'ā chi véé n'daataá yeⁿ'ē sa n̄diiⁿ sa ntiíⁿnyuⁿ yeⁿ'e 'iivú Ndyuūs vmnááⁿ vmnaaⁿ nguéé ti neⁿ'e n'daataá yeⁿ'ē sa.

30 Nguéé diíⁿ nī cuenta yeⁿ'e de'ē vεε chi chó'ōo

yeⁿé nī. Nduuti chi nγεεcú nī yeⁿe 'aama tináⁿā nguéé 'naaⁿ tiempo cuεεcú nī. Nduuti chi yeenú nī ti véé 'áámá 'viicu nguéé 'naaⁿ tiempo cunéé vaadī yeenú nanáaⁿ nī. Nduuti chi ngái nī tuu'mi ní ngáácú nī chi nguéé 'naa tiempo cunee.

³¹ Ní ndís'tiī chi véé negocio yeⁿé nī yeⁿē cosa chi véé ná iⁿ'yeeⁿdí 'cūū, nguéé 'cuεεtineé nī dámaāⁿ yeⁿe chuū, ti iⁿ'yeeⁿdī ndúúcū nducuénⁿē chi véε yeⁿē ní chó'oo.

³² 'Úú neⁿé chi nguéé nadacádíinuⁿ nī yeⁿé dendu'ū chi véé. Saⁿā s'eeⁿ chi nguéé n'giindivaacu sa ndéε sa cuidado yeⁿe dendú'ū chi yeⁿē 'iivú Ndyuūs. Ní idiiⁿ sa tan'dúúcā chi neⁿé Ndyuūs.

³³ Saⁿā chi n'giindivaacu sa ndéε sa cuidado yeⁿē chi véé na iⁿ'yeeⁿdí 'cūū táácā cuuvi cunee yíínūu n'daataá yeⁿē sa.

³⁴ 'Tiicá ntúūⁿ idiiⁿ n'daataá chí n'gíndíváacu tá. 'Áámá n'daataá chí nguéé n'giindivaacu tá ndéε tá cuidado yeⁿe dendu'ū yeⁿe 'iivú Ndyuūs. Ní diiⁿ tá ndúúcū nuuⁿmaⁿ staava yeⁿē tá nducuénⁿē chi neⁿe Ndyuūs. Nguéé 'tíicā idiiⁿ n'daataa chí n'gīindivaacu tá. Ndéε tá cuidado yeⁿe nducuénⁿē yeⁿē vaacu tá ni táácā chi cuuvi cunee yíínūu isaⁿā yeⁿē tá.

³⁵ Ngaⁿá ngī ndis'tiī chuū: Nguéé chi nguéé 'caandavaacú nī ti neⁿé chi ndís'tiī ní cuuvi cunee n'daaca cá nī. Neⁿé chi ndís'tiī diiⁿ nī ndúúcū nuuⁿmaⁿ staava yeⁿe nī chiiⁿ chi cuuvi dichíí'vē ca Ndyuūs. Ní cu'neéⁿ nī nducuénⁿē chi véé iⁿ'yeeⁿdí 'cūū chí cuuví nī.

³⁶ Nduuti chi 'áámá saⁿā nadacádiinuⁿ sa chi n'daacā chi daiya sa chi n'daataa cuiinu 'caandavaacu tá ti véé nduuyu yeⁿē tá tuu'mi ní cuuvi

diiⁿ sa n'daacā caava tá. Ní 'caandavaacú tá. Chuū ní nguéé nuuⁿndi.

³⁷ Nduuti chi táámá saⁿ'ā miiⁿ nguéé neⁿ'e sa chi daiya sa 'caandavaacu tá ti canéé ditiinú sa na staava yeⁿ'ē sa chi nguéé neⁿ'e sa 'caandavaacu tá, tuu'mi ní cunee libre sa. Ní cuuví diiⁿ sa chεε chí neⁿ'ē sa. Ní diiⁿ sa cuidado táⁿ'ā daiya sa. Ní n'daacā idiiⁿ sa.

³⁸ Saⁿ'ā chi ngaⁿ'a sa chi n'gīindivaacu tá, o saⁿ'ā chi nguéé neⁿ'e sa chi 'caandavaacú tá, nduu 'uuví saⁿ'ā miiⁿ din'daacá sa. Naati n'daacā ca idiiⁿ saⁿ'ā chi nguéé neⁿ'e sa chi 'caandavaacú tá.

³⁹ N'daataá chi n'gíídívaacu tá canéé chi 'cuεεtinee tá ndúúcū isaⁿ'ā yeⁿ'ē tá núúⁿmáⁿ neⁿ'e chí cándúúchi sá. Ndúúti chi 'cuūvī saⁿ'ā yeⁿ'e tá tuu'mi ní cuuví 'caandavaacu tá ndúúcū táámá saⁿ'ā chi i'téenu sa Jesucristo.

⁴⁰ 'Úú inadacádiinúúⁿ chí n'daacā ca yeⁿ'ē tá chi 'aa ntéé 'caandavaacu tá. Chuū chi ngaⁿ'á nguéé dámaāⁿ yeⁿ'e chi 'úú nadicádiinúúⁿ ti tan'dúúcā chi neⁿ'e Espíritu N'dai yeⁿ'é Ndyuūs.

8

Yeⁿ'e yuūtē chi 'iiⁿ'yāⁿ cá'a yā yeⁿ'ē nátai yeⁿ'e ídolos

¹ Maaⁿ ní idinguúⁿ taama chi yeⁿ'e yuūtē yeⁿ'e 'iiti chi 'iiⁿ'yāⁿ 'caaⁿ'núⁿ yā ní cá'a yā yuūtē miiⁿ yeⁿ'ē nátaī cáávā ídolos. Deenu yú chí nducyaaca yú deenu yú 'tεε yeⁿ'e chuū. 'Iiⁿ'yāⁿ chi nadacádiinúúⁿ yā chí deenú cá yā cuuvi dich'εεté maáⁿ yā 'iiⁿ'yāⁿ. 'Iiⁿ'yāⁿ chí neⁿ'é yā Ndyuūs ní neⁿ'é yā hermanos, 'iiⁿ'yāⁿ miiⁿ néⁿ'é yā chí tanáⁿ'ā hermanos chí cuuvi déenu cá yā yeⁿ'e Ndyuūs.

2 'Iiⁿ'yāⁿ chi nadacádiinúúⁿ yā chi deenu yā nguéé tanducueⁿ'ē deenu yā tan'dúú^{cā} chi canéé chí cuuví deenu yā.

3 Nduuti chi 'áámá 'iiⁿ'yāⁿ dinéⁿ'e yā Ndyuūs, tuu'mi ní Ndyuūs inaaⁿ yā 'iiⁿ'yāⁿ miiⁿ.

4 Maaⁿ ní 'úú neⁿ'é chi cadiinúúⁿ nī yeⁿ'e yuūtē chí 'iiⁿ'yāⁿ cá'a yā yeⁿ'e nátaī yeⁿ'e ídolos. Deenu yú chí ídolos nguéé cánduuchi. Deenu yú ti 'áámá n'dyáⁿ'ā Ndyuūs chí vεε yā ní nguéé ca táámá yā.

5 'Iiⁿ'yāⁿ ngaⁿ'a yā chí nééné véeé cá ídolos na yáⁿ'āa 'cūū níícú nanguuvi váá. Ní 'iiⁿ'yāⁿ ngaⁿ'á yā chí cosa s'eeⁿ ní dendyuūs s'eeⁿ.

6 S'uuúⁿ deenu yú chí véeé 'áámá nuúⁿ Ndyuūs yeⁿ'ē yú. Ndyuūs Chiida yú chí din'dái yā tanducueⁿ'ē dendu'ū. Ní Ndyuūs diiⁿ yā chí cuuvi yeⁿ'é yā s'uuúⁿ. Véeé 'áámá n'dyáⁿ'a 'iivú Ndyuūs yeⁿ'ē yú chí Jesucristo. Ndyuūs Chiida yú ndúú^{cū} Jesucristo daiyá yā din'dái yā tanducueⁿ'ē dendu'ū chí véeé. Jesucristo yeⁿ'ē yú tee yā vida yeⁿ'ē yú cueⁿ'e daāⁿmaⁿ.

7 Nguéé nducyaaca 'iiⁿ'yāⁿ chí i'téénu yā Jesucristo deenú yā chí 'aama n'dyáⁿ'ā Dendyuūs vεε yā. Ndií maaⁿ ní náⁿ'a yā ní i'téénu yā chí canduuchi ídolos. Taachi 'iiⁿ'yāⁿ cá'a yā yuūtē yeⁿ'ē nátaī yeⁿ'e ídolos, ní i'téénu yā chí ca'a yā yuūtē nátaī yeⁿ'é dendyuūs s'eeⁿ. Ní taachi 'iiⁿ'yāⁿ chí duu'ví deenú yā yeⁿ'e Ndyuūs che'é yā yuūtē yeⁿ'e nátaī s'eeⁿ, 'iiⁿ'yāⁿ miiⁿ nadacádiínuuⁿ yā chí véeé nuūⁿndī yeⁿ'e yā.

8 Ndyuūs nguéé diiⁿ cuenta yā yeⁿ'ē s'uuúⁿ nduuti chí nge'e yú yuūtē miiⁿ o nguéé. Nduuti chí nge'e yú yuūtē miiⁿ nguéé idiiⁿ chí n'daacā ca yú. Nduuti chí nguéé che'e yú nguéé idiiⁿ chí nguéé n'daacā ca yú.

9 Ndís'tiī chi déénu nī chεε chi Ndyuūs nen'é yā chi diiⁿ nī, 'caandiveéⁿ nī. Nguéé diiⁿ nī dε'ε vεε chi 'iiⁿyāⁿ chi duu'vī déénu yā yeⁿe Jesucristo cuuvi nacádínuuⁿ yā chi vεε nuuⁿndi yeⁿe yā.

10 'Úú ngaⁿ'á ngī ndís'tiī chi canee diituu cá nī chi i'téénu cá nī Ndyuūs. Deenú nī chi nguéé vée nuuⁿndi yeⁿe nī taachi chi snée na mesa yeⁿe ní'vεε yeⁿe yaācū yeⁿe ídolos. Naati 'iiⁿyāⁿ chi duu'vī déénu yā yeⁿ'é Jesucristo cuuvi n'diichí yā ndís'tii, tuu'mi ní 'iiⁿyāⁿ miiⁿ chi nadacadiinúúⁿ yā chi ndís'tiī 'tεε 'tεε i'téénu nī ídolos. 'Iiⁿyāⁿ miiⁿ cuuvi diíⁿ yā tan'dúúcā ndis'tii idiíⁿ nī. Caⁿ'á yā che'é yā yuūtē miiⁿ ní diíⁿ yā sentir chi vée nuuⁿndi yeⁿ'é yā.

11 'Áará chi cuuvi che'é nī yuuté 'cūū ní nguéé vée nuuⁿndi yeⁿ'é nī nguéé nen'é nī chi hermanos chi duu'vī deenú yā yeⁿ'é Jesucristo diíⁿ yā 'tíicā, caati nguεεcúndí yā ní 'tεε 'tεε i'téénu yā ídolos. Ní 'tíicā idiíⁿ hermanos ní Cristo ch'iī yā na cruz ntúūⁿ caavá yā.

12 Taachí diíⁿ nī 'tuucā 'tíicā idinuuⁿndi nī contra Cristo níicú contra yeⁿ'e hermano chi duū'vī déénu yā yeⁿ'é Jesucristo. Caati hermanos miiⁿ 'tεε 'tεε i'téénu yā ídolos, ní vée nuūⁿndi yeⁿ'e yā.

13 'Úú nacádiinúúⁿ yeⁿ'e chuū 'tíicā. Nduuti chi 'úú che'é yuūtē miiⁿ, ní 'úú diíⁿ chi hermano chi duu'vī deenú yā yeⁿ'é Jesucristo che'é yā ní vée nuuⁿndi yā, tuu'mi ní 'āā ntée che'é yuūtē miiⁿ.

9

Pablo ca'á yā orden ti 'áamá apóstol yeⁿ'é Jesucristo

1 ¿'Áá nguéé 'úú Pablo 'áámá apóstol 'úú ní cuuvi dííⁿ nducueⁿē chi nguéé nuuⁿndi? ¿'Áá nguéé 'úú nnguaⁿāi 'úú? 'Úú n'diichí Señor Jesucristo yeⁿē yú. 'Úú candéé nduudu cuaacu yeⁿe Ndyuūs. Ní ndís'tiī i'téénu nī nduudu miiⁿ caavā ntiiⁿnyuⁿ yeⁿé.

2 Nduuti chi tanáⁿa yā nguεε i'téénu yā chi 'úú apóstol 'úú, ndís'tiī i'téénu nī chi cuaacu. Ndís'tiī ní tan'dúúcā sello 'tiicá nī, ti i'téénu nī Señor Jesucristo. Ní deenú nī chi 'úú 'aama apóstol yeⁿe Señor Jesucristo. Ndís'tiī ní yeⁿe Jesucristo caavā chi 'úú candéé nduudu miiⁿ.

3 'Iiⁿyāⁿ chi itínguuneeⁿ yā 'úú yeⁿē chi 'úú chi 'aama apóstol, 'túúcā nan'guεεcútaⁿá yeⁿe yā.

4 Nús'uu chi apóstoles ¿'áá nguéé tuneéⁿ 'nū chi ché'é 'nū ní cú'ú 'nū ndúúcū ndís'tiī na vaacu nī?

5 ¿'Áá nguéé tuneéⁿ 'nū chi 'áámá 'áámá 'nū candéé 'nū n'daataá yeⁿe 'nū taachi caⁿa 'nū cuaaⁿ cyúúní? 'Túúcā diīⁿ tanáⁿā apóstoles, ndúúcū hermanos chi yeⁿe Jesucristo, ndúúcū hermano Pedro.

6 Dámaāⁿ 'úú ndúúcū Bernabé dííⁿ 'nū ntiiⁿnyuⁿ cáavā chi ché'é 'nū.

7 ¿Du'ú soldado diiⁿ sa gastar tuumi caavā gastos yeⁿe sa taachi diiⁿ sa ntiiⁿnyuⁿ miiⁿ? ¿Du'ú saⁿā ngiichi sa díí'yú uvas ní 'áá nguéé cuuvi ché'é sá yeⁿē? ¿Du'ú 'iiⁿyāⁿ chi diiⁿ cuidado 'áámá taaⁿ 'iiti cuūchī ní 'áá nguéé cuuvi cu'ú yā leche yeⁿē 'iiti miiⁿ?

8 'Úú nguéé ngaⁿá chuū tan'dúúcā chi ngaⁿa saⁿa chi ca'a orden. Ngaⁿá chuū, ti 'tíicā ngaⁿa ley yeⁿe Moisés miiⁿ.

9 Caneé nguūⁿ na libro yeⁿé Ndyuūs chi ley chi

Moisés dinguúnⁿ yā chi 'tíicā: Nguéé cu'nuúnⁿ nī yaana duutú tī chi inde'ei nuúnⁿ tī nguaaⁿ trigo chi nguéé cuuvi che'é tī: ¿'Áá ndεε cuidado Ndyuūs dámaāⁿ 'iiti? Nguéé 'túúcā.

10 Cáávā nús'uu, ní cuaacu níⁿnyúⁿ canéé nguūⁿ 'tíicā: 'Ii'yāⁿ chí di'cuūndú yā 'iiti ndúúcū 'ii'yāⁿ chí yiinenaáⁿ yā 'iiti chi inde'ei nuúnⁿ tī nguaaⁿ trigo, 'ii'yāⁿ s'eeⁿ ní cunee ngiinú yā cosechā yeⁿe yā.

11 Candεé 'nū nduudu yeⁿe Ndyuūs nguaaⁿ ndís'tiī taachi 'āā cuéé 'caandiveéⁿ nī nduudu miī. ¿'Áá nguéé téé nī nús'uu necesidades yeⁿe 'nū?

12 Nduuti chi tanáⁿā apóstoles cuuvi cuta'á yā necesidades yeⁿe yā yeⁿe ndís'tiī, ¿'áá nguéé cuuvi cuta'á 'nu necesidades yeⁿe 'nū dendú'ū? Nguéé caaⁿmáⁿ 'nū chí ndís'tiī téé nī necesidades yeⁿe 'nū naatí chí chεé 'nū nducuéⁿē dendu'ū, caati 'ii'yāⁿ cuuvi cu'téenu yā nduudu yeⁿe 'iivú Ndyuūs.

13 ¿'Áá nguéé déénú ndís'tiī chuū ndii tiempo chí 'aa chó'ōo yeⁿe 'ii'yāⁿ chí diīⁿ ntiiⁿnyuⁿ yeⁿe yaacū templo? 'Ii'yāⁿ miīⁿ che'é yā comida yeⁿe yaācū. 'Tiicá ntúūⁿ, 'ii'yāⁿ chí diīⁿ yā ntiiⁿnyuⁿ yeⁿe nátai, 'ii'yāⁿ miīⁿ che'é ntúūⁿ yā chí véé nátai chí 'ii'yāⁿ ndεε yā ndaa yā nátai.

14 'Tíicā ngaⁿa Señor 'iivú Ndyuūs yeⁿe 'ii'yāⁿ chí candεé yā nduudu yeⁿe evangelio chí nduudu ngai yeⁿe Jesucristo. 'Ii'yāⁿ miīⁿ 'cuεetinée yā ndúúcū 'ii'yāⁿ chí i'téenu yā Señor Jesucristo, ní ca'á yā 'ii'yāⁿ s'uuⁿ chí che'é yā.

15 'Úú nguéé sta'á túumī yeⁿe nī, ní nguéé che'é de'ε veε, ti teé túumī ndís'tiī. Nguéé dinguúnⁿ chuū chí 'tíicā diīⁿ nī nduucú. N'dáácā ca yeⁿe chí 'cuūví

ní mar 'áámá 'iiⁿyāⁿ nguéé cuuvi caaⁿmaⁿ yā chi 'úú candéé ndúúdu cuaacu yeⁿe Dendyuūs cáávā chi nadíí^{vε} yā 'úú.

16 'Áará chi ngaⁿá evangelio chí ndúúdu ngai yeⁿé Jesucristo 'úú nguéé cuuvi caaⁿmáⁿ chi 'úú chí ch'εεté. Canéé chí caaⁿmáⁿ yeⁿé evangelio, ti cáávā chuū chííⁿ chi Ndyuūs dicho'ó yā 'úú. Nééné 'cueenú cuuvi nduuti chí nguéé caaⁿmáⁿ yeⁿé evangelio.

17 Ndúúti chí caaⁿmáⁿ yeⁿe evangelio ti dííⁿ buscar ntiiⁿnyuⁿ miiⁿ tuu'mi ní Ndyuūs nadíí^{vε} yā 'úú, naati nguεε 'tíicā. Cáávā chuū canéé chí caaⁿmáⁿ evangelio chí ndúúdu ngai yeⁿé Jesucristo.

18 ¿δε'ε ndaacā yeⁿé 'úú? Nguéé δε'ε vεε ndaacā yeⁿé. Cáávā 'úú nadíí^{vε} yeⁿé chíiⁿ chí ngaⁿá ndúúdu ngai. 'Úú caaⁿmáⁿ nduudu ngai yeⁿé Jesucristo ní yeenú taavi 'úú ti nguéé cutaⁿá dēndú'ū yeⁿe nī. Nguéé caaⁿmáⁿ chí ndís'tiī tee nī 'úú δε'ε vεε cáávā ntiiⁿnyuⁿ yeⁿé 'aara chí cuaacu chí canéé chí dííⁿ nī.

19 N'daacā caneé 'tíicā. Nguéé du'ū vεε cuuvi caaⁿmaⁿ ntiiⁿnyuⁿ yeⁿé, ti 'iiⁿyāⁿ nguéé nadíí^{vε} yā 'úú. 'Úú dichíí^{vε} nducyáácá 'iiⁿyāⁿ 'iicu cuuvi cu'téenu yā Jesucristo yeⁿé yú.

20 'Áará chí maaⁿ nguéé costumbre yeⁿé chí idiíⁿ tan'dúúicā chí ngaⁿa ley yeⁿé Moisés, naati taachi caneé nguaaⁿ 'iiⁿyāⁿ hebreo s'eeⁿ chí dííⁿ yā tan'dúúicā chí ngaⁿa ley yeⁿé Moisés, 'tíicā idiíⁿ dēndú'ū. Idiíⁿ 'tiicā ní 'iicu 'iiⁿyāⁿ hebreo s'eeⁿ cuuvi cu'téenu yā Jesucristo.

21 Taachi 'úú caneé ndúúicū 'iiⁿyāⁿ chí 'āā vi'i cā ley yeⁿé yā nguéé ti ley yeⁿé Moisés miiⁿ, 'úú idiíⁿ

tan'dúúcā 'iiⁿyāⁿ s'eeⁿ. Naati nguéeé idiíⁿ cosa chi Ndyuūs nguεε neⁿé yā chi 'úú diíⁿ. 'Tíícā idiíⁿ, ní 'íícú 'iiⁿyāⁿ miiⁿ cuuvi cu'téenu yā Jesucristo.

22 Taachi caneé nguaaⁿ 'iiⁿyāⁿ chi duūvā tuu'mi 'úú idiíⁿ tan'dúúcā 'aama chi duūvā, ní 'iicu cuuvi cu'téenu yā Jesucristo. Nduu cuaaⁿ naachi caⁿ'á 'úú idiíⁿ nducuéⁿ'ē tan'dúúcā chi idiíⁿ 'iiⁿyāⁿ s'uuⁿ. Idiíⁿ 'tíícā ní 'iicu diíⁿ chí nanguáⁿ'ai náⁿ'a yā.

23 'Úú idiíⁿ tanducuéⁿ'ē chuū chi 'úú cuuvi caaⁿ'máⁿ nduudu yeⁿ'e Ndyuūs nanááⁿ 'iiⁿyāⁿ. Ní cuuvi cuta'a yú cosa chi n'dai chi Ndyuūs téé yā s'uūúⁿ.

24 ¿'Áá nguéeé déénu ndís'tiī yeⁿ'e 'iiⁿyāⁿ chi ngéénu yā na juego? Nducyaaca yā ngéénu yā na juego naati 'áámá núuⁿ yā chi diíⁿ yā ganar ní ndaaca regalo yeⁿ'e yā. Maaⁿ ní ndís'tiī diíⁿ nī tan'duucā 'aama chi ngéénu yā ní diíⁿ nī ganar. 'Tíícā diíⁿ nī chiiⁿ chi Ndyuūs neⁿ'é yā, ní tunéé ndís'tiī chi cuuvi yeⁿ'é nī chεε chí Ndyuūs téé yā ndís'tiī.

25 Ca'áámá ca'aama saⁿ'ā chi ngeēnū sa nguéeé cuuvi diiⁿ sa nducuéⁿ'ē chi neⁿ'e sa. Dámaāⁿ idiiⁿ sa cosas chi n'daācā caavā sa cucáāvā chí ditiīnú sa. 'Tíícā idiiⁿ sa ní cuuví ndaacā sa 'áámá corona yeⁿ'e naāndā chí ngo'o yéⁿ'ē. S'uūúⁿ ní idiiⁿ cá yú tan'dúúcā chí Dendyuūs neⁿ'é yā chí diiⁿ yú, ní ndaaca yú 'áámá corona chí nguéeé tuií yeⁿ'ē chí Dendyuūs téé yā s'uuúⁿ.

26 'Úú idiíⁿ ntiiⁿnyuⁿ yeⁿ'é Ndyuūs tan'dúúcā 'áámá chí ngeenu na juego ní diíⁿ yā ganar. 'Úú idiíⁿ ntiiⁿnyuⁿ díítūu tan'dúúcā 'iiⁿyāⁿ chí nguⁿ'ú yā ndúúcū taamá yā, nguéeé tan'duucā chí nguⁿ'ú yā ní ngéⁿ'é yā na 'yúúné.

27 'Úú idiíⁿ sufrir cáávā ntiiⁿnyuⁿ yeⁿ'é Ndyuūs, ní diiⁿ n'dai cá ntiiⁿnyuⁿ miiⁿ. 'Tíicā idiíⁿ, ti nguéé neⁿ'é chi cuayiivi chi caaⁿ'máⁿ nduudu cuaacu miiⁿ, Ndyuūs cuuvi caaⁿ'máⁿ yā yeⁿ'e 'úú chi nguéé n'daacā diíⁿ ntiiⁿnyúⁿ yeⁿ'e yā.

10

Pablo ca'á yā consejo chi 'iiⁿ'yāⁿ nguéé canee chi i'teenú yā ídolos

1 Ndís'tiī hermanos yeⁿ'é, neⁿ'é chi ndís'tiī nan'gáácú nī yeⁿ'e tiempo chi 'āā chó'ōo. 'Iiⁿ'yāⁿ hebreos diíⁿ yā seguir 'áámá meēⁿ chi ngíicá nanguuvi. Ndyuūs dicho'ó yā mééⁿ miiⁿ. Ní nducyaaca 'iiⁿ'yāⁿ n'diichí yā tíí cueⁿ'ē mééⁿ miiⁿ. Ní ngíicá yā ní cho'ó yā naavtaⁿ'ā yíicú chí nuūⁿnīⁿ'yáⁿ'ā chi nguuvi Roja naachí Ndyuūs diíⁿ yā chí nduūvī cuuⁿmáⁿ 'áámá yāanūu yeⁿ'ē caavá yā.

2 Nducyaaca 'iiⁿ'yāⁿ ní cueⁿ'é yā ndúúcū Moisés. Ní meéⁿ miiⁿ ch'iⁿ'ī yúúní 'iiⁿ'yāⁿ s'eeⁿ. Ní cho'ó yā naavtaⁿ'ā nuūⁿnīⁿ'yáⁿ'ā ndúúcū Moisés miiⁿ. Chuū ní tan'dúúcā chi Ndyuūs cheédínuūⁿniⁿ yā 'iiⁿ'yāⁿ s'eeⁿ ndúúcū Moisés miiⁿ.

3 Nducyáácá yā che'é yā pan chi Ndyuūs dicho'o. Ní pan miiⁿ chí chiicā ndii nanguuvi.

4 Ndyuūs ca'a yā 'iiⁿ'yāⁿ s'eeⁿ nuūⁿnīⁿ chi can'daā na tuūu, ní nducyáácá yā chí'i yā nuuⁿnīⁿ miiⁿ. Ní tuūu miiⁿ ní tan'dúúcā chi Cristo miiⁿ, 'tíicā. Espíritu yeⁿ'é Cristo cueⁿ'ē ndúúcu yā naachí cueⁿ'e yā.

5 Ndyuūs nguéé canee yiinú yā tan'dúúcā chi idiíⁿ n'deēe n'daí 'iiⁿ'yāⁿ ti nguéé ch'iindiveéⁿ yā

yeⁿ'é Ndyuūs. Ní 'iiⁿ'yāⁿ s'eeⁿ ch'iⁱ yā cuaaⁿ naachi nguée 'iiⁿ'yāⁿ na yáⁿ'āa cuūⁿmáⁿ.

⁶ Dendú'ū chuū chi chó'ōo ní 'íicú n'diichi yú, 'íicú s'uūúⁿ nguée neⁿ'e yú yeⁿ'e dendú'ū chi nguée n'daacā tan'dúúcā 'iiⁿ'yāⁿ s'eeⁿ chí idinéⁿ'e yā.

⁷ Cáávā chuū nguée idiiⁿ yú 'viicu cáávā ídolos, tan'dúúcā chi idiiⁿ tanáⁿ'ā 'iiⁿ'yāⁿ tiempo chi 'āā chó'ōo. Canée nguūⁿ ndii cuááⁿ vmnaaⁿ na libro yeⁿ'é Ndyuūs 'tíicā: 'Iiⁿ'yāⁿ s'eeⁿ diíⁿ yā 'viicu cáávā ídolos, ní ch'εεté yā, ní che'e yā, ní chí'í yā ní ch'iinu chuū, ní nacueeⁿ yā, ní nde'ei yā. Cuayiivi ní saⁿ'a s'eeⁿ n'diichí yā n'daataa s'eeⁿ ní dinuuⁿndí yā.

⁸ Nguée n'diichi yú 'áámá sáⁿ'ā o 'aama n'daataá taachí 'āā cuée 'caandavaacu yú ndúúcu yā, tan'dúúcā chi idiiⁿ tanáⁿ'ā 'iiⁿ'yāⁿ s'eeⁿ. Ní cáávā nuuⁿndi yeⁿ'é yā, na 'áámá nguuvi nūuⁿ n'diicu 'íínú mil 'iiⁿ'yāⁿ ch'iⁱ yā ná yáⁿ'āa cuūⁿmáⁿ naachi nguée 'iiⁿ'yāⁿ.

⁹ Nguée diiⁿ yú chí tuu'vī yú Ndyuūs, ti neⁿ'e yú n'diichí yú nduutī chi Ndyuūs diíⁿ yā castigar s'uūúⁿ tan'dúúcā chi Ndyuūs diíⁿ yā ndúúcū tanáⁿ'ā 'iiⁿ'yāⁿ. Ní Ndyuūs dichó'o yā cúu taaⁿ chí che'é tī 'iiⁿ'yāⁿ s'eeⁿ ní ch'iⁱ yā.

¹⁰ Ní nguée caaⁿ'maⁿ taaⁿ yú yeⁿ'e Ndyuūs tan'dúúcā chi diiⁿ tanáⁿ'ā 'iiⁿ'yāⁿ s'eeⁿ. Cáávā chuū ní Ndyuūs dichó'o yā ángel yeⁿ'é yā ní ch'iⁱ yā.

¹¹ Tiempo chí 'āā chó'ōo ndí cuááⁿ vmnaaⁿ, chó'ōo tanducuéⁿ'ē chuū ní canée nguūⁿ na libro yeⁿ'é Ndyuūs. Maaⁿ ní s'uūúⁿ cuuvi deenu yú yeⁿ'e 'iiⁿ'yāⁿ s'eeⁿ ní nguée diiⁿ yú tan'dúúcā chí diíⁿ yā.

¹² Cáávā chuū 'iiⁿ'yāⁿ chi nadacadiinúúⁿ yā chí i'teenu diitú yā Ndyuūs canee chi nadacadiinúúⁿ

yā chεε chi diiⁿ yā, ní nguée 'cuūvá yā na nuuⁿndi.

13 Ndís'tiī 'caandiveéⁿ nī yeⁿ'é. Mar 'áámá cosa chi nguée n'daacā nguée ndaā nanááⁿ ndís'tiī nduuti chi nguée ndaā nanááⁿ tanáⁿ'a ca 'iiⁿ'yāⁿ. Ndyuūs ní n'dai ca yā ndúúcū ndís'tiī, ní nguée 'cuúⁿ yā chi ndaā nanááⁿ ndís'tiī dendu'ū chi nguεε cuuví cuchée nī. Taachi ndaā dendu'ū chi nguée n'daacā nanaaⁿ ndís'tiī Ndyuūs teé yā fuerzas ndís'tiī chi nguée diiⁿ nī dendu'ū chi nguée n'daacā. Ní 'íícú cuuví cuchée nī.

14 Cáávā chuū ndís'tiī hermanos chi neⁿ'é taavi, diví nī yeⁿ'ē nducyaaca ídolos.

15 'Úú ngaⁿ'á ngī ndís'tiī chi 'iiⁿ'yāⁿ chi deenu, ní ndís'tiī cuuvi deenú nī yeⁿ'ē chííⁿ chí ngaⁿ'á nduuti chi nduudu cuaacu o nguée.

16 Taachi diiⁿ yú 'viicu ní che'e yú Santa Cena yeⁿ'e Señor Jesucristo ní sta'a yú taza chi cu'u yú vino, tuu'mi ní caaⁿ'maⁿ yú gracias Ndyuūs chi di'viicú yā vino miiⁿ. Diiⁿ yú chuū ti maaⁿ ní ch'íⁿ'í yú chi yeⁿ'é Cristo s'uūuⁿ. Ní véé vida yeⁿ'ē yú cueⁿ'e daāⁿ'maⁿ cucáávā yuūúⁿ yeⁿ'é Cristo chí n'geeⁿ. Pan yeⁿ'ē Santa Cena chi n'dee yú, n'dee yú ti maaⁿ ní yeⁿ'é Cristo s'uuúⁿ. Ní cuerpo yeⁿ'e yā ca'néeⁿngá'āa na cruz cáávā s'uūúⁿ.

17 S'uūuⁿ ní 'yaaⁿ yú ní nducyaacu yú che'e yú yeⁿ'ē 'áámá pan nūuⁿ. 'Tíicā s'uuúⁿ ní tan'dúúicā 'áámá cuerpo nūuⁿ ti yeⁿ'é Cristo s'uuúⁿ.

18 Cuin'diichí nī 'iiⁿ'yāⁿ yeⁿ'e ndaata Israel tiempo chi 'aā chó'ōo. 'Iiⁿ'yāⁿ s'eeⁿ 'caaⁿ'núⁿ yā 'iiti ní tee yā yuūtē vmnaaⁿ nátai yeⁿ'e Ndyuūs. Ní i'téenu yā 'iivú Ndyuūs yeⁿ'e yú. Cuayivi ní che'é yā yuūtē miiⁿ. 'Tíicā 'iiⁿ'yāⁿ ch'íⁿ'í chi yeⁿ'é Ndyuūs.

19 Neⁿ'é caāⁿ'máⁿ yeⁿ'é yuūtē chi 'iiⁿ'yāⁿ che'é yā maaⁿ chi yeⁿ'e ná^{tai} yeⁿ'e ídolos. Nguéé véé poder yeⁿ'ē ídolos. Nguéé véé poder yeⁿ'e yuūtē miiⁿ.

20 Chūū ní ngaⁿ'á. 'Iiⁿ'yāⁿ chi ch'iiⁿ'núⁿ yā 'iiti s'eeⁿ ní tee yā yuūtē ná^{tai} yeⁿ'e ídolos diiⁿ yā chuū cáá^{vā} yááⁿ'n'guiinūⁿ s'eeⁿ. Ní nguéé diiⁿ yā cáá^{vā} 'iivú Ndyuūs. 'Úú nguéé neⁿ'é chi che'é nī yuūtē miiⁿ yeⁿ'e ná^{tai} miiⁿ, nī ndís'tiī ní nguéé caⁿ'á nī lado yeⁿ'e yááⁿ'n'guiinūⁿ.

21 Ndís'tiī nguéé cuuvi cu'ú nī vino yeⁿ'e taza nī yeⁿ'e chi véé na mesa yeⁿ'ē Santa Cena yeⁿ'e Jesucristo nduuti chi cu'ú nī yeⁿ'ē chi véé na mesa yeⁿ'e yááⁿ'n'guiinūⁿ. Nguéé cuuvi yeⁿ'é Ndyuūs ndís'tiī nduuti chi yeⁿ'é yááⁿ'n'guiinūⁿ ndís'tiī.

22 ¿'Áá neⁿ'e nī 'cuuⁿ'miⁿ nī 'iivú Ndyuūs chi ca'á nī lado yeⁿ'ē yááⁿ'n'guiinūⁿ? ¿'Áá ditiinú cá ndís'tiī nguéé ti 'iivú Ndyuūs ti Ndyuūs nguéé diiⁿ yā castigar ndís'tiī?

Yeⁿ'e chi 'iiⁿ'yāⁿ cuuvi diiⁿ yā ti i'teenú yā Jesucristo ní canee yā ndúú^{cū} vaadī neⁿ'e yeⁿ'é Ndyuūs

23 Cuuvi diiⁿ yú tanducuéⁿ'e chi n'daacā, naati nguéé diiⁿ yú cosa chi nguéé n'daacā ti nguéé véé nuuⁿ'ndi yeⁿ'ē yú. Nguéé nducuéⁿ'ē chi n'daacā chi diiⁿ yú nginnee s'uuúⁿ chi yeⁿ'e Cristo. Ní dendu'ū miiⁿ chi n'daacā, nguéé n'daāca cá caavā s'uuúⁿ chi i'téenu yú 'iivú Ndyuūs.

24 Mar 'áámá 'iiⁿ'yāⁿ chi yeⁿ'e Cristo damaáⁿ yā nadacadíⁿuuⁿ yā dendu'ū chi yeⁿ'e maáⁿ yā, naati nadacadíⁿuuⁿ ntúⁿ yā yeⁿ'e chi neⁿ'e tanáⁿ'ā 'iiⁿ'yāⁿ.

25 Yúútē chi 'iiⁿ'yāⁿ in'diicuí yā ní'vēē cuuvi che'é nī. Ní nguéé itínguuneeⁿ nī yeⁿ'e yuūtē miiⁿ. 'Tíicā diíⁿ nī ní nguéé dinuuⁿndí nī.

26 Ní yáⁿ'āa ndúúcū nducuéⁿ'ē chi véé vmnaaⁿ yeⁿ'ē ní yeⁿ'e 'iivú Ndyuūs.

27 Nduuti chi 'aama 'iiⁿ'yāⁿ chi nguéé i'téenu yā Jesucristo diíⁿ yā invitar ndís'tiī chi che'é nī ndúúcu yā, ní nduuti chi neⁿ'é nī tuu'mi ní caⁿ'á nī ndúúcu yā. Tanducuéⁿ'ē chi cun'duú yā na mesa ní che'é nī. Nguéé tiinguuneeⁿ nī dε'ε vεε yeⁿ'e chi che'é nī. 'Tíicā nguεε dinuuⁿndí nī.

28 Nduuti chi 'áámá 'iiⁿ'yāⁿ ngaⁿ'a yā ngii yā ndís'tii chuu: Yúúte 'cūū ní canéé vmnaaⁿ nátaī yeⁿ'e ídolos, tuu'mi ní nguéé ché'e nī yuūtē miiⁿ. Ní nguéé diíⁿ nī chi 'iiⁿ'yāⁿ miiⁿ cuuvi nadacádiinúúⁿ yā chi dinuuⁿndí nī. Ní yáⁿ'āa ndúúcū nducuéⁿ'ē chi véé vmnaaⁿ yeⁿ'ē ní yeⁿ'é 'iivú Ndyuūs.

29 'Úú ngaⁿ'á ngī ndís'tiī chuū. Nguéé che'é nī yuūtē miiⁿ chi yeⁿ'ē nátaī taachi 'iiⁿ'yāⁿ ngaⁿ'á yā chi che'é nī yuūtē miiⁿ, ti 'iiⁿ'yāⁿ nadacádiinúúⁿ yā chi véé nuuⁿndi yeⁿ'é nī taachi che'é nī yuūtē miiⁿ. 'Úú deenú chi cuuvi che'é yuūtē miiⁿ ní nguéé idinuuⁿndí. 'Iiⁿ'yāⁿ chi duu'vī déenu yā yeⁿ'ē Jesucristo nguéé cuuvi ché'e yā. 'Túúca yúúte 'cūū, ní diíⁿ yā juzgar cosa chi nguéé ituneeⁿ yā. 'Úú deenú chi nguéé véé poder yeⁿ'e ídolos. 'Úú caⁿ'á, gracias Ndyuūs caava yuūtē miiⁿ, ní che'é yuūtē miiⁿ.

30 Ndúúti chi caⁿ'á, gracias Ndyuūs cáávā yuūtē chi che'é, ¿dε'ε cuuvi chi cunncaā ngaⁿ'a yā yeⁿ'e 'úú yeⁿ'ē chi che'é?

31 Diíⁿ nī tan'dúúcā chi ngaⁿ'á. Ní nduuti chi

nge'e nī, o ngi'i nī, o ye^{n'}ē táamá cosa chi diín nī, ndís'tiī diín nī tanducué^{n'}ē cucáávā chi cuuvi dich'εεté n'dai nī Ndyuūs.

³² Nguéé diín nī cosa chi 'ii^{n'}yāⁿ Israel s'eeⁿ o 'ii^{n'}yāⁿ s'eeⁿ chi nguéé ndaata Israel, o 'ii^{n'}yāⁿ s'eeⁿ chi i'téenu yā Jesucristo ye^{n'}ē yú cuuvi nada-cadínuuⁿ yā chi véé nuuⁿndi ye^{n'}é nī.

³³ 'Āā tiī nūⁿ lugar taachi 'úú caneé, 'úú idiín tanducué^{n'}ē chi cunéé yiinu 'ii^{n'}yāⁿ na lugar miiⁿ. Nguéé idiín cosa chi ne^{n'}é maáⁿ, ti diín tanducué^{n'}ē ní 'iicu cuuvi nanguá^{n'}ai 'ii^{n'}yāⁿ.

11

¹ Ndís'tiī ní diín nī tan'dúúcā chi 'úú idiín ti 'úú idiín tan'dúúcā chi Cristo chí'cueeⁿ yā 'úú.

Ye^{n'}ē n'daata s'ééⁿ chí ca^{n'}á yā yaācū

² 'Úú nga^{n'}á n'daacā ye^{n'}e ndís'tiī hermanos ye^{n'}é ti n'gaacú nī ye^{n'}e 'úú, ndúúcū tanducue^{n'}ē dendu'ū. Ní diín nī tan'dúúcā chi 'úú ngi'cueeⁿ ndís'tiī.

³ 'Úú ne^{n'}é chi cadínnūⁿ ndís'tiī chi Cristo miiⁿ ní nga^{n'}a ntii^{n'}nyúⁿ yā ye^{n'}ē nducyaaca sa^{n'}ā. 'Íícú sa^{n'}ā ní nga^{n'}ā ntii^{n'}nyuⁿ sa ye^{n'}e n'daataá yé^{n'}e sa. 'Íícú Ndyuūs Chiida yú nga^{n'}ā ntii^{n'}nyúⁿ yā ye^{n'}e Cristo miiⁿ.

⁴ Nducyáácá sa^{n'}ā chí nga^{n'}ángua'a sa o nga^{n'}a sa nduudu ye^{n'}é Ndyuūs ndúúcū sndiīⁿ ye^{n'}ē sa chi canúúⁿ tiīⁿ sa, ngíí 'cuináaⁿ sa.

⁵ Nducyáácá n'daataá chi nga^{n'}angua'a tá o nga^{n'}a tá nduudu ye^{n'}é Ndyuūs ní nguéé ndεεcu paño ye^{n'}e tá tiīⁿ tá, ngíí 'cuináaⁿ tá ti idiiⁿ tá tan'dúúcā chi ndíí tiīⁿ ta.

6 Nduúti chi nguée ndεεcu paño yeⁿe tá tiīⁿ tá tuu'mi ní cuū tá yuudū tiīⁿ tá. Nduuti chi 'aama n'dáátaá ngíí 'cuináaⁿ tá chi ndíí tiīⁿ tá, tuu'mi ní canée chi chεεcu paño yeⁿe tá tííⁿ tá.

7 Saⁿ'ā ní nguée cánée chi caaⁿ'maⁿ sa nduudu yeⁿ'é Ndyuūs ndúúcu sndiiⁿ yeⁿ'ē sa chi canuuⁿ tiīⁿ sa, ti Ndyuūs din'dái yā saⁿ'ā tan'dúúcu maáⁿ yā chi caaⁿ'maⁿ ntiiⁿnyuⁿ sa, 'tíicā. Saⁿ'ā s'uūuⁿ, saⁿ'ā ní diiⁿ sa ntiiⁿnyuⁿ yeⁿ'e Ndyuūs. N'daataá nguée 'tíicā. Idiiⁿ tá chííⁿ chí ngaⁿ'a isaⁿ'ā yeⁿ'e tá, ti saⁿ'ā miiⁿ caaⁿ'maⁿ ntiiⁿnyuⁿ sa yeⁿ'ē n'daata miiⁿ.

8 Ti Ndyuūs nguée din'dái yā saⁿ'ā yeⁿ'e n'daataá naati din'dái yā n'daataá yeⁿ'e sáⁿ'ā.

9 Ti Ndyuūs nguée din'dái yā saⁿ'ā chí dichíí'vē sa n'daataá, naati din'dái yā n'daataá chí dichíí'vē tá saⁿ'ā.

10 N'daataá ní canée chi ndεεcu paño yeⁿ'ē tá tííⁿ tá ti ch'iⁿ'i tá chi nguée caaⁿ'maⁿ ntiiⁿnyuⁿ tá. 'Tiicá ntúūⁿ ángel s'eeⁿ ní chí canuúⁿ tiīnuú náaⁿ yā taachí canee yā nanááⁿ 'iivú Ndyuūs.

11 Ndyuūs diíⁿ yā chí sáⁿ'ā nguée canē sa dāmāaⁿ sa, ndíí nguée n'daataá canē tá dámaāⁿ tá. Ndyuūs diiⁿ cuenta chí saⁿ'ā ní n'daataá daama daamá yā nanaáⁿ yā ti Jesucristo ch'iī yā cucáávā nduu 'uuví 'iiⁿyāⁿ s'uuⁿ.

12 Vmnaáⁿ vmnaaⁿ n'daata miiⁿ ní yeⁿ'e saⁿ'ā. Maaⁿ ní saⁿ'ā ch'iindiyáaⁿ sa yeⁿ'ē n'daataá naati tanducuéⁿ'ē dendu'ū ní yeⁿ'é 'iivú Ndyuūs.

13 ¿Dε'ē nadacadiinúuⁿ nī yeⁿ'e chuū? ¿'Áá n'daacā chí n'daata caaⁿ'maⁿngua'a tá ndúúcu Ndyuūs 'aara chí nguée ndεεcuú paño yeⁿ'ē tá tiīⁿ tá?

14 Nducyáácá 'iiⁿ'yāⁿ deenú yā chi saⁿ'ā chi n'géénūu yuūdū tíⁿ sa ti 'cuináaⁿ sa.

15 Nduuti chi n'daata n'géénūu tiīⁿ tá n'daacā yeⁿ'ē tá. Ní yuūdū tiīⁿ tá n'daacā chi in'díⁿ tiīⁿ tá chi tan'dúúcā 'áámá paño.

16 Nduuti chi 'iiⁿ'yāⁿ neⁿ'e caaⁿ'maⁿ taáⁿ yā yeⁿ'e chuū, 'úú nguéé cuuvi caāⁿ'maⁿ cá yeⁿ'ē ti 'tíicā costumbre yeⁿ'ē yú. 'Tiicá ntuūⁿ costumbre yeⁿ'e nducyaaca 'iiⁿ'yāⁿ chi i'téenu yā Jesucristo.

Cosas chi nguεε n'daacā idiíⁿ yā taachi che'é yā Santa Cena yeⁿ'ē Señor Jesucristo

17 Maaⁿ ní 'úú idinguúⁿ yeⁿ'é ndís'tiī ti nguéé n'daacā diíⁿ nī. Taachi nduuvidaamá nī nguéé n'daacā ca idiíⁿ nī ti cunncāā ca idiíⁿ nī.

18 'Úú n'giindiveéⁿ chi ndís'tiī nguéé daama vaadī cadiinuuⁿ yeⁿ'e nī taachi nduuvidaamá nī ná yaācū. Véé 'téé chi i'teenú chi cuaacu chi ch'iindiveéⁿ.

19 Canéé chi véé chi nduuvidaamá 'āā vi'í caā ndís'tiī chi i'téenu nī Jesucristo, ti cuuvi deenú nī chéé hermanos nguaaⁿ ndís'tiī chi 'áámá canee yā chí i'téenu cá yā.

20 Taachi 'āā vi'í caā nduuvidaamá nī ní che'é nī Santa Cena yeⁿ'e Señor Jesucristo nguéé che'é nī Cena miiⁿ tan'dúúcā chi Jesucristo caⁿ'a ntiīⁿnyúⁿ yā.

21 Ndís'tiī nguéé canee ngíínú nī taachí ndaa nducyaaca hermanos naati ca'áámá ca'aamá nī diiⁿ núúⁿ yiinu nī ní caⁿ'á nī na yáacū ní che'é nī Cena yeⁿ'e nī. Ní taachi ndaa tiempo chi che'é nī Santa Cena náⁿ'a nī ní cuiicu nī. Tanáⁿ'a nī ní cuu'vi nī.

22 ¿Dé'ē chuū? ¿'Áá nguéé vée va'ai ye'n'e nī naachi cuuvi che'e nī ní cu'u nī? Nduuti chi nguéé ne'n'é nī repartir Cena ye'n'é nī, ¿dé'ē cuuvi chí candéé nī Cena ye'n'é nī chεeti yaācū? Nguéé n'daacā idiíⁿ nī taachi nduuvidaamá nī na yaācū ye'n'e 'iivú Ndyuūs. Dííⁿ nī cosa chi cuuvi 'cuinááⁿ 'iiⁿ'yāⁿ chí nguéé vée chí che'e yā. ¿Dé'ē ne'n'é nī chí 'úú caaⁿ'máⁿ ndúúⁿcū ndís'tiī ye'n'e chuū? ¿'Áá ne'n'é nī chí 'úú caaⁿ'máⁿ ndúúⁿcū ndís'tiī chí n'daacā idiíⁿ nī? Nguéé cuuvi caaⁿ'máⁿ 'tiicā.

Chuū historia ye'n'ē Santa Cena ye'n'e Señor Jesu-cristo

(Mt. 26.26-29; Mr. 14.22-25; Lc. 22.14-20)

23 'Iivú Señor Jesucristo chii yā 'úú chiiⁿ chí 'úú ca'cueéⁿ ndís'tiī. Nguiinū miiⁿ chí 'āā cuéé nca'a Judas Iscariote miiⁿ Jesucristo chí ndí yā preso na ta'á 'iiⁿ'ntyéⁿ'ē, Jesús miiⁿ ní sta'a yā pan.

24 Ch'iinu Jesús nca'a gracias Ndyuūs cáávā pan miiⁿ, tuu'mi ní n'deé yā pan. Ní Jesús ní caⁿ'a yā chii yā discípulos ye'n'e yā: Ndís'tiī cuta'á nī ní che'e nī. Pan 'cūū chí 'úú n'deé tan'dúúⁿcā cuerpo ye'n'é 'tíicā. Ní cuerpo ye'n'é ca'á chí n'deé cucáávā ndís'tiī. Nadiíⁿ nī chuū, ní taachi nache'é nī pan miiⁿ ní nan'gaacú nī ye'n'ē 'úú cueⁿ'e daāⁿmaⁿ.

25 Cuayivi chí che'é nī pan 'cūū Jesús sta'a ntúuⁿ yā taza chí s'néⁿ vino ní ngaⁿ'a yā: Vino chεeti taza 'cūū ní tan'dúúⁿcā yuuúⁿ ye'n'é 'tíicā. Ndúúⁿcū yuuúⁿ ye'n'é idiíⁿ 'áámá compromiso chí ngai. Nadiíⁿ nī chuū ní taachi nangí'í nī vino miiⁿ nan'gáacú nī ye'n'ē 'úú cueⁿ'e daāⁿmaⁿ.

26 Maaⁿ ní taachi che'é nī pan 'tíicā, ní cu'ú nī vino ye'n'e taza 'tíicā, tuu'mi ní ch'iⁿ'í nī 'iiⁿ'yāⁿ

chi Jesucristo ch'iī yā caavā ndís'tiī. Nadiín nī Cena 'cūū ndii tiempo chi ndaa Jesucristo taama vmné'ēe.

Ye'ne táácā cuuvi che'e yú Santa Cena ye'ne Señor Jesucristo

27 'Ii'nyāⁿ chi nge'é yā pan ye'ne Cena 'cūū ní ngi'i ntúuⁿ yā vino ye'ne taza ye'ne Santa Cena ye'nē Jesucristo, canéé chi canéé ndúúcuⁿ staava ye'né yā δεεβε nanááⁿ Dendyuūs. Nduuti chi nguée δεεβε staava ye'né yā nanááⁿ Dendyuūs taachi che'é yā Cena miiⁿ, tuu'mi ní diiⁿ nuuⁿndí yā contra cuerpo ye'ne Señor Jesucristo ndúúcuⁿ yuuúⁿ ye'nē yā dendu'ū, ti nguée diíⁿ yā respetar Jesucristo.

28 Caava chúū 'áámá 'áámá 'ii'nyāⁿ chi ne'né yā che'é yā ye'nē Santa Cena ye'nē Señor Jesucristo, canéé chi n'diichi maáⁿ yā ndúútī chí δεεβε staava ye'né yā nanááⁿ Dendyuūs. Taachi δεεβε staava ye'né yā nanááⁿ Dendyuūs tuu'mi ní cuuvi che'e yā pan ye'ne Santa Cena ye'nē Señor Jesucristo, ní cu'ú yā vino ye'ne taza ye'nē Cena 'cūū.

29 'Ii'nyāⁿ chi nge'é yā ní ngi'i yā ye'ne Cena ye'nē Señor Jesucristo ní nguée nacádiinúúⁿ yā ye'ne cuerpo ye'ne Jesús chí ch'iī caava s'uúúⁿ, Dendyuūs diíⁿ yā castigar 'ii'nyāⁿ miiⁿ. Véé nuuⁿndi ye'né yā nanááⁿ 'iivú Ndyuūs. Maáⁿ yā dinuuⁿndí yā ní diiⁿ yā chi cuuví castigado yā.

30 Cáávā chi diíⁿ nī 'túúcā, 'yaaⁿ n'dáí ndís'tiī ní duuva nī, ní náⁿ'a nī ní ngíta nī, tanáⁿ'ā ní ch'iī nī nguaaⁿ ndís'tiī.

31 Ndúúti chi s'uuúⁿ n'diichi maaⁿ yú chi n'daacā canee yú nanááⁿ Ndyuūs ye'nē yú, Ndyuūs nguée diíⁿ yā castigar s'uuúⁿ.

³² Taachi 'iivú Ndyuūs n'diichí yā nuuⁿndi yeⁿē yú ní nguéé dεεve staava yeⁿē yú taachi che'ē yú Santa Cena yeⁿē Jesucristo, tuu'mi ní teé yā 'aama castigo s'uuúⁿ. Níicú nadacadíinuⁿ yú yeⁿe nuuⁿndi yeⁿe yú. Ní 'íicú nguéé canee yú condenado tan'dúúcā tanáⁿ'ā 'iiⁿ'yāⁿ yeⁿe iⁿ'yeeⁿdí 'cūū chi nguéé i'téenu yā 'iivú Ndyuūs.

³³ Maaⁿ ní ndís'tiī hermanos yeⁿé, taachi nduuvidaamá nī ní che'é nī Santa Cena yeⁿe Jesucristo 'cuεεtinee ngiinú nī ti ndaā tanáⁿ'ā hermanos yeⁿé nī.

³⁴ Nduuti chi 'áámá 'iiⁿ'yāⁿ cuiicú yā, canéé chí ché'é yā na vaacú yā. Tuu'mi ní nducyaaca nī nduuvidaama nī na yaācū ní che'é nī Santa Cena yeⁿe Señor Jesucristo. 'Tíicā cuuvi che'é nī pan ní ngi'í nī vino ní diíⁿ nī respetar Señor Jesucristo. Ní n'diichí Ndyuūs chi nguéé véé nuuⁿndi yeⁿé nī. Tan'dúúcā tanáⁿ'ā chi véé 'úú caaⁿ'máⁿ yeⁿē taachi ndaā ní cuneé ndúúcu nī.

12

Yeⁿē nducuéⁿē chi Espíritu N'dai yeⁿé Ndyuūs téé yā s'uuúⁿ ti yeⁿé Señor Jesucristo

¹ Maaⁿ ní 'úú neⁿé idinguúⁿ yeⁿe chi nca'a Espíritu N'dai yeⁿé Ndyuūs s'uuúⁿ. Neⁿé chi cadíinuⁿ nī chuū.

² Ndís'tiī chi nguéé 'iiⁿ'yāⁿ yeⁿe ndaata Israel ndís'tiī, ti taachi 'āā cuéé i'teenú nī Señor Jesucristo diíⁿ nī tan'dúúcā costumbre yeⁿé nī ní s'téenu nī ídolos chi nguéé cuuví caāⁿ'maⁿ.

³ Neⁿé chi ndis'tiī cadiinúúⁿ nī chuū. 'Iiⁿ'yāⁿ chi canee ndúúcū Espíritu N'dai yeⁿé Ndyuūs ní ngaⁿ'á yā nduudu cuaacu yeⁿé Dendyuūs, nguéé

cuuvi caaⁿmáⁿ yā contra yeⁿe Jesucristo. 'Iiⁿyāⁿ chi ngaⁿ'á yā chi Jesucristo ní 'iivú Ndyuūs yeⁿe yā, ngaⁿ'a yā 'túúcā ti Espíritu N'dai yeⁿ'é Ndyuūs diíⁿ yā chi 'túúcā chí ngaⁿ'a yā.

⁴ Espíritu N'dai yeⁿ'é Ndyuūs tee yā ntiiⁿnyuⁿ s'uūⁿ chí 'āā vi'i caā ntiiⁿnyuⁿ yeⁿ'ē 'áámá 'áámá s'uūⁿ. Ní tee yā poder s'uuúⁿ chí cuuvi diiⁿ yú ntiiⁿnyuⁿ miiⁿ chí 'āā vi'i caā. Niicu véé 'áámá n'dyáⁿ'ā Espíritu N'dai yeⁿ'é Ndyuūs.

⁵ Idiiⁿ yú n'deee nááⁿ ntiiⁿnyuⁿ chí 'āā vi'i caā chi yeⁿ'e 'iivú Ndyuūs, naati nducyaaca ntiiⁿnyuⁿ miiⁿ ní yeⁿ'e 'áámá n'dyáⁿ'ā 'iivú Ndyuūs.

⁶ N'deee nááⁿ ntiiⁿnyuⁿ yeⁿ'e Dendyuūs véé chí idiiⁿ yú ní Ndyuūs ngínnee yā 'áámá 'áámá s'uuúⁿ.

⁷ Ndyuūs tee yā Espíritu N'dai yeⁿ'é yā s'uuúⁿ ní Espíritu miiⁿ nginnee s'uuúⁿ. Ní s'uuúⁿ cuuvi cunnee yú nducyaaca 'iiⁿyāⁿ chí i'téenu yā Señor Jesucristo chí 'iivi yú.

⁸ Espíritu N'dai miiⁿ ní cunnee tanáⁿ'ā 'iiⁿyāⁿ chí ngaⁿ'a n'dááca yā nduudu yeⁿ'é Ndyuūs. Espíritu N'dai yeⁿ'é Ndyuūs nginnee naⁿ'a 'iiⁿyāⁿ chí cuuvi caaⁿ'maⁿ yā ndúúcū vaadī deenú ca. Dámaāⁿ 'áámá n'dyáⁿ'ā Espíritu N'dai miiⁿ diiⁿ chuū.

⁹ Ní Espíritu N'dai miiⁿ ní nginnee nducyaaca 'iiⁿyāⁿ chí i'téenu cá yā Dendyuūs. Ní Espíritu N'dai nginnee náⁿ'ā 'iiⁿyāⁿ ní ca'á poder miiⁿ 'iiⁿyāⁿ s'uuⁿ chí 'iiⁿyāⁿ s'uuⁿ cuuvi diíⁿ yā chí nduūvā yeⁿ'é 'iiⁿyāⁿ chí ngiitā.

¹⁰ Espíritu N'dai miiⁿ ca'á naⁿ'a 'iiⁿyāⁿ chí idiíⁿ yā vaadī n'giinuú ní nga'a poder náⁿ'ā 'iiⁿyāⁿ chí cuuvi candéé yā nduudu cuaacu yeⁿ'é Ndyuūs. Espíritu N'dai miiⁿ ní diiⁿ chí náⁿ'ā 'iiⁿyāⁿ cuuvi

déenu yā chεε 'iiⁿyāⁿ ngaⁿ'á yā caavā Espíritu N'dai yeⁿ'é Ndyuūs o cáávā espíritu yeⁿ'e yááⁿ'n'guiinūⁿ. Ní Espíritu N'dai ca'a náⁿ'a yā poder chi caaⁿ'maⁿ yā n'deee nááⁿ davaacu, ní náⁿ'a yā chi caⁿ'a yā chíⁿ chí neⁿ'e caāⁿ'maⁿ nduudu miiⁿ.

11 'Áámá n'dyáⁿ'ā Espíritu N'dai yeⁿ'é Ndyuūs tee yā poder 'áámá 'áámá s'uuúⁿ chi cuuvi diiⁿ yú ntiiⁿnyuⁿ yeⁿ'é yā tan'dúúcā chí néⁿ'e yā.

S'uuúⁿ ní tan'dúúcā chi s'uuúⁿ ní 'áámá cuerpo nūⁿ s'uuúⁿ

12 'Tíicā véé 'áámá cuerpo yeⁿ'ē yú ní nééné n'deee nááⁿ chí véé yeⁿ'ē. Ní ndúúcū n'deee nááⁿ chí véé yeⁿ'ē, ni yeⁿ'ē 'áámá cuerpo nūⁿ, 'túúcā. Cucáávā chi yeⁿ'e Jesucristo s'uuúⁿ, tuu'mi s'uuúⁿ ní tan'dúúcā chi s'uuúⁿ ní 'áámá cuerpo nūⁿ s'uuúⁿ. Ní cuerpo miiⁿ ní Jesucristo miiⁿ.

13 Ti cááva Espíritu N'dai yeⁿ'é Ndyuūs miiⁿ ngεεdinuūⁿnīⁿ yú ní maaⁿ ní s'uuúⁿ ní yeⁿ'ē 'áámá cuerpo s'uuúⁿ. Nduuti chi 'iiⁿyāⁿ Israel chi judíos s'uuúⁿ, o 'iiⁿyāⁿ griegos s'uuúⁿ o 'iiⁿyāⁿ chí snéé caadi 'iiyu s'uuúⁿ, o 'iiⁿyāⁿ chí diiⁿ ntiiⁿnyuⁿ cáávā maáⁿ yā s'uuúⁿ, nducyaaca s'uuúⁿ ní yeⁿ'ē 'áámá Espíritu N'dai yeⁿ'é Dendyuūs.

14 'Tíicā cuerpo yeⁿ'ē yú, ní nguéeé 'áámá n'dyáⁿ'ā nūⁿ ti 'yaaⁿ n'dái yeⁿ'ē.

15 Ndúúti chi ca'a yú chí ngíí ngaⁿ'a ní miiⁿ ní caāⁿ'maⁿ: Caati 'úú nguéeé 'áámá ta'á 'úú nguéeé yeⁿ'e cuerpo yeⁿ'e yú. ¿'Áá nadacadíinuuⁿ nī chí cáávā chíiⁿ chí caⁿ'a ca'a yú, ní ca'a yú nguéeé yeⁿ'e cuerpo yeⁿ'e yú? Nguéeé 'tíicā.

16 Ndúúti chi veeⁿ yú chí ngíí ngaⁿ'a ní miiⁿ ní caāⁿ'maⁿ: Caati 'úú ní nguéeé 'áámá nduutináaⁿ 'úú

nguée yeⁿe cuerpo yeⁿē yú. ¿'Áá nadacadiínuuⁿ nī chi cáāvā chiiⁿ chi caⁿ'a veeⁿ yú, ní veeⁿ yú nguée yeⁿē cuerpo yeⁿe yú? Nguée 'tíicā.

17 Nduuti chi nuuⁿmaⁿ cuerpo yeⁿē yú ní 'áámá nduutinaaⁿ yú tuu'mi ní ¿taacā cúúv' 'caandiveeⁿ yú? Ní ndúútī chi nuuⁿmáⁿ cuerpo yeⁿē yú ní veeⁿ yú tuu'mi ní ¿táácā cuuvi 'táaⁿ'nuⁿ yú?

18 Dendyuūs s'néeⁿ yā ca'áámá ca'áámá chi canee yeⁿē cuerpo yeⁿē yú na lugar naachi canee yiinú yā.

19 Nduuti chi cuerpo yeⁿē yú ní 'áámá parte nūuⁿ ¿tíi canéé nducuéⁿē cuerpo yeⁿē yú?

20 'Tíicā Dendyuūs din'dái yā 'áámá cuerpo yeⁿē yú chi n'deee nááⁿ chi vεε naati véé 'áámá cuerpo yeⁿē yú.

21 Nduuti chi nduutinaaⁿ yú chi ngíi ngaⁿ'a ní miiⁿ ní caāⁿ'maⁿ yeⁿe ta'ā yú 'tíicā: Dii ta'ā, nguée dichíí'vē di. 'Tiicā ntúūⁿ tiíⁿ ra yú ni caaⁿ'maⁿ yeⁿē ca'ā yú 'tiicā: Díi ca'á, nguée dichíí'vē dii. Nguée cuuvi 'tíicā.

22 Dendu'ū chi snée na cuerpo yeⁿe yú chi duūvā ni 'líiⁿ chi nguée diiⁿ yú cuenta yeⁿē, chíiⁿ chi neené dichíí'vē s'uuúⁿ.

23 Dendu'u chi yeⁿe cuerpo yeⁿē yú chíi nacadi-inuuⁿ yú chi nguée importante, chuū ní diiⁿ yú cuidado yeⁿē tan'dúúcā chíi ch'εεε ca. Dendu'ū yeⁿe cuerpo yeⁿe yú chi nguée neⁿ'e yú chíi 'iiⁿ'yā n'diichi yā chíi n'díi yú ndúúcū catecai yú.

24 Tanáⁿ'ā parte yeⁿe cuerpo yeⁿe yú 'āā n'daacā canee 'āā tiiní caā. Dendyuūs diíⁿ yā cuerpo yeⁿe yú ní diíⁿ yā chíi cundεε ca yú cuidado yeⁿē nducuéⁿē chíi nadacādiínuuⁿ yú chíi nguée importante yeⁿe cuerpo yeⁿe yú.

25 Chuū ní dííⁿ Dendyuūs chi nducuéⁿē parte yeⁿe cuerpo n'daacā dííⁿ ntiiⁿnyūⁿ yeⁿē cuerpo yeⁿe yú. Ní nducuéⁿē cuerpo yeⁿe yú dííⁿ yú cuidado 'áámá parte yeⁿē yú ndúú^cū táámá parte yeⁿe yú.

26 Nduuti chi dííⁿ yú cuidado yeⁿe 'áámá dendú'ū nūⁿ yeⁿe cuerpo yeⁿe yú tí dííⁿ sufrir; tuu'mi ní nuuⁿmaⁿ ch'εεεε cuerpo yeⁿe yú dííⁿ sufrir. Nduuti chi dich'εεé yā 'áámá dendu'ū yeⁿe cuerpo yeⁿē yú tuu'mi ní núúⁿmáⁿ cuerpo yeⁿe yú ní yeenú taavi.

27 Chuū chi caaⁿ máⁿ. Maaⁿ ní nducyaaca ndís'tiī ní yeⁿe cuerpo yeⁿe Cristo Jesús. Ní ca'áámá ca'áámá nī véé parte yeⁿe cuerpo yeⁿe Cristo Jesús.

28 Ndyuūs tee yā ntiiⁿnyuⁿ ca'áámá ca'áámá s'uuúⁿ chi i'teenu yú Jesucristo. Vmnaáⁿ vmnaaⁿ ca'a yā ntiiⁿnyuⁿ chí ch'εεεε ca chí ntiiⁿnyuⁿ yeⁿe apóstoles chi dich'ó Dendyuūs. Cuayiivi ní tee yā tanáⁿā yú ntiiⁿnyuⁿ yeⁿe profetas chi ndεε yú nduudu yeⁿē 'iivú Ndyuūs. Cuayiivi ní tee yā tanáⁿā yú ntiiⁿnyuⁿ chí maestros yeⁿe nduudu yeⁿé Ndyuūs. Ní tanáⁿā yú Ndyuūs tee yā ntiiⁿnyuⁿ s'uuúⁿ chi dííⁿ yú vaadī n'giinu. Tuu'mi ní tee yā tanáⁿā yú ntiiⁿnyuⁿ chí dííⁿ yú chí induūvā yeⁿe 'iiⁿyāⁿ. Tee yā tanáⁿā yú ntiiⁿnyuⁿ chí cunnee yú 'iiⁿyāⁿ. Tee yā tanáⁿā yú ntiiⁿnyuⁿ chí caaⁿmaⁿ ntiiⁿnyuⁿ yú yeⁿe 'iiⁿyāⁿ chí cunnee yā 'iiⁿyāⁿ chí dííⁿ yā ntiiⁿnyuⁿ yeⁿe Ndyuūs. Ni teé yā ntiiⁿnyuⁿ tanáⁿā yú chí ngaⁿa yú n'dee 'nááⁿ davaacu.

29 ¿'Áá nadacadíínuuⁿ nī chí nducyaaca yú apóstoles? ¿'Áá nadacadíínuuⁿ nī chí nducyaaca yú

profetas chi ndeē nduudu ye^{n'e} 'iivú Ndyuūs? ¿'Áá nadacadíinuⁿ nī chí nducyaaca yú maestros ye^{n'e} nduudu ye^{n'é} Ndyuūs? ¿'Áá nducyaaca yú diiⁿ yú vaadī n'giinu?

³⁰ ¿'Áá nducyaaca yú cuuvi diiⁿ yú chi nduuvā ye^{n'e} 'iiⁿ'yāⁿ? ¿'Áá nducyaaca yú nga^{n'a} yú n'dee 'naaⁿ davaacu? ¿'Áá nducyaaca yú cuuvi caaⁿ'maⁿ yú chi ne^{n'e} caaⁿ'maⁿ táámá davaacu? Nguéé 'tíicā.

³¹ Canéé chi diiⁿ yú ntiiⁿnyuⁿ ye^{n'é} Dendyuūs tan'dúucā chi Dendyuūs ne^{n'é} yā chi diiⁿ yú. Ní caavā s'uuúⁿ ní ntiiⁿnyuⁿ miiⁿ ní n'daacā ca. Maaⁿ ní 'úú 'cuuⁿ'míⁿ ndís'tiī táácā cuuvi chí diiⁿ yú chí más cā n'daacā ca.

13

Ye^{n'e} vaadī ne^{n'e} chí ch'εεε n'dai

¹ Nduuti chi s'uuúⁿ caaⁿ'maⁿ yú tan'dúucā chi nga^{n'a} 'iiⁿ'yāⁿ chi deenu, o tan'duucā chi nga^{n'a} ángeles, ní nguéé ne^{n'e} yú nducyaaca 'iiⁿ'yāⁿ, tuu'mi ní nduudu ye^{n'e} yú tan'duucā 'áámá cūū 'líiⁿ chí n'gεεcu, o tan'dúucā 'áámá cu'u lata chi di'cuεεcú yú.

² Ndúúti chi Ndyuūs tee yā ntiiⁿnyuⁿ s'uuúⁿ chi cuuvi caaⁿ'maⁿ yú dendú'ū chi cuchiī, ní nduuti chi cadiinuⁿ yú nducuén'ē chi ye^{n'é} Ndyuūs chi nguεε deenu taná^{n'a} yā, ní nducuén'e vaadī deenu chí ye^{n'e} iⁿ'yeeⁿdí'cūū, ní nguéé ne^{n'e} yú nducyaaca 'iiⁿ'yāⁿ, tuu'mi ní chiiⁿ chí diiⁿ yú nguéé dichí'vē nanááⁿ Dendyuūs. Ní nduuti chi i'teenu ca yú Dendyuūs chí cuuvi caaⁿ'maⁿ yú ye^{n'e} 'áámá yiīcū 'tíicā: N'dii yiīcū, divíi nī ye^{n'e} 'muuⁿ, ní yiīcū miiⁿ ca^{n'a} taama lado. Ní nduuti chí nguéé ne^{n'e} yú

nducyaaca 'iiⁿ'yāⁿ, tuu'mi ní chiiⁿ chi diiⁿ yú nguéé dichíí'vē nanááⁿ Dendyuūs.

³ Nduúti chi ca'a yú nducuéⁿ'ē chi véé yeⁿ'e yú 'iiⁿ'yāⁿ chi nguéé yeⁿ'é yā, ní 'áará chí ca'a yú maaⁿ cuerpo yeⁿ'e yú chi 'iiⁿ'yāⁿ cuucú yā s'uuúⁿ cucáávā chi ngaⁿ'a yú nduudu cuaacu, ní nguéé neⁿ'e yú nducyaaca 'iiⁿ'yāⁿ, tuu'mi ní nguéé de'ē vεε chi diiⁿ yú chi dichíí'vē nanááⁿ Dendyuūs.

⁴ Nduúti chi s'uuúⁿ ní neⁿ'e yú nducyaaca 'iiⁿ'yāⁿ ní nguéé caaⁿ'maⁿ taaⁿ yú ndúúcu 'iiⁿ'yāⁿ ní cuchεε yú tanducuéⁿ'e tuu'mi ní neene n'dai yú. Nduúti chi s'uuúⁿ neⁿ'e yú nducyaaca 'iiⁿ'yāⁿ ní nguéé ngueē yú chiiⁿ chi naaⁿ yú chi véé yeⁿ'e 'iiⁿ'yāⁿ. Ní nguéé nadacadíínuuⁿ yú chi ch'εεε n'dai yú. Ní nguéé maāⁿ yú caaⁿ'maⁿ yú chi ch'εεε n'dai maāⁿ yú.

⁵ Nduúti chi s'uuúⁿ neⁿ'e yú nducyaaca 'iiⁿ'yāⁿ nguéé a fuerza diiⁿ yú dámaāⁿ chiiⁿ chi neⁿ'e yú. Ní nguéé nadacadíínuuⁿ yú dámaāⁿ yeⁿ'e maaⁿ yú, naati nginnee yú 'iiⁿ'yāⁿ chi di'vaachi. Ní cuchεε yú taachí 'iiⁿ'yāⁿ s'eeⁿ dí'vaāchí yā s'uuúⁿ. Ní nguéé nadacadíínuuⁿ yú yeⁿ'ē chi nguéé n'daacā.

⁶ Nduuti chi s'uuúⁿ neⁿ'e yú nducyaaca 'iiⁿ'yāⁿ nguéé yeenu yú taachi táámá 'iiⁿ'yāⁿ diíⁿ yā chi nguεε n'daacā, ti yeenu yú taachí 'iiⁿ'yāⁿ diíⁿ yā dendu'ū chi n'daacā.

⁷ Nduuti chi s'uuúⁿ neⁿ'e yú nducyaaca 'iiⁿ'yāⁿ tuu'mi ní cuchéé yú tanducuéⁿ'ē dendu'ū chi chó'ōo ndúúcu yú. Ní nguéé i'teenu yú tanducuéⁿ'ē dendu'ū chi n'giindiveeⁿ yú chí 'iiⁿ'yāⁿ ngaⁿ'a yeⁿ'e táámá 'iiⁿ'yāⁿ yeⁿ'e chi nguéé n'daacā idiíⁿ yā. Ní cunee yíínu yú nducuéⁿ'e chi n'daacā. Ní cuchéε yú yeⁿ'ē tanducuéⁿ'ē dendu'ū chi diítu n'dái taachí

chó'ōo ye^{n'}ē yú.

⁸ Nduuti chi s'uuúⁿ ne^{n'}e yú nducyaaca 'ii^{n'}yāⁿ, tuu'mi ní 'áámá canee yú ndúúcu vaadī ne^{n'}e ye^{n'}é Dendyuūs chi 'áámá cūneé ndúúcu yú. Ndaā tiempo chi profetas chi nga^{n'}a nduudu ye^{n'}é Dendyuūs 'āā ntéé caa^{n'}maⁿ yā 'tiicā. Ní 'ii^{n'}yāⁿ chi nga^{n'}a yā n'dee 'nāáⁿ davaacu 'āā ntéé caa^{n'}māⁿ yā 'tíicā. Ní vaadī déenū ntúūⁿ chi 'ii^{n'}yāⁿ nga^{n'}a ní cho'ōo ye^{n'}ē. Dāmaāⁿ canee vaadī ne^{n'}e.

⁹ Maaⁿ ní caa^{n'}maⁿ yú nduudu ye^{n'}é Dendyuūs tan'dúúcu chi n'gi^{n'}í yā s'uuúⁿ naati Ndyuūs nguéé ch'i^{n'}í yā s'uuúⁿ vaadī déenú ye^{n'}ē tanducué^{n'}ē.

¹⁰ Taachi chó'ōo tanducué^{n'}ē dendu'ū chi canéé chi cuchii tuu'mi ní deenu yú nducué^{n'}ē, nguéé dámaāⁿ 'téé nūⁿ.

¹¹ Taachí sa^{n'}a 'líiⁿ 'úú, nga^{n'}á tan'dúúcu chi nga^{n'}ā da'cáiyā ní nadacádiinúúⁿ tan'duucā da'cáiyā. Taachí chi ch'εεε 'úú 'āā ntéé diíⁿ tan'dúúcu da'cáiyā.

¹² Maaⁿ ní inaaⁿ yú tanducué^{n'}ē tan'dúúcu chi inaaⁿ yú chεeti 'áámá espejo yaāⁿ yāāiⁿ, ní nguéé inaaⁿ yú n'daacā. Cuayiivi miiⁿ ní n'diichi yú 'iivú Señor Jesucristo dánaaⁿ dánaaⁿ yú. Maaⁿ ní 'téé nuúⁿ deenu yú. Cuayiivi miiⁿ ní snaaⁿ yú tan'dúúcu 'iivu Señor Jesucristo n'diichí yā s'uuúⁿ. 'Tíicā snaaⁿ yú.

¹³ Ná vida ye^{n'}e s'uuúⁿ véé 'iinū chi n'daacā. Véé chi i'teenu yú Dendyuūs, ní véé chi canee ngiinu yú chi diiⁿ Dendyuūs ndúúcu yú, ní véé chi ne^{n'}e yú Dendyuūs. Nduu 'iinú naaⁿ chuū ní chiiⁿ chi ch'εεε n'dai, ní chíiⁿ chi ne^{n'}e yú 'iivú Dendyuūs ní ne^{n'}e yú nducyaaca 'ii^{n'}yāⁿ.

14

Yeⁿ'ē chi 'iiⁿ'yāⁿ ngaⁿ'a yā táámá davaacu

¹ Nducuéⁿ'ē chi diiⁿ yú canéé chi diiⁿ yú chi n'daacā, ti neⁿ'e yú nducyaaca 'iiⁿ'yāⁿ. Vέέ ntiiⁿnyuⁿ ch'εεε yeⁿ'é Ndyuūs. Ntiiⁿnyuⁿ miiⁿ chuū chi vmnááⁿ vmnaaⁿ chi ndís'tīi cuuvi neⁿ'é nī chi diíⁿ nī. Chííⁿ chí caaⁿ'máⁿ nī nduudu cuaacu chí Ndyuūs ch'iⁿ'í yā ndís'tīi.

² 'Áámá hermano yeⁿ'e yú chi ngaⁿ'a táámá davaacu chi n'dááⁿ chi nguέέ deēnū yú, hermano miiⁿ nguέé ngaⁿ'a sa ndúúcū 'iiⁿ'yāⁿ ti ngaⁿ'a sa ndúúcū Ndyuūs. S'uuúⁿ nguεε n'giindiveeⁿ yú nduudu miiⁿ, naati Ndyuūs n'giindiveeⁿ yā, ní hermano miiⁿ ngaⁿ'a sa yeⁿ'e espíritu yeⁿ'ē maaⁿ sa.

³ 'Iiⁿ'yāⁿ chi ngaⁿ'a yā nduudu yeⁿ'é Ndyuūs na veedi diíⁿ yā chi hermanos chi i'téenu cá yā Ndyuūs. Ní ca'cueeⁿ yā hermanos. Ní cá'a yā 'viich'εεtíínūuⁿ hermanos.

⁴ 'Iiⁿ'yāⁿ chi ngaⁿ'á yā nduudu chi n'dááⁿ chi nguέé deenú tanáⁿ'ā 'iiⁿ'yāⁿ, 'iiⁿ'yāⁿ miiⁿ ngi'cueeⁿ maáⁿ yā. Ní 'iiⁿ'yāⁿ chi candéε nduudu yeⁿ'é Ndyuūs chí n'giindiveeⁿ tanáⁿ'a yā, 'iiⁿ'yāⁿ miiⁿ ngi'cueeⁿ yā tanáⁿ'a yā chí snúūⁿ yaācū.

⁵ Neⁿ'é chi nducyaaca ndís'tīi cuuvi caaⁿ'máⁿ nī tanáⁿ'ā davaacu chi n'dááⁿ naati n'daacā ca chí caaⁿ'máⁿ nī nduudu yeⁿ'é Ndyuūs na veedi ní n'giindiveeⁿ yā 'iiⁿ'yāⁿ. 'Iiⁿ'yāⁿ chí ngaⁿ'á yā tanáⁿ'a davaacu chí n'dááⁿ chí nguέé deenu yú, 'iiⁿ'yāⁿ s'eeⁿ nguέé ca'cueeⁿ yā s'uuúⁿ. Dámaāⁿ n'giindiveeⁿ yú nduuti chí táámá yā caaⁿ'máⁿ yā de'έ neⁿ'ē caaⁿ'maⁿ nduudu miiⁿ.

⁶ Ndís'tīi hermanos yeⁿ'é, ndúúti chí 'úú ndaá ní caaⁿ'máⁿ ndúúcū táámá davaacu chí n'dááⁿ chí

nguée n'giindiveén nī, ζtáácā cuuvi cunneeé ndís'tiī? Naati nduuti chi caa'n'mán na veedi tuu'mi ní cuuví caa'n'mán ye'n'ē cosas chi cuchiī, o ye'n'ē nduudu cuaacu chí n'dai chí ye'n'é Ndyuūs. Tuu'mi ní cuuvi 'cuεetinée nī tan'dúúcā chi nga'n'á nduudu ye'n'é Ndyuūs, ní ca'cueén ndís'tiī.

7 Taachí 'ii'n'yān itii'ví yā 'áámá flauta, o tuu'ví yā 'áámá guitarra, ní nguée n'daaⁿ tono chi itii'ví yā, o tuu'ví yā tuu'mi ní ζtáácā cuuvi deenú taná'n'ā 'ii'n'yān de'ē música chi itii'ví yā o tuu'ví yā?

8 Nduuti chi 'áámá soldado itii'ví yā trompeta ye'n'e música ye'n'e caanda, ní nguεε n'daaⁿ tono chi itii'ví yā, ζtáácā cuuvi deenú taná'n'ā soldados ní cuundiyaáⁿ yā chi 'āā ndaá caandaá?

9 'Tiicá ntúūⁿ. Nduuti chi ndís'tiī ní caa'n'maⁿ nī ndúúcū nduudu chi nguée deenu taná'n'ā yā ζtáácā tuumicadiinúúⁿ yā chí nga'n'á nī? Ndís'tiī ní diíⁿ nī tan'dúúcā chi nga'n'á nī na 'yúúné.

10 Nééné n'dee 'nááⁿ davaacu véé i'n'yeeⁿdí 'cūū. Ní 'ii'n'yāⁿ cuuvi caa'n'mán yā maaⁿ na nduudu ye'n'e yā nducuén'ē chí ne'n'é yā ní taná'n'ā 'ii'n'yāⁿ s'eeⁿ 'caandiveén yā nduudu ye'n'e yā.

11 Nduuti chi 'úú nguεε n'giindiveén nduudu ye'n'e taná'n'ā 'ii'n'yāⁿ tuu'mi ní 'ii'n'yāⁿ miiⁿ canée yā tan'dúúcā 'áámá 'ii'n'yāⁿ chí canúúⁿ yúúní. 'Tíica ntúūⁿ, 'úú ní canée tan'dúúcā 'áámá 'ii'n'yāⁿ chí canúúⁿ yúúní ti nguée n'giindiveén yā nduudu ye'n'é.

12 Ndís'tiī chí ne'n'é nī diíⁿ nī ntiiⁿnyuⁿ ch'εεε ye'n'é Ndyuūs, ngiicá nī Espíritu N'dai ye'n'é Ndyuūs chí téé yā ntiiⁿnyuⁿ ndís'tiī, ntiiⁿnyuⁿ chí cuuví ca'cuéeⁿ nī nduudu ye'n'é Ndyuūs 'ii'n'yāⁿ. Ní 'íicú 'ii'n'yāⁿ cuuvi déenu ca yā ye'n'e Ndyuūs.

13 'Iiⁿyāⁿ miiⁿ chi caaⁿ'maⁿ yā táámá davaacu chi ñ'dááⁿ canéé chi ngiicá yā Ndyuūs de'ε chi neⁿ'é caaⁿ'maⁿ nduudu chí caⁿ'a yā. Ní cuuvi caaⁿ'máⁿ yā tanáⁿ'a yā nduudú miiⁿ.

14 Nduuti chi 'úú caaⁿ'máⁿngua'á ndúú^{cū} táámá davaacu chi ñ'dááⁿ ní nguéé deenú chííⁿ chí caaⁿ'máⁿ tuu'mi ní dámaāⁿ espíritu yeⁿ'é caāⁿ'maⁿ. Ní 'úú ní nguéé tuumicadiinúúⁿ dé'ε veε chí caaⁿ'máⁿ.

15 ¿De'ε dííⁿ tuu'mi? Caaⁿ'maⁿngua'á ndúú^{cū} nduudu na veedi ní espíritu yeⁿ'é ní túúmícadiinúúⁿ chííⁿ chi dííⁿ. Ní caatá ndúú^{cū} nduudu na veedi ní espíritu yeⁿ'é ní túúmícadiinúúⁿ chííⁿ chi caatá dendu'ū.

16 Ndúú^{ti} chí ndís'tiī caaⁿ'maⁿngua'á nī ndúú^{cū} táámá davaacu chi ñ'dááⁿ ní ngaⁿ'á nī 'tíicā: N'dií Ndyuūs, gracias, ní dííⁿ nī ndúú^{cū} espíritu yeⁿ'é nī, tuu'mi ní ¿táácā cuuvi caaⁿ'maⁿ tanáⁿ'a yā chí 'tíicā chííⁿ chí ngaⁿ'a nī?

17 'Áará chí n'daacā ngaⁿ'a nī, nguéé cunnee nī 'iiⁿyāⁿ chí caⁿ'á yā yaācū.

18 'Úú Pablo nca'á gracias Ndyuūs yeⁿ'e yú chí ngaⁿ'á cá n'deeé 'nááⁿ davaacu chí ñ'dááⁿ ndúú^{cū} espíritu yeⁿ'é nguεε ti ndís'tiī.

19 Taachí ngaⁿ'á na yaācū n'daacā ca chí caaⁿ'máⁿ nyuⁿ'u nduudu na veedi chí 'úú cadiinúúⁿ ní 'iicu ca'cueéⁿ tanáⁿ'a yā, ti 'úú ngaⁿ'á ta ndiichi mil nduudu táámá naaⁿ davaacu chí ñ'dááⁿ chí nguéé itúúmícadiinuuⁿ tanáⁿ'a yā.

20 Ndís'tiī hermanos yeⁿ'é, nguéé nadacadiinuuⁿ nī tan'dúú^{cā} dá'caiyaā, o tan'dúú^{cā} 'áámá da'cuá'āa chí nguéé inadacadiinuuⁿ yā yeⁿ'ē nuuⁿndi yeⁿ'e yā 'tíicā nī. Maaⁿ ní nducueⁿ'ē chí dííⁿ nī ní nada-

cadíínuuⁿ nī yeⁿ'ē tan'dúúcā saⁿ'ā n'gεεε nada-
cadíínuuⁿ sa.

21 Canéé nguūⁿ na libro yeⁿ'é Ndyuūs ndii cuáán
vmnaaⁿ 'tíicā: 'Úú chi 'iivú Ndyuūs ngaⁿ'á chuū.
'Úú dicho'ó 'iiⁿ'yāⁿ chi canúúⁿ yúúní chi ngaⁿ'á yā
nduudu cuaacu yeⁿ'é ndúúcū táámá naaⁿ davaacu.
Ndaa yā nanáán 'iiⁿ'yāⁿ s'eeⁿ ní 'iiⁿ'yāⁿ s'eeⁿ nguéé
neⁿ'é yā 'caandiveéⁿ yā nduudu yeⁿ'é. 'Tíicā ngaⁿ'a
Ndyuūs.

22 Cáávā chiiⁿ ní Ndyuūs ca'á yā poder 'iiⁿ'yāⁿ chi
caaⁿ'máⁿ yā n'dee 'naaⁿ davaacu chi 'iiⁿ'yāⁿ nguéé
tuumicadíínuuⁿ yā. Ní chíⁿ chí n'giⁿ'i Ndyuūs ní
'aama seña chi poder yeⁿ'e yā cááva 'iiⁿ'yāⁿ chi
nguéé i'téenu yā Ndyuūs. Nguéé caavā s'uuúⁿ chi
i'téenu yú. 'Iiⁿ'yāⁿ chi ca'cueéⁿ yā nduudu yeⁿ'é
Ndyuūs ní ngaⁿ'a yā cáávā s'uuúⁿ chi i'teenu yú
nguéé ti cáávā 'iiⁿ'yāⁿ chi nguéé i'téenu yā Dendyuūs
yeⁿ'é yú.

23 Ndúúti chi 'iiⁿ'yāⁿ chi nguéé i'téenu yā 'iivú
Ndyuūs, o 'iiⁿ'yāⁿ chi canúúⁿ yúúní, ndaa yā
na yáacū ní nduuvidaamá yā ndúúcu yú ní
nducyaaca yú ngaⁿ'a yú davaacu chí n'dáán. ¿'Áá
nguéé caaⁿ'máⁿ yā chi s'uuúⁿ ní loco yú?

24 Ndúúti chi nducyaaca nī ca'cueeⁿ nī nduudu
yeⁿ'é Ndyuūs na veedi ní ndaa 'áámá 'iiⁿ'yāⁿ chεεti
yaācū, 'iiⁿ'yāⁿ chi nguéé i'téenu yā 'iivú Ndyuūs o
nguéé déenu yā 'iivú Ndyuūs yeⁿ'ē yú, tuu'mi ní
'iiⁿ'yāⁿ miiⁿ cuuvi díⁿ yā sentir nuuⁿndi yeⁿ'é yā. Ní
nadacadiinúúⁿ yā yeⁿ'ē nuuⁿndi yeⁿ'é yā na staava
yeⁿ'é yā.

25 'Iiⁿ'yāⁿ miiⁿ ní cuuvi deenú yā de'ē chi maán
yā nadacadiinúúⁿ yā na staava yeⁿ'e yā chi nguεε

cuuvi n'diichí yā. Ní 'iiⁿyāⁿ miiⁿ cundiitín'díí yā ní cu'téenu yā Ndyuūs. Ní ngaⁿ'á yā 'tiicā: Cuaacu nííⁿnyúⁿ Ndyuūs caneé yā ndúúcū ndís'tiī.

Diiⁿ n'daacá nī tanducuéⁿe ndúúcū orden

²⁶ Ndís'tiī ní 'tíicā diiⁿ nī taachi nduuvídaámá nī. Naⁿ'a ndís'tiī ní candéε nī 'aama canción. Ní naⁿ'a nī ch'eeⁿnee listo nī chi ca'cueéⁿ nī tanáⁿ'a yā. Naⁿ'á nī ní ch'eeⁿnee listo nī chi caaⁿ'máⁿ nī 'áámá nduudu cuaacu yeⁿ'é Ndyuūs. Naⁿ'á nī ní caaⁿ'máⁿ nī táámá naaⁿ davaacu chi ñ'dááⁿ naati n'nuúⁿ nī vmnaaⁿ vmnaaⁿ 'áámá hermano chi cuuvi caaⁿ'máⁿ de'ε chi neⁿ'e caaⁿ'maⁿ nduudu s'eeⁿ chi ñ'dááⁿ. 'Tíicā cuuvi, ní cu'téenu cá nī yeⁿ'é 'iivú Ndyuūs.

²⁷ Damaāⁿ 'uuvī o 'iinú nī 'aama 'aamá nī caaⁿ'máⁿ nī ndúúcū naaⁿ davaacu, nduudú chí ñ'dááⁿ, naatí táámá nī ch'eeⁿnee listo chi caaⁿ'máⁿ nī de'ε neⁿ'é caaⁿ'māⁿ nduudu s'eeⁿ chi ñ'dááⁿ.

²⁸ Nduuti chí nguéé véé 'áámá yā nguaaⁿ ndís'tiī chí cuuvi caaⁿ'maⁿ de'ε neⁿ'e caaⁿ'māⁿ nduudu s'eeⁿ chí ñ'dááⁿ tuu'mi 'iiⁿyāⁿ nguéé cuuvi caaⁿ'máⁿ yā ndúúcū davaacu chí ñ'dááⁿ naachi nduuvídaamá nī. Naati 'iiⁿyāⁿ miiⁿ cuuvi ndeé yā cúūnū cúūnū ndúúcū Dendyuūs ndúúcū davaacu chí ñ'dááⁿ.

²⁹ Taachí nduuvídaamá nī, 'uuví nī o 'iinu nī candéε nī nduudu cuaacu yeⁿ'é Ndyuūs ní ca'aama ca'aama nī caaⁿ'máⁿ nī nduudu na veedi ní tanaⁿ'á yā nadacadiínuuⁿ yā yeⁿ'e nduudu chí ngaⁿ'a nī.

³⁰ Ní nduuti Ndyuūs ní n'giⁿ'i yā 'áámá ndís'tiī chí véε nī 'áámá nduudu yeⁿ'é yā chí caaⁿ'máⁿ nī, tuu'mi ní 'iiⁿyāⁿ chí candéε yā nduudu miiⁿ canéé chí téé yā lugar chí caaⁿ'máⁿ nī nduudu yeⁿ'é Ndyuūs.

31 'Tíicā nducyaaca nī cuuvi caaⁿ máⁿ nī nduudu yeⁿ'é Ndyuūs ca'áamá ca'áamá nī. Tanáⁿ'a nī n'giindiveéⁿ nī. Ní 'tíicā ní cuuvi déenu cá nī yeⁿ'é Ndyuūs ní cu'téenu cá nī yeⁿ'é yā.

32 'Iiⁿ'yāⁿ chi caaⁿ máⁿ yā nduudu yeⁿ'é Ndyuūs deenu yā de'ε tiempo chi caaⁿ máⁿ yā.

33 Ndyuūs neⁿ'é yā chi véeⁿ orden chεeti yáacū yeⁿ'é yā ní véeⁿ vaadī 'diiⁿ. 'Tíicā ní ch'eeⁿnéé 'diiⁿ nī dendu'ū na staava yeⁿ'é nī. 'Tíicā cānee tanducuéⁿ'ē yaacū yeⁿ'é Ndyuūs.

34 Taachi nduuvídáamá nī n'daataá nguéeⁿ cuuvi candεε tá nduudu yeⁿ'e Dendyuūs, naati 'diiⁿ 'diiⁿ nūⁿ 'cuεetinéeⁿ cheendí tá. 'Tíicā canéeⁿ nguūⁿ na ley yeⁿ'é Ndyuūs.

35 Nduuti chi 'áamá n'daataá nguéeⁿ tuumicadíⁿnuuⁿ tá yeⁿ'e nducuéⁿ'ē chi ngaⁿ'a yā chεeti yaacū, tuu'mi taachi ndaa tá ná vaacu tá cuuvi níⁿtinguuneeⁿ ta isaⁿ'ā yeⁿ'e tá. Nduuti chi 'áama n'daataá candεε tá nduudu yeⁿ'é Ndyuūs chεeti yaacū, tuu'mi 'cuináⁿ tá.

36 ¿'Áá nguéeⁿ neⁿ'é nī 'caandiveéⁿ nī chi dinguúⁿ yeⁿ'e nī? ¿Dé'ε ra tuu'mi? ¿'Áá yeⁿ'e ndís'tiī nduudu yeⁿ'e Ndyuūs o ndaā dāmáāⁿ nanááⁿ ndís'tiī nduudu miiⁿ?

37 Nduuti chi 'áamá saⁿ'ā nguaaⁿ ndís'tiī nadacadíⁿnuuⁿ sa chi cuaacu chi ntiiⁿnyuⁿ yeⁿ'ē sa chiiⁿ chi caaⁿ'maⁿ sa nduudu cuaacu yeⁿ'é Ndyuūs, ní Espíritu N'dai yeⁿ'é Ndyuūs ca'cueéⁿ yā saⁿ'a miiⁿ, tuu'mi ní cuuvi deenu sa chíⁿ chi idinguúⁿ tan'dúúcā chi Ndyuūs ch'iⁿ'í yā 'úú.

38 Nduuti chi saⁿ'ā miiⁿ nguéeⁿ 'caandiveeⁿ sa nduudu yeⁿ'é, tuu'mi ní ndís'tiī nguéeⁿ 'caandiveéⁿ

nī nduudu ye^{n'}ē sa.

³⁹ Tíicā díiⁿ nī, ndís'tiī hermanos ye^{n'}é. Caa^{n'} máⁿ nī nduudu cuaacu ní ca'á nī lugar chi 'ii^{n'} yāⁿ caa^{n'} máⁿ yā táámá davaacu chi ñ'dááⁿ.

⁴⁰ Diiⁿ n'daacá nī tanducué^{n'}ē ndúúcu orden.

15

Jesucristo 'āā nnduuchi yā ye^{n'}ē nguaaⁿ tiná^{n'}ā

¹ Ndís'tiī hermanos ye^{n'}é, maaⁿ ní chuū nga^{n'}a cuaācú ngíi ndís'tiī nduudu ye^{n'}e evangelio chi ndúúdú ngai ye^{n'}ē Jesucristo. Chíiⁿ 'āā nga^{n'}á, ní ngí'cueéⁿ ndís'tiī. Ní ndís'tiī ní n'giindiveéⁿ nī ní s'téenu nī. Ní 'aama canee n'daacá nī ná nduudu 'cūū.

² Cáávā nduudu cuaacu ye^{n'}é Dendyuūs ndís'tiī ní nnguá^{n'}ai nī ye^{n'}é nuu^{n'}ndi ye^{n'}é nī nduuti chi 'áámá cānee na staava ye^{n'}é nī chíiⁿ chi ca'cueéⁿ ndís'tiī. Nduuti chi ndís'tiī nguéé i'teenú nī nguéé dichíi'vē nduudu miiⁿ cáávā ndís'tiī.

³ Vmnaáⁿ vmnaaⁿ ní chi'cueéⁿ ndís'tiī chεε chi más ca importante tan'dúúcā chi Cristo chi'cueéⁿ yā 'úú. Chuū chiiⁿ chi Cristo ní ch'iī yā cáávā nuu^{n'}ndi ye^{n'}ē yú tan'dúúcā chi canéé nguūⁿ ndii cuááⁿ vmnaaⁿ na libro ye^{n'}é Ndyuūs.

⁴ 'Ii^{n'} yāⁿ ní ch'iichi yā Cristo ní cho'ōo ndii 'íínú nguuvi ní Dendyuūs nadin'duuchí yā Cristo ye^{n'}e nguaaⁿ tiná^{n'}ā tan'dúúcā chi canéé nguūⁿ na libro ye^{n'}é Dendyuūs.

⁵ Cuayiivi chi Cristo nduuchi yā ye^{n'}e nguaaⁿ tiná^{n'}ā sa^{n'}ā Pedro n'diichi sá Cristo. Cuayiivi chi cho'ōo chuū ní ndichuuvi apóstoles n'diichí yā Cristo.

6 Cuayiivi miiⁿ ní 'áámá tiempo nūuⁿ nyuⁿ'u ciento hermanos nduuvidaamá yā ní n'diichí yā Cristo chi 'āā nduuchi yā yeⁿ'ē nguaaⁿ tináⁿ'ā. N'deee cá yā yeⁿ'e nyuⁿ'u ciento hermanos sндуuchí yā ndíi maaⁿ, naati duu'ví yā n'dīi yā.

7 Cuayiivi miiⁿ ní Jacobo, apóstol chi ndεē nduudu yeⁿ'é Dendyuūs n'diichi ntúuⁿ yā Cristo. Ní cuayiivi ní nducyaaca apóstoles n'diichí yā Cristo.

8 Cho'ōo 'yááⁿ n'dai nguuvi ni 'úú, Pablo, n'diichi ntuúⁿ Cristo, 'áará chí 'úú nguéé intiinaáⁿ Cristo taachi cánéé yā iⁿ'yeeⁿdí 'cūū.

9 'Úú, Pablo, nacadiinúúⁿ chi 'úú nguéé n'daacā 'úú, tan'dúúcā yeⁿ'e tanáⁿ'ā apóstoles chi candéé yā nduudu yeⁿ'é Ndyuūs. 'Úú nguéé cánéé chi cuuví apóstol ti vmnááⁿ vmnaaⁿ can'daá 'iiⁿ'yāⁿ yeⁿ'e yaācū yeⁿ'é Dendyuūs, ti neⁿ'é chí 'iiⁿ'ntyéⁿ'ē ca'á yā orden chi 'caaⁿ'núⁿ yā 'iiⁿ'yāⁿ chí naⁿ'á yā yaacū yeⁿ'é Ndyuūs.

10 Maaⁿ ní 'úú 'aama apóstol 'úú ti Ndyuūs díiⁿ yā n'daacā n'dai nduucú. Caati Ndyuūs díiⁿ yā n'daacā n'dai nduucú maaⁿ ní 'úú idiíⁿ n'tiiⁿ'nyuⁿ yeⁿ'é yā. Ní chíiⁿ chí Ndyuūs díiⁿ yā nduucú dichii'vē. Nguéé dámaāⁿ 'úú chí díiⁿ ca n'tiiⁿ'nyuⁿ yeⁿ'é yā ti Ndyuūs. Ndyuūs chí díiⁿ yā n'daacā n'dai nduucú ní cánéé yā nduucú ní nginnee yā 'úú.

11 Nguéé dε'ē vεε ndii nduuti chí 'úú o náⁿ'a yā chí candεε nduudu yeⁿ'é Ndyuūs, tí nús'ūū ngaⁿ'a 'nū nduudu miiⁿ. Ní ndís'tiī ní i'téénu nī nduudu miiⁿ.

Tiⁿ'yāⁿ caⁿ'á yā nnduuchí yā yeⁿ'ē nguaaⁿ tináⁿ'ā

12 Ndís'tiī ní i'téénu nī chí ngaⁿ'a 'nū chí Cristo nduuchí yā yeⁿ'ē nguaaⁿ tináⁿ'ā. ¿Táácā cuuvi chí

ngaⁿ'á nī chi nguée nnduuchí 'iiⁿ'yāⁿ s'eeⁿ yeⁿ'ē
nguaaⁿ tináⁿ'ā?

13 Nduuti chi nguée nnduuchi 'iiⁿ'yāⁿ s'eeⁿ yeⁿ'ē
nguaaⁿ tináⁿ'ā Cristo ntúūⁿ ní nguée 'āā nduuchí yā
yeⁿ'ē nguaaⁿ tináⁿ'ā. Ní cuerpo yeⁿ'e Cristo canee
na yáinyāⁿ ndíí maaⁿ.

14 Ndúúti chi Cristo nguée 'āā nduuchí yā yeⁿ'e
nguaaⁿ tináⁿ'ā tuu'mi ní nduudu chi ngaⁿ'á 'nū
nguée dichíí'vē. 'Tiicá ntúūⁿ nguée dichíí'vē chiiⁿ chi
i'téenu 'nū yeⁿ'e Cristo.

15 'Tiicá ntúūⁿ chiiⁿ chi ngaⁿ'á 'nū chi nduudu
cuaacu yeⁿ'é Ndyuūs, tuu'mi ní nduudu yaadi
nduuti chi nguée 'tíicā. Naati ngaⁿ'a cuaacú 'nū chi
Ndyuūs dííⁿ yā chi 'āā nduuchi Cristo yeⁿ'ē nguaaⁿ
tináⁿ'ā. Nduuti chi nguée nnduuchí tanáⁿ'ā 'iiⁿ'yāⁿ
yeⁿ'ē nguaaⁿ tináⁿ'ā 'tiicá ntúūⁿ nguée 'āā nduuchí
Ndyuūs Cristo yeⁿ'ē nguaaⁿ tinaⁿ'ā.

16 Ndúúti chi tanáⁿ'a 'iiⁿ'yāⁿ nguée nnduuchí yā
yeⁿ'ē nguaaⁿ tináⁿ'ā, 'tiica ntúūⁿ, Cristo nguée 'āā
nduuchí yā yeⁿ'ē nguaaⁿ tináⁿ'ā.

17 Nduuti chi Cristo nguée 'āā nduuchí yā
yeⁿ'ē nguaaⁿ tináⁿ'ā nguée dichíí'vē chi i'téenu yú
Ndyuūs. Ní s'uuúⁿ canee yú condenado ndúúcū
nuūⁿndī yeⁿ'ē yú.

18 Nduuti chi 'tíicā, tuu'mi ní 'iiⁿ'yāⁿ chi 'āā i'téenu
yā Cristo, ní maaⁿ ní 'āā n'dīi yā, 'āā chindái yā
ndúúcū nuuⁿndi yeⁿ'é yā.

19 Nduuti chi nguée nduuchi Cristo yeⁿ'ē nguaaⁿ
tináⁿ'ā tuu'mi ní s'uuúⁿ chi i'teenu yú Cristo,
núúⁿmán neⁿ'e chi snée yú na iⁿ'yeeⁿdí 'cūū neené
ndaachi yíínu yú nguée ti tanáⁿ'ā 'iiⁿ'yāⁿ.

20 Naati cuaacu chi Cristo miiⁿ 'āā nduuchi yā

yeⁿe nguaaⁿ tináⁿā. Ní Cristo miiⁿ ní 'iiⁿ'yāⁿ vmnááⁿ vmnaaⁿ chi nduuchí yā yeⁿe nguaaⁿ tináⁿa yeⁿē nducyáácá 'iiⁿ'yāⁿ chi n'díí.

21 Ti cáávā nuuⁿndi yeⁿe 'áámá saⁿ'a Adán, canéé chi nducyaaca yú 'cuūvi yú. Ní cáávā chi diiⁿ 'aama saⁿ'ā Cristo míⁿ, canéé chí nduuchi yú yeⁿē nguaaⁿ tináⁿ'ā.

22 S'uuúⁿ ní yeⁿe Adán chi diiⁿ nuuⁿndi sa. S'uuúⁿ ní 'iiⁿ'yāⁿ chi diiⁿ nuuⁿndi s'uuúⁿ. Taachí 'iiⁿ'yāⁿ diiⁿ nuuⁿndí yā tuuⁿ'mi canee chí 'cuūvi yā. S'uuúⁿ ní yeⁿe Cristo s'uuúⁿ ní 'cuεti nduuchí yú.

23 Ti 'áámá 'áámá 'iiⁿ'yāⁿ caⁿ'á yā nnduuchi yā yeⁿe nguaaⁿ tináⁿ'ā tan'dúúcā chí itunééⁿ 'iiⁿ'yāⁿ. Cristo 'āā nduuchí yā vmnááⁿ vmnaaⁿ yeⁿe nguaaⁿ tináⁿ'ā. Ní cuayiivi taachi ndaá Cristo na iⁿ'yeeⁿdí 'cūū taama vmnéⁿ'ēe, tuuⁿ'mi ní 'iiⁿ'yāⁿ chí n'díí chí yeⁿe Cristo, 'iiⁿ'yāⁿ s'eeⁿ ní caⁿ'á yā nnduuchi yā yeⁿē nguaaⁿ tináⁿ'ā.

24 Tuuⁿ'mi ní ndaā nguuvi chí 'cuiinū iⁿ'yeeⁿdí 'cūū cuayiivi taachi chó'ōo tanducuéⁿ'ē chí Dendyuūs Chiida yú neⁿ'é yā chí chó'ōo. Ní Cristo caaⁿ'maⁿ ntiiⁿ'nyúⁿ yā yeⁿē nducyaaca 'iiⁿ'yāⁿ ndíí tiiⁿ'yeⁿe iⁿ'yeeⁿdí 'cūū ndúúcū poder yeⁿē. Tuuⁿ'mi ní Cristo ncaⁿ'á yā Chiidá yā tanducuéⁿ'ē chí yeⁿe chí ngaⁿ'a ntiiⁿ'nyúⁿ yā.

25 Ti maaⁿ ní Cristo miiⁿ canéé yā tan'dúúcā 'áámá Rey. Ní taachi chí cuchéε yā yeⁿē tanducuéⁿ'ē enemigo yeⁿe yā, tuuⁿ'mi ní enemigos yeⁿ'é yā canéé yā tan'dúúcā chí canéé yā mááⁿ ca'a Cristo;

26 tuuⁿ'mi ní chí 'cuiinu enemigo yeⁿe Cristo chí vaadī n'gii. Ní Cristo chichεε yā yeⁿ'ē.

27 Dendyuūs 'āā ca'a yā nducué^{n'}ē dendu'u na ta'ā Cristo ní Cristo nga^{n'}a ntii^{n'}nyú^{n'} yā ye^{n'}e tanducué^{n'}ē. Ní nducué^{n'}ē canee tan'dúú^{cā} chi canee maa^{n'} ca'a Cristo. Cristo mii^{n'} nguéé nga^{n'}a ntii^{n'}nyú^{n'} yā ye^{n'}ē Chiidá yā naati Chiidá yā 'āā ca'a yā Cristo tanducué^{n'}ē.

28 Taachí Cristo chéé yā ye^{n'}e tanducué^{n'}ē, tuu'mi ní Cristo, chi daiya Dendyuūs, ca'a yā nducué^{n'}ē na ca'a Dendyuūs chi Chiidá yā. Ní Cristo mii^{n'} maá^{n'} yā canee yā maa^{n'} poder ye^{n'}ē Chiidá yā.

29 ¿De'ε rá tuu'mi? Nduuti chi nguéé nnduuchi 'ii^{n'}yā^{n'} s'ee^{n'} ye^{n'}e nguaa^{n'} tiná^{n'}ā, ¿de'ε cúúví chi díí^{n'} yā 'ii^{n'}yā^{n'} chi ndéédínu^{n'}ni^{n'} yā cáávā taná^{n'}ā 'ii^{n'}yā^{n'} s'ee^{n'} chi n'dií? ¿De'ε cáávā idií^{n'} yā 'tíicā? Nduuti chi nguéé i'téenu yā chi 'ii^{n'}yā^{n'} chi n'dií ca'^{n'}á yā nduuchi yā ye^{n'}ē nguaa^{n'} tiná^{n'}ā.

30 'Tiicá dendu'ū. ¿De'ε cúúví chí 'úú cuneé ndúú^{cū} cáándá chí 'ii^{n'}yā^{n'} 'caa^{n'}nú^{n'} yā 'úú ndii hora mii^{n'}?

31 Cuáácú chí nguuvi nguuvi 'ii^{n'}yā^{n'} ne^{n'}e 'caa^{n'}nú^{n'} yā 'úú cucáávā chí i'teenú Cristo. Cuáácú chí yeenú, ti cáávā Señor Jesucristo chí Señor ye^{n'}e yú ndís'tií i'téenu nī Jesucristo ti 'úú nga^{n'}á nduudu cuaacu ye^{n'}e Jesucristo nanáá^{n'} ndis'tií.

32 ¿De'ε chí cuuvi ye^{n'}é chí cucheé ye^{n'}é 'ii^{n'}yā^{n'} yáā^{n'} Efeso chí díí^{n'} yā nduucú tan'dúú^{cā} 'iiti taa^{n'} nduuti chí nguéé nduuchi 'ii^{n'}yā^{n'} s'ee^{n'} ye^{n'}e nguaa^{n'} tiná^{n'}ā? Tuu'mi ní nga^{n'}a yú 'tiicā: Che'e yú vaa, cu'u yú vaa, ti cavyaa^{n'} ní 'cuūví yú.

33 Nguéé díí^{n'} nī chí 'ii^{n'}yā^{n'} canche'éi yā ndís'tií. Nduuti chí ca'^{n'}á nī ndúú^{cū} 'ii^{n'}yā^{n'} chí nguéé n'daacā idií^{n'} yā tuu'mi ndís'tií cuuví díí^{n'} nī

tan'dúúcā chí idiiⁿ 'iiⁿyāⁿ s'eeⁿ. Nguéé n'daacā chí diíⁿ nī 'tííca.

³⁴ Nadacadíínuuⁿ nī chεε chí diíⁿ nī. Ní diíⁿ nī cosa chí n'daacā. Ní nguéé dinuuⁿndí nī. Tanáⁿ'ā 'iiⁿyāⁿ nguéé deenú yā yeⁿ'e Dendyuūs. Chuū ní ngaⁿ'á yeⁿ'e ndís'tī ní cuuví 'cuináaⁿ nī.

Yeⁿ'e tan'dúúcā chí 'iiⁿyāⁿ caⁿ'á yā nnduuchí yā yeⁿ'ē nguaaⁿ tináⁿ'ā

³⁵ Nduu'ví 'iiⁿyāⁿ ní cuuvi caaⁿ'máⁿ yā chuu. ¿Táácā chí 'iiⁿyāⁿ chí 'āā tináⁿ'ā chí nnduuchí yā yeⁿ'e nguaaⁿ tináⁿ'ā? Ní vεε cuerpo ngai yeⁿ'é 'iiⁿyāⁿ s'eeⁿ, ¿táácā canéé?

³⁶ Ndís'tī chí ngaⁿ'a nī 'túúcā nguéé nadacadíínuuⁿ nī yeⁿ'e chí ngaⁿ'a nī. Ndís'tī chí ngīinu nī ndaata deenú nī chí ndaata miiⁿ canéé chí n'dii vmnááⁿ vmnaaⁿ chí dichí'vē ní ndεε n'gui'i yeⁿ'ē.

³⁷ Ndaata miiⁿ chí ndís'tī ngīinu nī. ¿'Áá nguéé tan'dúúcā 'áámá planta chí cuchí, nduuti chí trigo, o nduuti chí nīⁿnuⁿ, o dε'ē vεε ndaata chí véé?

³⁸ Dendyuūs diíⁿ yā chí 'cuiita ca'áámá ca'áámá ndaata miiⁿ tan'dúúcā chí neⁿ'e yā, ni 'āā ví'i cā ca'áámá ca'áámá yaata naaⁿ yeⁿ'ē ndaata miiⁿ.

³⁹ 'Tííca ntūūⁿ na iⁿ'yeeⁿdí 'cūū. Nguεε dáámá cuerpo yeⁿ'e 'iiⁿyāⁿ. 'Āā ví'í caā cuerpo yeⁿ'e 'iiti, 'āā ví'í caā cuerpo yeⁿ'ē 'yáádá, ní 'āā ví'í caā cuerpo yeⁿ'ē 'yáacā.

⁴⁰ Véé cuerpo yeⁿ'e cosa s'eeⁿ chí véé nanguuvi. Ní véé cuerpo yeⁿ'e 'iiⁿyāⁿ chí canéé na iⁿ'yeeⁿdí 'cūū. Ní cuerpo yeⁿ'e cosa chí véé nanguuvi ní dεεvε. Ní 'aa ví'í caā cuerpo chí ndεεvε yeⁿ'e 'iiⁿyāⁿ yeⁿ'e iⁿ'yeeⁿdí 'cūū.

41 'Tiicá ntúūⁿ 'yáⁿ'ā, ní 'iīyū, ní 'iīⁿnyúⁿ, ní nducyaaca ní δεενεε cá ní 'āā vi'í caā. Nguaaⁿ 'íiⁿnyuⁿ s'eeⁿ chi δεενεέ, nguεε dáámá tí 'āā vi'í caā.

42 'Tiicá ntúūⁿ cuerpo yeⁿ'ē yú, ch'iī yú ní choō cuerpo yeⁿ'ē yú, naati taachi nduuchi yú yeⁿ'e nguaaⁿ tináⁿ'ā, 'āā ntéé nuuⁿndi yú.

43 Maaⁿ ní idinuuⁿndi yú ní 'cuináaⁿ yú cáávā cuerpo yeⁿ'e yú. Naati taachi nduuchi yú yeⁿ'ē nguaaⁿ tináⁿ'ā, tuu'mi ní cuerpo yeⁿ'ē yú ní δεενε, ní n'daacā canéé.

44 Maaⁿ ní cuerpo yeⁿ'ē yú ní yeⁿ'e iⁿ'yeeⁿdí 'cūū ní 'cuūvi yú. Ní taachi nduuchi yú yeⁿ'ē nguaaⁿ tináⁿ'ā, tuu'mi ní cuerpo yeⁿ'e yú ní yeⁿ'e espíritu. Nduuti chi véé cuerpo yeⁿ'ē yú chi yeⁿ'e iⁿ'yeeⁿdí 'cūū, tuu'mi ní véé cuerpo yeⁿ'ē yú chi yeⁿ'e espíritu.

45 Canéé nguūⁿ ndii cuááⁿ vmnaaⁿ na libro yeⁿ'é Dendyuūs 'tíicā: Dendyuūs din'dái yā cuerpo yeⁿ'e saⁿ'ā Adán chi sáⁿ'ā chí cunduuchi sá vmnááⁿ vmnaaⁿ. Naati táámá Adán chí cuayiivi ní nguuvi yā Jesucristo. Ní Jesucristo miiⁿ ní yeⁿ'ē vida chi espíritu chí canduuchi. Ní Jesucristo ca'á yā vida 'iīⁿ'yāⁿ s'eeⁿ yeⁿ'e iⁿ'yeeⁿdí 'cūū chí vida chí yeⁿ'e espíritu.

46 Nadacadíinuūⁿ nī yeⁿ'e chuū. Vmnááⁿ vmnaaⁿ véé cuerpo tan'dúú^{cā} cuerpo yeⁿ'e s'uuúⁿ, ní cuayi-ivi véé cuerpo chí yeⁿ'ē espíritu.

47 Dendyuūs din'dái yā Adán chí saⁿ'a vmnááⁿ vmnaaⁿ yeⁿ'e yaⁿ'á 'cūū. Naati saⁿ'ā cuayiivi miiⁿ chíicā sa ná va'ai chεeti nguuvi ní saⁿ'ā miiⁿ chí Jesucristo.

48 Nducyáácá 'iīⁿ'yāⁿ yeⁿ'e iⁿ'yeeⁿdí 'cūū canéé ndúú^{cū} cuerpo tan'dúú^{cā} 'iīⁿ'yāⁿ yeⁿ'e iⁿ'yeeⁿdí 'cūū. Nducyáácá 'iīⁿ'yāⁿ chí yeⁿ'e Cristo cuuvi

canéé ndúúcū cuerpo tan'dúúcā cuerpo yeⁿe Jesucristo chi yeⁿe va'ai chεeti nguuvi.

49 Maaⁿ ní cuerpo yeⁿe yú tan'dúúcā cuerpo yeⁿe 'iiⁿ'yāⁿ yeⁿe iⁿ'yeeⁿdí 'cūū. Cuayiivi ní ndaāca yú 'áámá cuerpo yeⁿē yú tan'dúúcā chi véé na va'ai chεeti nguuvi.

50 Maaⁿ ní chuū ngaⁿ'á ngī ndís'tiī hermanos yeⁿé: Ndúúcū cuerpo yeⁿē yú ndúúcū yuūtē yeⁿē ndúúcū yuūⁿ yeⁿē nguéé cuuvi ndaa yú na va'ai chεeti nguuvi. Ndíi nguéé véé 'áámá cuaaⁿ dendú'ū chí nchoo ndúúcū chí nguéé nngoō.

51 Cuin'diichí nī. 'Úú ní ngaⁿ'á n'giⁿ'í ndís'tiī yeⁿē 'áámá cosa chí 'iiⁿ'yāⁿ nguεε deenu yā. Nguéé nducyaaca yú 'cuūvi yú. Naati Ndyuūs téé yā nducyaaca s'uuúⁿ 'áámá cuerpo chí ngai tan'dúúcā cuerpo yeⁿé yā chí yeⁿē espíritu.

52 Ní 'áámá tiempo 'líⁿ 'líⁿ nūⁿ tan'dúúcā chí 'áámá ingaaⁿ 'áámá in'gaadi nduutinaaⁿ yú, mááⁿ n'chεeté nūⁿ, ní n'daaⁿ cuerpo yeⁿē yú, taachi 'cuεcú trompeta chí ndii na 'cuiinu. Ní taachi 'cuεcu trompeta miiⁿ, tuu'mi ní 'iiⁿ'yāⁿ chí i'téenu yā Señor Jesucristo chí maaⁿ ní 'āā tináⁿ'ā ní nducuéⁿ yā yeⁿē nguaaⁿ tináⁿ'ā ndúúcū cuerpo ngai yeⁿé yā chí 'āā ntéé choo. Ní 'tiicá ntúūⁿ. S'uuúⁿ chí i'teenu yú Jesucristo ní canduuchi yú, ní n'daaⁿ cuerpo yeⁿe yú.

53 Cuerpo yeⁿe yú chí ngoō. Ní Ndyuūs canéé chí n'daaⁿ yā cuerpo yeⁿē yú ní téé yā s'uuúⁿ táámá cuerpo chí nguéé nchoo. Cuerpo yeⁿē yú chí n'gīī, Ndyuūs canéé chí téé yā s'uuúⁿ táámá cuerpo chí 'āā ntéé ndaa nguuvi chí 'cuūvi.

54 Taachí cuerpo yeⁿē yú chí n'gīī ní ngoo, 'āā

ñ'daaⁿ cuerpo yeⁿ'e chi nguée^e cuuvi n'gīⁿ ndíⁿ nguée^e cuuvi chōō. Tuu'mi cuuvi cuaacu chi canée^e nguūⁿ ndii cuááⁿ vmnaaⁿ na libro yeⁿ'e Ndyuūs 'tíicā: Vida cueⁿ'e daāⁿmaⁿ miiⁿ ní chiché^e yeⁿ'ē vaadī n'gii miiⁿ ti 'āā ntéé^e ch'iī 'iiⁿ'yāⁿ.

⁵⁵ Vaadī n'gii ni 'āā chó'ōo. ¿Táácā cuuvi cuchée^e vaadī n'gii yeⁿ'e 'iiⁿ'yāⁿ chi nguée^e cuuvi 'cuūvi yā? ¿Táácā cuuvi diiⁿ vaadī n'gii miiⁿ tan'dúúcā chi 'áámá 'iiti chí nga'a tī 'iiⁿ'yāⁿ ní n'gii yā? Nguée^e cuuvi.

⁵⁶ Nuunⁿdi miiⁿ chi diiⁿ yú, chííⁿ chi tee lugar vaadī n'gii, ní n'gīⁿ yú. Ní vaadī n'gii miiⁿ diiⁿ tan'dúúcā chí nga'a tī 'iiⁿ'yāⁿ ní n'gīⁿ yā. Ley miiⁿ chííⁿ chi diiⁿ chí 'iiⁿ'yāⁿ deenu yā chí véé^e nuunⁿdi yeⁿ'e yā.

⁵⁷ Nca'a yú gracias Ndyuūs, ti nginneé^e yā s'uuúⁿ chi iché^e yú yeⁿ'e nducuén^{'e} chi yeⁿ'ē yááⁿ'nguiinūⁿ cáávā Señor Jesucristo yeⁿ'ē yú.

⁵⁸ Cáávā chuū ndís'tiī hermanos yeⁿ'é chi neⁿ'e taaví, 'cuεεtinéeⁿ n'daaca nī ndúúcū chiiⁿ chi i'téenu nī. Ní nguée^e ñ'daaⁿ chííⁿ chi i'téenu nī. Ní cueⁿ'e daāⁿmaⁿ dííⁿ nī ntiiⁿ'nyuⁿ yeⁿ'e Señor Jesucristo yeⁿ'ē yú. Ní deenú nī chí ntiiⁿ'nyuⁿ miiⁿ ní véé^e chiiⁿ'vē.

16

Yeⁿ'e ofrenda caavā hermanos

¹ Maaⁿ ní neⁿ'é caaⁿ'máⁿ ndís'tiī yeⁿ'e ofrenda yeⁿ'é nī chí ca'á nī 'iiⁿ'yāⁿ chí i'téenu yā Jesucristo cáávā 'iiⁿ'yāⁿ ndaachíⁿ snée yā ní nguée^e dendu'ū yeⁿ'ē. Dííⁿ nī tan'dúúcā chí 'úú ngaⁿ'á ngī 'iiⁿ'yāⁿ yeⁿ'e tanáⁿ'ā yáacū s'eeⁿ na yáⁿ'āa Galacia.

2 'Tíicā diín nī. Nguuví vmnááⁿ vmnaaⁿ ye^{n'é} ndεεtē chi domingo miiⁿ, ca'áámá ca'áámá ndís'tiī ní cu'néeⁿ nī 'āā vi'í caā parte ye^{n'é} nī chi tunéeⁿ Ndyuūs chi ye^{n'e} nducué^{n'e} chi Ndyuūs tee yā ndís'tiī. Ní ndís'tiī ca'a nī ofrenda ye^{n'é} nī na ta'a 'iiⁿyāⁿ chí nga^{n'a} ntiiⁿnyuⁿ ye^{n'e} yáacū. Ní taachi 'úú ndaá nguéeⁿ canéeⁿ chi ca'a nī ofrenda ye^{n'e} nī.

3 Ní taachi ndaá, 'úú dicho'ó 'iiⁿyāⁿ chi ndis'tiī ne'éⁿ nī chi candεε yā ofrenda ye^{n'é} nī ndíí yāāⁿ Jerusalén. 'Iiⁿyāⁿ miiⁿ candεε yā carta ye^{n'é} ndúúcū ofrenda ye^{n'e} nī.

4 Nduuti chi 'úú canéeⁿ chi ca^{n'a} yāāⁿ Jerusalén tuu'mi 'iiⁿyāⁿ s'eeⁿ ca^{n'a} yā nduucú.

Pablo ca^{n'a} yā chi ca^{n'a} yā yāāⁿ s'eeⁿ

5 Caneé chi cho'ó na yáⁿāa Macedonia. Ní taachi cho'ó na yáⁿāa miiⁿ cuayiivi ní ndaá na yāāⁿ Corinto ní cuneé ndúúcū ndís'tiī.

6 Ne^{n'é} chi cūnēe ndúúcū ndis'tiī tiempo chi 'iichεε. Ní cuayiivi ní ndís'tiī cuuvi ca^{n'a} nī nduucú 'téé nūⁿ naachi 'úú na^{n'a} cuaaⁿ cyúúní.

7 Nguéeⁿ ne^{n'é} n'diichí ndís'tiī taachi cho'ó yāāⁿ vaacú nī, naati canéeⁿ ngiinú chi ndaá n'diichí ndís'tiī 'áámá tiempo nduuti chi Ndyuūs téε yā lugar 'úú.

8 Naati cuneé na yāāⁿ Efeso ndii tiempo ye^{n'e} 'viicu ye^{n'e} Pentecostés.

9 Miiⁿ ní véeⁿ n'dee ca ntiiⁿnyuⁿ chi diín. Ní yāāⁿ Efeso miiⁿ tan'dúúcā 'áámá cheendi va'āi chi ch'εεtε n'dai ni ndεεvéeⁿ n'dai caavā 'úú, ti véeⁿ cá ntiiⁿnyuⁿ chi diín. Miiⁿ ntúūⁿ neene vεε 'iiⁿyāⁿ chi induuví taaⁿ yā ye^{n'é}.

10 Ndúúti chi ndaa saⁿā Timoteo nanááⁿ ndís'tiī, canéé chi diíⁿ nī recibir saⁿā miiⁿ tan'dúú^{cā} 'áámá saⁿā chi diiⁿ ntiin^{nyu} sa yeⁿ'é Ndyuūs, ti saⁿā miiⁿ ní idiiⁿ sa ntiin^{nyu} yeⁿ'é Ndyuūs tan'dúú^{cā} 'úú.

11 Mar 'áámá ndís'tiī ngu^{éé} diíⁿ nī ndúú^{cū} Timoteo tan'dúú^{cā} chi saⁿā chi ngu^{εε} n'daacā, ní ngu^{éé} deenu sa. Cuaviivi taachi dicho'ó nī Timoteo miiⁿ cuaaⁿ cyúú^{ní}, dicho'ó nī saⁿa miiⁿ ndúú^{cū} n'dai. Caneé ngiinú chi ndaa sa ndúú^{cū} tanáⁿā hermanos nanááⁿ 'úú.

12 'Úú neⁿ'é chi hermano Apolos ndaa sa nanááⁿ ndís'tiī taachi ndaa tanáⁿā hermanos. Apolos miiⁿ ngu^{éé} neⁿ'e sa ndaa sa maaⁿ, naatí ndaa sa nanááⁿ ndís'tiī taachi véé yaaⁿ sa.

Pablo diíⁿ yā saludar hermanos

13 'Cu^{εéε} n'daacá nī ndúú^{cū} cuidado. Ní 'cu^{εε}tinéé n'daacá nī ndúú^{cū} chi i'téenu nī chi yeⁿ'e Ndyuūs. Ní tan'dúú^{cā} saⁿā n'g^{εεε} diíⁿ yā ní 'tíicā diíⁿ nī. Ní cunéé diitú nī.

14 Tanducuéⁿ'ē chi diíⁿ nī, ní diíⁿ nī ti neⁿ'e nī Ndyuūs.

15 Ndís'tiī ní deenú nī chi 'iiⁿ'yāⁿ yeⁿ'e va'āi saⁿa Estéfnas s'téenu yā Jesucristo vmnááⁿ vmnaaⁿ taachi snee yā na yáⁿ'āa Acaya. 'Úú yaaⁿ'ví ndís'tiī chi 'iiⁿ'yāⁿ s'eeⁿ neⁿ'é yā diíⁿ yā ntiin^{nyu} chi nginneé nducyaaca 'iiⁿ'yāⁿ chi i'téenu yā Señor Jesucristo yeⁿ'ē yú.

16 'Úú ngiicá ndís'tiī hermanos yeⁿ'é, chi 'caan-diveéⁿ nī yeⁿ'e chi ngaⁿ'ā 'iiⁿ'yāⁿ s'eeⁿ yeⁿ'e va'ai Estéfnas ní cunneé nī 'áámá 'áámá 'iiⁿ'yāⁿ chí idiíⁿ ntiin^{nyu} yeⁿ'é Dendyuūs.

17 Yeenú chi ndaa hermano Estéfanos ndúúcū hermano Fortunato ndúúcū hermano Acaico. N'daacā chi canée yā ndúúcu nī na lugar yeⁿé.

18 'Iiⁿyāⁿ s'eeⁿ ní nduūvī n'daí yā na espíritu yeⁿé ní caⁿ'á yā nduūvī n'daí yā na espíritu yeⁿe nī dendú'ū. Canée chi diíⁿ nī aceptar tanáⁿ'ā 'iiⁿyāⁿ chi diíⁿ yā tan'dúúcā 'iiⁿyāⁿ s'eeⁿ.

19 'Iiⁿyāⁿ yeⁿe yaācū yeⁿe yáⁿ'āa Asia dicho'ó yā saludos yeⁿé nī: N'daí nī, ngaⁿ'a yā. Saⁿ'a Aquila ndúúcū n'daataá Priscila ndúúcā 'iiⁿyāⁿ yeⁿe yaācū chi snée yā ndavaacú yā dicho'ó yā saludos yeⁿe nī: N'daí nī, ngaⁿ'a yā.

20 Nducyáácá hermanos ní dicho'ó yā saludos yeⁿe nī: N'daí nī, ngaⁿ'a yā. Ndís'tiī ní caaⁿ'maⁿ nī 'tíicā yeⁿe hermanos: N'daí yā, ngaⁿ'a nī. Ní caⁿ'á nī ta'a nī taachi diíⁿ nī saludar hermanos ti ndís'tiī ní neⁿ'é nī Dendyuūs.

21 'Úú Pablo dinguúⁿ carta miiⁿ ndúúcū ta'á, ní: N'daí nī, ngaⁿ'á.

22 Nduuti chi 'áámá saⁿ'ā nguéeé idinéⁿe yā Señor Jesucristo yeⁿe yú 'āa cuuví yā condenado. Niiⁿnuⁿ niiⁿnuⁿ canee tiempo chi Señor Jesucristo yeⁿe yú cuuvi ndaa ntúuⁿ yā.

23 Ní Señor Jesucristo yeⁿe yú téé yā ndís'tiī nducuéⁿ'ē chi n'daacā yeⁿe yā.

24 'Úú neⁿ'é ndís'tiī ti ndís'tiī ní yeⁿe Cristo Jesús ndís'tiī. 'Tíicā.

**Nduudu n'dai ye^{n'}e Ndyuūs ye^{n'}e cuicateco
ye^{n'}e Tepeuxila
New Testament in Cuicatec, Tepeuxila
(MX:cux:Cuicatec, Tepeuxila)**

copyright © 1974 Wycliffe Bible Translators, Inc.

Language: Cuicatec, Tepeuxila

Translation by: Wycliffe Bible Translators, Inc.

Cuicateco, Tepeuxila [cux], Mexico

Copyright Information

© 1974, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuicatec, Tepeuxila

© 1974, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022

28b090dc-326e-56c7-994e-5d3354d1d54f